












Digitized by the Internet Archive  
in 2014



OCTAVII  
FERRARII  
DE  
RE VESTIARIA  
LIBRI TRES.



PATAVI, Typis Pauli Frambotti Bibl.  
*Superiorum permissu.*

---

clō. lōc. XLII.

1642



Æ T E R N Æ  
V E N E T O R V M  
R E I P V B L I C Æ.

*Octavius Ferrarius F.*



OPVLVS Romanus Qui-  
ritium eodem tempore &  
rerum dominus & togatus  
esse desit. Nam postquam  
fatorum inuidia, terrarum, ac maris,  
nunquam satis libertatis potens, vnus  
parum viri impotentie, ac libidini Or-  
bis Imperium, seque, ac fortunas au-  
torauit, pristinum quoque cultum,  
mutauit, simulque libertatem exuit,

& togam : Et quod olim non nisi in  
luctu publico, Urbisque periculo vsur-  
pabatur, perpetuò ad saga transijt.  
Quasi eos, qui sponte seruitium indue-  
rant, ipsius fortunæ rubore in veste in-  
genuorum conspici pueret. Itaque  
ex eadem domo rei Romanæ excidio  
natus adolescens, postquam annona,  
& donis morientis libertatis reliquias  
profligasset, vt eius aliquod inane so-  
latium relinqueret, frustra togarum  
vsum reducere conatus est : nam serò  
sapiens Martius populus non diu ludi-  
brium illud tulit, & fortunę suę intel-  
ligens cùm seruili schema deinceps  
processit. Ita nullus scriptoribus eorum  
temporum querendi locus erat, quòd  
cum togæ in desuetudinem abiissent,  
sublatum omne esset inter ingenuos,  
atque seruos in vestitu discrimen : nam  
quid



quid eo opus erat, cum omnes priuatum, aut publicè seruitutem seruirent?

Quanto admirabilior publica res vestra, Principes semper Italiæ Viri, quæ sicut singulari omnium seculorum exemplo intactam per omne æuum libertatem, seruiente Orbe seruauit: ita eodem vestitu, quàm graui, ac maiestatis pleno, tam simplici, & virili pacis, atque ingenuitatis argumento perpetuò vsa est. Et cum Latium omne in barbarum, aut hostilem cultum degenerauerit, ac togati quondam populi braccis adstricti, aut sagulis inclusi, certè in re populi placida altius cincti, quos oderunt imitentur: contra magna pars delicijs fracti adeo a gestanda lorica degenerauerint, vt cum sericum oneri sit, cultus vix nuribus decoros sumant, totque nouis vestium



nomnibus fœdatis in publico pellu-  
ceant. Veneta grauitas prisca morum,  
atque amictus sanctimonia ad hanc  
diem egit, ac maiorum cultum per tot  
secula nulla aut peregrinitate infecit,  
aut luxu blandiente corripit.

Et quamuis Romanę togæ pondus,  
ac redundantiam, morosamque ru-  
garum contabulationem aspernata,  
sit panno etiam æstiuus incommodis  
velata modestia: decoro tamen fluen-  
te ad pedes amictu, non colorum su-  
perbia, aut cretæ ambitu notabili, sed  
maxime ciuili gaudens omne luxus  
certamen submouet, quo maxima  
olim Imperia pessum ière. Ita quam-  
uis sua magistratibus insignia apud  
vos sint, murexque, & violæ color pal-  
matas vestras, ac triumphales illumi-  
net, reliqua promiscuo amictu agitis,  
fimi.

similemque caueæ orchestram, &  
circumdatam sapienti pallio Imperij  
maiestatem miraretur hospes, nisi ni-  
hil admirari a vobis ipsis didicisset.

Ego veterum vestitum, cultumque  
longa defuetudine abolitum, etiam  
apud scriptores vix sui vestigia retinen-  
tem quum eruditorum oculis subijce-  
re constituissem, ausus sum id opus Sa-  
crario vestro sistere, quod apud vos  
conceptum, atque editum, quodque  
non exiguam lucem Græcis, ac Lati-  
nis scriptoribus allaturum spes esset,  
quos vestro accitu, atque inuidiæ ca-  
paci liberalitate publicè interpretabar.

Nec fortasse præter rem fuerit prin-  
cipis quondam populi, sicut bella,  
opesque ita domesticum cultum, ac  
paratum propiùs inspicere, reputantibus  
quàm modicus initio fuerit, atque ipsi

naturę, gentisque primordijs par: in  
luxu victus sit: donec eo ventum, vt  
idem corruptus, ac corruptor, mori-  
bus, ipsique demum Imperio labem  
attulerit. Quo magis seculo, vestro-  
que nomini gratulari libet, apud quos  
cum ex equo viuatur Imperium, amictus  
simplicitas cum morum sanctitate,  
contendit, immo abstinentię index,  
ac custos est, potens humanum genus  
emendare, sicut Venetę mansuetudi-  
nis beneficio Imperio subiecta, exem-  
plo, cuncta terrarum refouentur. Va-  
lete bene rem gerite, Vincite,  
Virtute vera, quod fecistis ante hac.

Patauij in vestro Athenæo Calend.  
Decemb. Anno CIO. IOC. XLII.

# OCTAVIVS FERRARIUS

LECTORI SVO S.

**S**I maiorum gentium Critici , atque  
harum litterarum principes fidem  
suam aliquando liberaissent , & quem to-  
ties polliciti fuerant Commentarium De  
Re Vestiaria non inuidissent , supersedis-  
sem ipse labore hoc , atque aliud interim  
promissem . Sed quoniam beati illi an-  
te fati , quàm studiosorum voto debitum  
persoluerunt , quæ diu in hanc rem com-  
mentatus sum non ultra suppressere con-  
stitui , & pro viribus posteritati consulere .

Res ea quidem si quæ alia in tota ve-  
tustate , ut maxime utilis , & iucunda ,  
ita ardua in primis , atque obscura , non-  
dumque satis viris doctissimis explicata .

Nam



Nam quæ ad hunc diem hoc argumento  
prodiere hiantes deludunt, cumque au-  
ctores multum æstuarint, grandia minati  
pro Romanis barbaros, ac peregrinos habi-  
tus obtrudunt. Lazari Bayffi conatus  
laudandus est, qui tamen si nihil aliud  
statuam nobis pro togata palliatam dedit,  
traxitque in eundem errorem non paucos  
vix excusandos, cum in veteribus num-  
mis, ac lapidibus tot togatæ appareant.  
Sigonius totus in hoc sui dissimilis est, cre-  
do dissentienti studio, & ne fieret acces-  
sio alterius.

Primus nugari desiit iunior Manutius,  
quem maluerunt recentiores transcribere,  
quam laudare, non multum solliciti, ne  
quis manum inijciat, cum pridem docto-  
rum monumenta iuventutis manibus in-  
curia, ac torpor excusserit: dum nova se-  
ctamur veterum incuriosi; Iamque idem

fatum Manutij scripta premit, quod Be-  
roaldis, Politianis, Domitijs, Vallisque  
& reliquis nocuit, qui harum litterarum  
instauratores Italum nomen ultra Sau-  
romatas porrexerunt; Quorum luminibus  
non tam offecit posterior cura, quàm alie-  
nos fætus sibi supponendi mala libido, qui-  
bus ubi miram verborum volubilitatem  
non sine lolligine, & repetitas ad fasti-  
dium scriptorum sententias addidere pro  
suis venditant, atque ambitiosa commen-  
tariorum mole scriptores prægrauant, le-  
ctores absterrent, ijsque miraculo sunt, qui  
libris oculis metiuntur, titulorum periti,  
quique bibliothecas in ostentationem lu-  
xus exornant.

Neque hæc obtrectandi causa dicta  
velim, sed ut ipse quoque euincerer quo-  
ties culpæ huius affinis forem. Ceterum  
Manutium non semel in hoc opere præ lu-  
xiße

xisse initio profiteor, & cum res poposce-  
rit indicabo, nec alium quemquam hono-  
re suo fraudare animus est, per quem pro-  
ficere licuerit. Neque etiam mihi tan-  
tum defero, ut magnis nominibus inseri  
velim, hisque optionem dari: sed id mo-  
do, ut quod illi vel altioribus curis distri-  
cti omiserunt, vel fato intercepti ad exi-  
tum perducere nequiverint, supplerem ipse,  
qui sicut non tantum ingenij, at fortasse  
non minorem curam, certe iuvandi litte-  
ras studium non impar domo attulissem.  
Quantum porro illud sit Lector incorru-  
ptus iudicabit, & quidem minores since-  
rius. Nobis hercules iidem fontes, unde  
illi arua Musarum irrigarunt, patuere,  
& quidem pronius, ad quos illi digitum  
intenderant.

Quid porrò hoc argumento præstiterint  
qui adhuc vitales auras carpunt, seque



ac seculum exornare pergunt, in ipso opere apparebit; Neque ægrè laturos summos viros existimo; quòd sæpè ab ijs modestè dissentiam. Quam sibi veniam in alijs refellendis concedi illi postularunt, haud mihi denegatum iri certus sum. Ceterum nisi ingentia in me merita essent Francisci Putei Venetorum patronorum disertissimi, cuius domus perpetuum Musarum hospitium est, ac commune Prytaneum, hoc illi nomine plurimum deberem quòd nō pauca Romani cultus monumenta nondum vetustatis iniuriâ victa transmiserit, quo res ipsa sub aspectum caderet.

Hæc erant, quæ præfari necesse fuit, reliqua scriptorum solemnia, leniendo livori, aut fascino depellendo ne tangam quidem. Ambitiosi simul est, & meticulosi ægros oculos, ac municipalem rubiginem

ex.

*expectare, aut reformidare. Nimis pre-  
clare mecum actum crederem si hæc inui-  
dia digna viderentur. Lector*

*Viue, vale; Si quid nouisti rectius istis,  
Candidus imperti: si non his utere me-  
cum.*

V L P I A N V S D.  
DE AVRO ARGENTO  
LEGATO.

**V**Estimentorum sunt omnia la-  
nea, lineaque, vel serica, vel  
bombycina, quæ induendi, præcin-  
gendi, amiciendi, insternendi, inij-  
ciendi, incubandiue causa parata sunt:  
Et quæ his accessionis vice cedunt, quæ  
sunt institæ, picturæ, clauique, qui ve-  
stibus insuuntur. Vestimenta omnia  
aut virilia sunt, aut puerilia, aut mulie-  
bria aut communia, aut familiarica.  
Virilia sunt quæ ipsius patris familiæ  
causa parata sunt, veluti togæ, tunicæ,  
palliola, vestimenta stragula, amfita-  
pa, & saga, reliquaque similia. Pue-  
rilia sunt quæ ad nullum alium usum  
per-

pertinent nisi puerilem veluti togæ,  
prætextę, aliculę chlamydes, pallia,  
quę filiis nostris comparamus. Mulie-  
bria sunt, quę matris familię causa sunt  
comparata, quibus vir non facile uti  
potest sine vituperatione, veluti stolæ,  
pallę, tunicę capitia, zonę, mitrę, quę  
magis capitis tegendi, quam ornandi  
causa sunt comparata, plagulę, pænu-  
lę. Communia sunt, quibus promi-  
scuè utitur mulier cum viro: velut si  
eiusmodi pænula palliumue est, & reli-  
qua huiusmodi quibus sine reprehen-  
sione vel vir, vel vxor utatur. Fami-  
liarica sunt, quę ad familiam vestien-  
dam comparata sunt: sicuti saga, tuni-  
cę, pænulę, lintea vestimenta, stragula  
& consimilia.

I

OCTAVII  
FERRARI  
DE RE VESTIARIA  
LIBER PRIMVS.

QVI EST DE TOGA.

*Toga: τήβεννός: τεβέναιον. Vestimenti genus fuisse  
rotundum. ac clausum. Cap. I.*



**T**OGA, Romanum tegmen, ipsis  
Quiritibus longè vetustior scriptori-  
bus perhibetur. Nam circummeasse  
a Pelasgis ad Lydos, a Lydis ad Ro-  
manos auctor est Tertull. de Pallio:  
& cum Suida Artemidorus eius ori-  
ginem ab Temeno Arcade deducunt, qui ad Ionij  
maris accolæ nauigans primus eo modo chlamy-  
dem induit, a quo indigenæ edocti eadem ratione  
habitum suum composuere, vestemque Tebennam  
corrupta voce a Temeno appellarunt. Verba Arte-  
midori sunt lib. II. cap. III. prout ea viri doctissi-

A mi



mi ad Tertullianum emendarunt. Τα δ' αὐτὰ καὶ ἡ  
 Ρωμαϊκὴ ἐθὺς, ἥν νῦν τήβεννον καλεῖσιν ὑπὸ Τημενδῶ τῷ  
 Ἀρκάδῳ, ὅς πρῶτος τὴν αὐτοῦ χλαμύδα τῷτον περικέ-  
 λετο τὸν πρόπον εἰσπλάσας καὶ τὸν ἰόνιον κόλπον, καὶ ὑπο-  
 δεχθεὶς ὑπὸ τῆς ταύτης κατοικέντων, ἀφ' ἧς μαδόντες καὶ  
 οἱ ἐγγχώριοι τὸν αὐτὸν ἐσκέδασαντο πρόπον, καὶ ἐκάλουν τὴν  
 ἐσθῆτα Τημένιον ἐπώνιμον Τημενδῶ τῷ ἑυροντος, ὕστερον  
 δὲ χρόνῳ παραφθαρὲν τὸ ὄνομα τήβεννος ἐκλήθη. Ab  
 hoc igitur Temeno Arcade Τημένιον, mox Τήβεννον  
 togam dixere. Helychius Τήβεννος εἶδος περικολαίης  
 παρὰ Ρωμαίοις. Vbi doctissimus Criticorum Περιβό-  
 λαιον appellat quemadmodum Artemidorus voce  
 περικέλετο vsus est, quod nempe toga vt dicemus,  
 ita iniiceretur siue circumiiceretur, vt totum cor-  
 pus inuolueret. Etymologo Τήβεννος dicitur Re-  
 gium gestamen. Sed si Romani Reges excipian-  
 tur nullus exterorū Tyrannorum toga vsus reperie-  
 tur, nisi ex dono Pop. Romani, aut eius imitatione.  
 Malè itaque ex Polybio apud Athenæum id firmare  
 docti conātur, qui Antiochum Epiphanem memo-  
 rat deposito Regio cultu amictum toga forum cir-  
 cum ire solitum. Πολλάκις δὲ καὶ τὴν Βασιλικὴν ἐσθῆ-  
 δος ἐσθῆτα τήβενναν ἀγαλαβὼν περικέλετο ἀγορὰν. Id  
 enim & præter morem fuisse notat Polybius, & ad  
 imitationem Romanorum fecisse subiicit. Καὶ κα-  
 θίσας ἐπὶ τὸν ἐλεφάντινον δίφρον καὶ τὸ παρὰ Ρωμαίοις ἔθος.

Togam ergo Romanorum gestamen fuisse nemo  
 est qui ignoret: sed quæ eius forma, quodque a  
 Græcanico pallio discrimen viri doctissimi deliti-  
 gant nec satis rem expediunt. Glossæ Veteres Per-  
 sijn. Toga est purum pallium forma rotunda & fusiore,  
 atque inundante sinu. Manutius in quaestis Vesti-  
 menti

menti genus fuisse censeta summo ad imum clausum nullis manicis, quodque totum corpus tegeret, & inuolueret. Contra Sigonius in lib. de Iudicijs Togam apertam fuisse contendit, & quadratam. Quod Athenæus lib. v. narret Romanos in Asia ut vim Mithridatis effugerent ad Tempia confugisse, & quadratis vestimentis abiectis pallia sumpsisse. Ea autem quadrata vestimenta fuisse Togas Cicero indicare videtur pro Posthumo. *P. Rutilium facilius inquit, necessitatis excusatio defendet; qui cum a Mithridate Mytilenis oppressus esset, crudelitatem Regis in Togatos, vestitus mutatione vitauit. Ergo ille P. Rutilius qui documentum fuit hominibus nostris virtutis, antiquitatis, prudentiæ. Soccus habuit & pallium.* Ex quo colligit Sigonius quadratam togam fuisse, eandemq; apertam ex eo contendit, quod Val. lib. iiii. de Nafica in Gracchum impetum facturo loquens ait, *eum lauam manum apertæ togæ circum dedisse.*

Nihilominus Togam vestimentum clausum, & rotundum fuisse, quodque vno iniectu corpus inuolueret, multa sunt quæ conuincunt. Primum antiquæ statuæ, veteresq; nummi talem Togæ formam oculis subijciunt, quæ licet satis id superque comprobent, argumenta tamen non leuia adijciemus. Quod enim primo loco a Manutio affertur, nullius momenti est, qui existimat ita clausam togam fuisse, ut a summo ad imum nullam scissuram habuerit, & proinde ait, *indecorum visum esse pectus nudum patuisse.* Hoc enim omnino falsum est; Nam licet Togæ ut dicemus rotundæ & per imum ambitum essent conclusæ in superiori tamen ora ad ceruices laxè patuisse necesse est, tum ut dex-



erum brachium exereretur, tum ut clavi in tunica Equitū, & Senatorum apparerent ut in statuis togatis videre est. Plut. etiam in Coriolano tradit, consuevisse Magistratum petentes sine interiori tunica in forum opertos toga descendere, ut qui cicatrices haberent signa fortitudinis aperirent; quod fieri minime potuisset, si per totum clausa toga fuisset, & cernicibus adstricta.

Illud ergo potius quod idem Manutius vidit, cum antiquissimi Romanorum ut tradit Gell. l. vii. nullis tunicis uterentur, solisque togis amicti incederent, nisi Togæ a pectore ad ima clausæ fuissent, nihil velando pudori reliquum fuisset: idem dicendum de petitoribus, quos solis togis amictos in campum descendisse tradit ibi Plutar. siue ut cicatrices aduerso pectore ostenderent, siue ne pecuniam ad suffragia mercanda tunica occultarent, siue ut supplicarent humilius. Et quamuis cum solas togas Romani induerent etiam campestribus velando pudori succincti essent (quod de Catone tradit Padianus pro Scauro, quem locum infra examinabimus,) id factum est, non quod toga aperta esset, sed cum sinistro brachio læua eius pars subduceretur, ne aliquid Romano pudori deperiret.

Hinc est quod Cæsar infestis coniuratorum pugionibus petitus togæ sinum sinistra manu ad ima crura deduxit, quò, ut ait Tranquillus, *honestius caderet*: quod frustra fecisset, si toga fuisset aperta; Obtendit ergo sinum, idest læuam togæ partem brachio subductam demisit ad pedes ne dum moribundus prolabitur, tunica, quæ tunc ferè ad medium crus pertinebat, nullis etiam tunc foeminalibus



pag. 5. et 49.



*M. Aurelij.*



*pag. 5. 19. et 49.*



*Plautillae.*



*pag. 5. et 49.*



Planities.



1792 M 2 819



bus, aut braccis, eas partes denudaret, quæ numquam satis obvelantur. Postremò Quintilianus lib. xi. cum cultum Oratoris describit, *Sinistrum brachium eò usque alleuandum* docet (nempe sub toga clausa latens, nam dextrum supernè exerebatur) *ut quasi normalem angulum faciat, super quod ora ex toga duplex* (idest hinc indè brachio pendens) *aqualiter sedeat*. Cui hæc non sufficiunt subiectas Togatorum imagines accuratè perlustret, & oculis suis credat. Has autem e Cimelijs Caroli Stephani Littæ Mediolanensis V.C. deprompsimus, cuius præclaro nomine operis vestibulum collustrasse iuuat.

Figura A

*Sigonij opinio refellitur Togam quadratam censentis.  
Athenaus explicatur. Cap. II.*

**E**X his quæ suprà adduximus satis liquidò apparet, Togam vestimentum fuisse clausum, & rotundum. Nam Marcelli Donati opinio censentis partim quadratum esse, partim circulare ut mitissimè dicam ridicula est. Sed fuisse quadratum ex Athenæi loco laudato Sigonius contendit, quod ante notauerat Victorius lib. xix. Variarum. Vbi Athenæus scæuitiam Mithridatis in togatos commemorans, ait Romanos ab ipso oppressos in Asiam quam occupauit, aut ad simulachra Deum confugiendo, aut quadratis vestimentis abiectis ad palli redeundo, antiquasque patrias iam relictas ab ipsis agnoscendo vitam conseruasse. Sed diligentius Athenæi locum expendenti mihi manifesto apparet, non modo interpretem Dalechampium, sed

summos viros Victoriū, ac Sigonium aliquid humani passos esse; Verba Græci scriptoris hæc sunt. τῶν δὲ ἄλλων Ῥωμαίων οἱ μὲν θεῶν ἀγάλμασι προσεπλάκασιν, οἱ δὲ λοιποὶ μεταμφιεσάμενοι τετραγωναῖματια τὰς ἐξ ἀρχῆς πατρίδας πάλιν ὀνομάζουσι. Quæ sic vertebunt docti viri. Romanorum quidem alij ad simulachra Deū confugerunt: alij mutata veste quadrata patriam quam principio gestabant nunc rursus induunt. Perperam & contraria planè sententia. Sic enim vertendæ erant. Alij quidem ad simulachra Deū confugerunt: alij togam vestimentis quadratis mutantēs: siue, deposita toga pallia sumentes priorem quisque patriam fatentur. Nam μεταμφιέννυμαι, & μεταμφιάσμαι est vestibus exutum alias induere, ita μεταμοιᾶσθαι τετραγωναῖματια est deposita priori veste, idest, toga, quadratum pallium induere. Lucian. τὴν πορφυρίδα μεταμφέεσθαι, relicto pallio philosophico, purpuram induar. Et Socrates lib. i i i. cap. xxiv. Hist. Ecclesiast. οἱ τε περιβονόφοροι τοὺς περίβωνας ἀπετίθεντο, καὶ εἰς τὸ κοινὸν χῆμα μετημφιέννυντο. Loquitur de Philosophis qui extincto Iuliano deposito tribonio communem habitum resumpsere. Ergo μεταμφιέσάμην οἱ τετραγωναῖματια est, mutantēs togas quadratis pallijs, siue quadrata vestimenta resumentes, & vt ita dicam, mutantēs rotunda quadratis, siue vt simplicius, quadrata vestimenta induentes. Idque miror a Magno Casaubono prætermisum, cum tamen vltimorum verborum ἐξ πατρίδας veram interpretationem solus attulerit, priorem quisque patriam fatentes; (scilicet vestitu) nec omiserit notare, τετραγωναῖματια esse Græcorum, non Romanorum, adductis in id Appiani

verbis civil. lib. v. *Simplicitatem vero privati hominis rursum ex ducatu, & habitum quadratum habens, & calceamenta Attica.*

*Docti Viri opinio De Vestimentis quadratis expenditur. Cap. III.*

**A** Thenæi locus monet me, ut de vestimentis quadratis aliquid adijciam: quia quid ca- fuerint, inter eruditos minimè convenire video. Vir doctissimus in Notis ad Tertull. Pallium per hoc rectè Togam a Græcorum pallio distinguit, quod illa clausa, & rotunda, hoc apertum, & quadratum fuerit. Vestimentum autem omne apertum quadratum intelligi vult, quod nempe quatuor angulos habuerit; Angulos vocat extremam vestis partem ubi aperta est, quæ in acumen definit, ut scilicet duo anguli in ima ora vestis, duo in summa fuerint, qualia nunc vulgo pallia gestantur. Tale non modo Græcorum pallium fuisse, sed & matronarum pallas, virorumque Chlamydes, ac Romana paludamenta.

Hanc opinionem nititur conuellere Kercoetius, neque tamen quid vestimenta quadrata fuerint exponit. Eidem opinioni ne ipse adhærescam, illud in causa est, quod adduci non possum ut credam, omne pallium, seu vestimentum apertum fuisse quadratum. Frustra enim quadrati pallij mentio apud scriptores extraret, si omne pallium hac forma fuisset. Nam præter Festi locum de Ricinio allatū a Kercoetio: Petron. *mox incincta quadrato pallio cucumam ingentem foco apposuit.* Quo loco interpre-

res nihil sani afferunt. Si pallium omne tam viro-  
rum, quam mulierum quadratum fuit & apertum  
Enothea more reliquarum quadratum pallium ha-  
bere debuit: satis ergo fuisset dicere pallio incin-  
ctam fuisse, si omne pallium quadratum fuit, quem-  
admodū & frustra quis toga rotunda indutus dice-  
retur cum omnes togæ tales essent; Sane pallas,  
idest vestem superiorem mulierum, quæ & pallium  
dicebatur, apertas fuisse si nihil aliud veteres sta-  
tuæ ostendunt. Si ergo omne vestimentum aper-  
tum etiam quadratum fuit pallium muliebri quod  
apertum erat, etiam quadratum fuisse necesse est.  
Duo ergo notasse videtur Petronius, quod pallio  
cincta esset, cum tamen pallium non cingeretur;  
deinde, quòd quadrato, & fortasse sacrorum quæ  
parabat peculiari. Sanè veteres omne vestimenti  
genus pallium dixere, quam apertum, tam clau-  
sum, vt toga *pallium rotundum* Isidoro dicatur, ni-  
hilominus propriè ac simpliciter communique lo-  
quendi vsu pallium accipitur pro Græco indumen-  
to, vt a toga distinguitur. Hinc *transire a toga ad  
pallium, & palliatum incedere*: vt quoties quadrati  
pallij mentio incidit, non pro vt a pallio rotundo,  
idest toga distinguitur accipiendum sit, sed a pallio  
quod minime quadratum fuit. Sagum etiam vesti-  
mentum apertum fuisse constat, quare horum sen-  
tentia & quadratum. Atqui Isidorus lib. x i x. c.  
xx i i i. Linnae Gallorum vestes saga quadra ap-  
pellat: frustra, si talia omnia saga fuissent. Idem  
cap. xx i v. *Sagum autem Gallicum nomen est: di-  
ctum autem sagum quadrum, eo quod apud eos primum  
quadratum, vel quadruplex esset.* Et cap. xx v. Pal-  
la



*la est quadrum pallium muliebris vestis.* Ac ne quis hoc positum ad distinctionē stolæ, siue cycladis putet, quæ rotunda, hæ tunicæ fuere non pallia. Si ergo omnia pallia aperta quadrata, satis fuisset pallam pallium appellare, illico enim quadratum intelligeretur.

Pallia quæ a nobis gestantur, quadrata esse contendunt, sed si formam eorum attendamus, non tam quadrata, quam semi rotunda apparebunt, & si qua parte patent consuantur, rotunda efficientur ut si quis cycladem muliebrem in anteriori parte discindat itorum sententia ex rotunda quadratam efficiet, & cum libuerit refinget rotundam. Præterea si omnia pallia fuere quadrata, quod inter vulgare pallium, & philosophicum discrimen fuit? Nam distincta fuisse, non est dubitandum: & præcipuum Philosophiæ insigne cum pera, ac barba pallium olim fuit. Non enim sola materiæ vilitate, aut colore distinguebatur, quod philosophicum triboniū rude, ac detritum palliastrum esset, & fermè pullum, alioqui pauperes ac plebei, & quicumque exoleto pallio incessisset, pro philosopho habitus fuisset; Forma ergo, non materiæ vilitas, aut color vestimenta distinguit: atqui forma eadem omnino fuisset, si omnia pallia quadrata fingamus.



*Noua opinio de vestimentis quadratis affertur. Quod inter vulgare pallium, ac Philosophicum discrimen fuerit. Cap. IV.*

**V**T igitur & ipse quod sentio expromam, vestimenta quadrata illa tantum fuere, quæ ex duabus plagulis confecta erant, quarum utraque quadrata erat, hoc est, quatuor angulos habebat, fibula autem in humeris necebat, atque ita hinc inde a lateribus aperta quales Diaconorum sacris operantium vestes visuntur. Tales veterum Carthaginiensium tunicas fuisse Tertullianus tradit & *quadrangulas* appellat, non quod in medio apertæ essent, alioqui vel corpus renudassent, vel alijs interioribus tunicis iniectæ fuissent, sed quod ex duabus quadratis partibus confectæ, & a lateribus apertæ (non quales ætate Tertulliano gerebantur rotundæ & clausæ) quadrata iustitia starent, idest æquali vtriusque plagæ ora, nec cingulo inæqualiter suspensæ, ut rectè doctis observatum.

Quare non aliud discrimen inter vulgare pallium ac philosophicum fuisse videtur, quam quod vulgare quadratum fuit, quod ex duabus plagulis confectum fibula in humeris necebat: ac Philosophicum fusius, ac semitotundum ad instar nostri, quod nempe & reijci in humerum poterat, & duplicari totumque corpus inuoluere, quod a Cynicis fiebat, licet sola materia diuersum pallium reliqui Philosophi gestarent, & ideo Iuuenalis dixit *Cynica dogmata stoicis sola tunica distantia*. Nam in pallio conueniebant: tunicati stoici, Cynici *ἀχλότες* ut iidem obseruauerunt. In hoc autem pallio Phi-

Iosophico opus fibula non fuit, alioqui nec reijci in humerū, nec duplicari potuisset, vt vulgare pallium quadratum, quod infibulatum nec reijciebatur in humerum, nec duplicabatur. Tales, aut non omnino dissimiles lacernæ, ac chlamydes Romanorum fuerunt, quadratæ nempe, & a latere apertæ, licet breuiiores & vt plurimum non totam partem anteriorem operirent. Et ideo a veteri Interprete Persij lacernæ, ac pænulæ pallia dicuntur ad illud. *Scis comitem horridulum trita donare lacerna. Scis* (inquit) *birrum attritum comiti condonare. Lacerna pallium fimbriatum, quo olim soli milites velabantur. Penula, pallium cum fimbrijs longis.*

Coniecturam nostram, quod vulgare pallium ita quadratum fuerit, vt quatuor in imo angulos habuerit, & propterea ex duabus partibus confectum quales Diaconorum vestes, illud iuuat, quod similia Iudæorum, ac Græcorum pallia docti tradiderunt. Atqui pallium Iudaicum quatuor in imo angulos habuit. In illis enim ex Dei præcepto fimbrias & vittas hyacinthinas gestabant. Num. xv. *Loquere ad filios Israel & dices ad eos, vt faciant sibi fimbrias per angulos palliorum ponentes in ijs vittas hyacinthinas, quas cum viderint recordentur omnium mandatorum Domini.* Eas fimbrias etiam Christum Dominum gestasse verisimile doctis videtur, quod venerat legem non soluere, sed adimplere; Gestari has hodie a Iudeis docet Serrarius, cuius narratio nostram de quadratis vestimentis sententiam maxime confirmat. *Exiguam enim vestem habere eos tradit, gentis characterem, & insigne, quæ quadrata sit & dorsum pectusque tegat, a lateribus aperta, vt cilicia*  
*qua-*

*quadam esse solent. Ex imis quatuor vesticulae huius angulis pendere chordulas totidem, in quarum singulis nodi quinque ad quinque Moysis librorum, ut aiunt, memoriam. Præterea Epiphanius heresi XV. cuius locum attulit Kercoetius, ait in scribarum pallio quatuor angulos fuisse, a quibus mala Punica penderent, quæ certè in imis angulis fuere, & non ad ceruicem, nam in veste pariter Pontificali in ima ora mala Punica appensa erant. Verba Epiphaniij sunt: ποῖονους ᾧ τῖνας ἐν τὰ τέσσαρα μέγαρα τοῦ ἱερέως ἕκαστος εἶχεν. Ex quo tamen male colligit Kercoetius, ideo pallium illud Græcanici dissimile fuisse, quod ad latera scissum & apertum fuerit: nam non aliter quadratum esse potuit, & quatuor angulos habere.*

Scio posse hic mihi pallium obijci, quod veteres Carthaginenses gestasse auctor est Tertullianus, quod quadrangulum fuisse, & ab utroque laterum regeſtum idem scribit; Sed non eiusdem formæ fuisse omne quadratum pallium illud argumento est, quod subiicit Tertullianus, id pallium atate ſua penes ſolos Aesculapij ſacerdotes permanſiſſe; *Inſtar eius hodie Aesculapio iam veſtro ſacerdotium eſt.* Soli ergo Sacerdotes Aesculapij vetus pallium geſtabant id temporis, & tamen etiam ipſe Tertullianus & quicumque aſtერიorem ſapientiam ſectabantur pallium tunc induebant, & quidem quadrangulum: non igitur eiſdem omnino generis fuere cuncta pallia quadrata. Si enim pallium illud idem cum vetere fuiſſet, fruſtra peculiare Aſclepiadarum geſtamẽ dixiſſet Tertullianus. Diuerſum vetus pallium fuit, quod quomodo fibula

in humeris adstrictum ab utroque latere regeri posset, difficile est explicare.

Nec facile expediri potest, quod aiunt, Christi Domini pallium apertum fuisse, & quadratum. Philosophici instar ex cuius quatuor angulis quatuor partes milites fecisse; Nam si pallium illud vulgaris nostri simile fuit, ut quatuor partes fierent decussatim & per quadras scindi debuit, atque ita laceratum fuisset magis, quam divisum. Quamquam si pallium illud quadratum fuit, ut supra explicauimus, quomodo tamen in quatuor partes diuidi potuerit, haud facile dixerim, quærant doctiores, nos fortasse aliquid infra cum de tunica inconsutili curatius disputabimus.

Et hæc de vestimentis quadratis paulo vberius dicta sint in re obscurissima, si cui tamen altera opinio magis arridet, eam per me sequatur licet.

*Sigonij sententia reiecta censentis Togam semicircularem, & apertam fuisse. Cap. V.*

**M** Arcellum Donatum supra reprehendimus, quod Togam partim quadratam, partim circularem statuerit; non minor Sigonij inconstantia, qui postquam vestimentum quadratum esse dixit, semicirculare facit, quod Dionys. Halicarnassæus Togam ἡμικύκλιον τῷ γήματι. *Figura semicircularem fuisse scribat*: atque ex hoc contendit Sigonius apertam fuisse, quod non aliter semicircularis esse posset. Verum non quod aperta esset sed quod Orbem absolutum non faceret ut mulieres cyclades, ideo semicircularis dicta est, quem-

admo-



admodum doctissimus Salmasius obseruat. Tota quidem in imo commissa erat, & clausa, sed circum-  
lum integrum, & perfectum non efficiebat, quia  
laciniosa circa imas oras, non æqualiter, nec per-  
fectè rotunda, vt in statuis togatis videre est. Dici  
etiam posset, quòd licet plane rotunda esset, nihi-  
lominus brachio subducta semicircularis efficeretur  
ea scilicet parte qua subducebatur.

Neque tamen ex eo apertam fuisse togam dicen-  
dum est, etiam si Val. Maximus tradat Scipionem  
Nasicam cum Gracchum interfectorum esset *laeuam  
manum aperta toga circumdedit, sublataque dextra  
proclamasse*. Nam si quis modum gestandæ togæ,  
quem infra dabimus, attendat, facile quid sit aper-  
ta toga intelliget. Quippe cum læua eius pars siue  
lacinia subiecto læuo brachio eleuaretur, & con-  
traheretur in sinum, ea parte toga aperta videba-  
batur, quòd nempe lacinia hinc inde brachio de-  
penderet, ac veluti diuideretur, & aperiretur.  
Velleius de eodem loquens. *Scipio Nascica circum-  
data læuo brachio toga lacinia in Gracchum irruit*. Ea  
ergo lacinia partes hinc inde pendentes inuoluit  
brachio Nascica, vt eo veluti scuto vteretur, quòd in  
repentina pugna vsitatum; Sine etiam ne fustum  
ac fluens vestimentum pugnantem impediret. *La-  
uum inuoluere toga*, Quintilianus dixit l. xi. idque  
panè furiosum esse. Plutarchus in Graccho de eodem  
dem Nascica. *Lacinia toga super caput posita in Cap-  
itolium ire pergit, alij post eum toga circa brachium in-  
uoluta secuti sunt*.



**T**Ogam vestimentum fuisse clausum, ac rotundum, quodque vno coniectu totum corpus inuolueret & utrumque brachium operiret, non est dubitandum. Communis autem eius gestandæ modus fuit, quemadmodum togatæ statuæ demonstrant, ut dextrum brachium qua parte ad ceruices patuisse diximus, exereretur: & ita quidem, ut antiquissimis temporibus manus tantum usque ad cubitum porrigeretur, postea totum brachium humerusque extaret. Sinistrum autem brachium non poterat per eundem hiatum exeri (salioqui toga ex humeris prolapsa ad pedes decidisset) sed sub ipsa toga extensum, extremam ipsius oram quæ & *lacinia* dicebatur, in rugas, plicasque contractam subducebat ad pectus læua manus extante. Quintilianus l. XI. *Sinistrum brachium eo usque allenandum est, ut quasi normalem illum angulum efficiat; Super quod ora ex toga duplex equaliter sedeat.* Togæ ora subiecto brachio subducta speciem normæ referebat, siue regulæ, fabrilis nempe instrumenti ad quod omnia exigunt; super quod brachium, ait idē, *ora ex toga duplex equaliter sedeat*; hoc est lacinia togæ veluti brachio diuisa, æquis partibus continetur, nec altera lōgior, aut breuior deformiter cadat. Rugas eas & plicas tam quæ superne a ceruice cadentes exerto brachio dextro colligebantur ad pectus, quam quæ in ima ora sinistro brachio subductæ contrahebantur veteres *sinum togæ* dixere. Vir summus ad Tertullianum de pallio, Sinum in to-

ga nihil aliud fuisse contendit quam laciniam togæ, quæ sub humero dextro missa ad humerum læuum recurrebat, & oblique tamquam baltheus ducebatur; Sed Quintilianus, ut ipse quoque non ignorat, duplicem togæ sinum facit, neque tamen quis alter sinus ille fuerit explicat. Verba Quintiliani sunt eodem libro. *Sinus decentissimus, si aliquando supra imam togam fuerit, nunquam certè sit inferior. Ille qui sub humero dextro ad sinistrum obliquè ducitur velut baltheus, nec strangulet, nec fluat.* Sinus igitur duplex fuit: alter inferior, qui nempe ex lacinia togæ sinistro brachio contracta formabatur, ita tamen ut ima ora infra ipsum caderet, qui decentissimus Quintiliano dicitur. De hoc inferiori sinu capiendus est Suet. in Cæsare. *Ut animaduertit undique se strictis pugionibus peti toga caput obuoluit, simul sinistra manu sinum ad ima crura deduxit quo honestius caderet, etiam inferiori corporis parte velata.* alter de quo diximus, ex lacinia superiori togæ, quæ porrecto brachio dextro deiecta ad pectus & in rugas complicata, obliquè sub dextro brachio ad læuum humerum ad instar balthei currebat.

Et ex togæ quidem redundantia in fortuitas rugas tam in summo, quàm in imo contracta sinus efficiebatur; Ceterum quoties illæ rugæ arte cogerentur, & nodo constrictæ, ut de toga Hortensij tradit Macrobius, contrabularentur, eum *umbonem* vocatum fuisse idem vir magnus ad Tertull. docuit, quem tamen a sinu distinctum fuisse vult, ut inde inciperet sinus, ubi umbo desineret, & ipsum veluti umbonem ambiret. Ea mens Tertulliani est. *Adeo nec artifice necesse est, qui pridie rugas ab*

exordio formet, & inde deducat in tiliās, totumque contracti vmbonis figmentum custodibus forcipibus adsignet. Mox. recognito rursus vmbone, & si quid exorbitauit reformato, partem quidem de laeo promittat, ambitum vero eius, ex quo sinus nascitur, iam deficientibus tabulis retrahat a scapulis, & exclusa dextra in lauam adhuc congerat, cum alio pariter tabulato in terga deuoto. Vmbo iste Tertulliani haud dubie a sinu distinctus, centrum nempe & nodus artifex coëuntium plicarum, vt vir ille doctissimus explicat. Ceterum non semper vmbonem arte coactum fuisse docet Persius, qui de communi toga virili loquens ait.

— totaque impune suburra,

Permisit sparsisse oculos

Iam candidus vmbō.

Quem quidem eundem cum sinu fuisse crediderim cum nihil aliud esset, quàm fortuitæ rugæ ad instar vmbonis protuberantes, eumque sinum fuisse supra ostendimus. Quamquam quæ de forcipibus, nodoque artifice a Tertulliano, & Macrobio produntur mihi ficta videntur, cum nullus alius veterum huius rei meminerit. Quidquid sit, in togis communibus si nihil aliud sinus fuit, quam lacinia contracta in rugas, plicasque fortuitò congestas, adscribere eos oportebit, quid aliud præterea vmbō fuerit, quem nos non aliud fuisse statuimus quam rugarum in rotundum, & veluti in vmbonem contractionem, eundemque sinum fuisse contendimus. Nam doctissimus Manutius errat probè cum scribit, sinus, qui etate Quintiliani in usu erant, non attexi, sed insui, vel appendi togis consueuisse.

Primò enim iidem semper sinus in toga fuêre ; Quintilianus non tradit, sinus veterum diuersos fuisse, sed apud veteres nullos fuisse, posterioribus per quam breues, quod nempe brachium veste continebatur, atque ita nullus superior sinus efficiebatur, quem ex porrecto brachio factum diximus. Deinde si nihil aliud fuit sinus, quam contractio, & corrugatio togæ adpectus, quomodo tamquam res diuersa ad sui, vel appendi togæ potuit?

Ceterum Quintilianus cùm duplicem sinum faciat, *inferiorem decentissimum fore* tradit, si aliquāto *suprà imam togam fuerit*, idest, si extrema pars togæ cum sinu non inuoluatur, sed soluta paulo infra rugas cadat. At sinum qui sub humero dextro ad sinistrum obliquè ducitur velut balthæus, *nec strangulet*, inquit, idest non ita cervicibus adstringatur ut præfocet, *nec fluat*, ne nimis laxus sit. Hoc autem ex strictiore, aut laxiore itogæ ora, quæ collum ambiebat, petebatur. Addit Quintilianus; *Pars togæ, quæ postea imponitur, sit inferior; nam ita, & sedet melius, et continetur*. Sinus scilicet inferior non iniiciatur priori, sed in ipso brachio resideat alioqui defluet, nec satis contineri poterit. Tùm subdit idem, *sinum iniiciendum humero cuius extremam oram reiecisse, non indecens esse; Neque tamen cum toto ingulo humerum operiendum esse; alioquin fore, ut amictus fiat angustus, & dignitas, quæ est in latitudine pectoris perdatur*. Hanc autem amictus obseruationem initio dicendi esse vult, procedente verò actu sinum ab humero rectè velut sponte delabi, & cum ad argumenta, ac locos ventum est, reuocare a sinistro





pag. 19





*Titi.*



*pag. 5. 19. et 49.*



45. 21. 1944

togam, deicere etiam si hareat sinum, conuenire. Cæterum ut lauam inuoluere toga, & incingi penè furiosum esse, sinum vero in dextrum ab imo reicere solum, ac delicatum, ita nihil impedire quo minus laxior sinus sinistro brachio subiiciatur. Hæc ex Quintiliano fufius paulò adduximus, quod totam veteris amictus Oratorij rationem, togæque, ac sinus explicarent, & quod locus is sanè perobscurus esset, nec illo explicando multum sudans magnus Turnebus hilum profecisset.

Brachij autem toga cohibiti, & exerti imaginem infrà habes.

Figura B.

*Brachium toga continere. Ciceronis locus explicatus. Cap. VII.*

**Q**ua parte ad pectus toga patebat dextrum brachium exerebatur; Et veteres quidē teste Quintiliano non exerebant, atque ideo tunc aut nulli, aut per breues sinus fuere: post ea tempora non brachium modo, sed totus humerus exerebatur. Nec aliud intellexisse Plutarchum existimo, cum ait, C. Gracchum primum Romanorum per pulpitem ambulasse, & togam ab humero detraxisse. ὥς τ' ἡ δημογορεῖν, τὸν μὲν ἐν μιᾷ χώρᾳ βεβηκότα κοσμίως, τὸν δὲ Ῥωμαίων πρῶτον ἐπὶ τ' βήματι τελευτᾶν τε χεῖρας, ἡ διατάσσει τὴν τήβεννον ἐξ ὤμου. Fuit tamen tempus cum more veterum brachium toga contineretur. Cicero pro Cælio. Nobis quidem olim annus erat vnus ad cohibendum brachium toga constitutus, & ut exercitatione, ludoque campestri tunica vteremur, eademque erat, si statim mereri si-

pendia ceperamus castrensis ratio, & militaris. Ad quem locum mirè nugantur interpretes, quos non moror. Postremus enarrator, qui tertium volumen Orationum fusè explicauit, inde peti discrimen inter togam, & pallium putat, quòd in togâ dextra libera, & expedita esset, pallium autem utramque manum inuolueret, ita tamen ut dextra cum opus esset posset expediri, idque adductis Tertulliani verbis stabilire nittitur. Sed etiam toga ita utrumque brachium cohibebat, ut tamen dextra exeri posset, & pallium, præcipuè Cynicum humerum cum brachio excludebat ut toga: commune vero ut diximus, ita apertum erat, ut fibula ceruicibus adstrictum liberum dextræ aditum daret. Solum igitur eo loco Tertullianus togæ operosam molitionem cum pallij simplicitate confert, in quo nullæ ut in toga rugæ, nullus umbo forcipibus cogatur, nulla contabulatio, quodque vno circumiectu vestiatur, sicque nihil eo expeditius. Discrimen ergo pallij, & togæ aliunde quam a modo exerendi brachium petendum erat: de quo nobis satis supra dictum est.

In eo etiam falsus est Interpres ille, quòd tradit tam togatos, quam palliaros sinistram veste continuisse idque his Quintiliani verbis confirmat; *Quorum brachium sicut Græcorum veste continebatur*. Fortasse eum Manutij auctoritas decepit, qui etiam videtur existimasse, Quintilianum de sinistra locutum. Nam cum dixisset brachium non per manicas togæ, quæ nullæ erant emissum, sed reiecta in humerum ima toga expediri solitum subiicit, *per annum sumptu virili toga modestia causa in humerum*



non reijci consueuisse; atqui non nisi sinistra imam  
 rogam in humerum reiectam constat. Ceterum  
 verba Quintiliani, *quorum brachium sicut Gracorum  
 veste continebatur*, de manu dextra intelligenda es-  
 se declarant quæ præcedunt. Itaque etiam gestu ne-  
 cesse est *vfos esse in principijs eos alio*, nisi dicere veli-  
 mus sinistra in gestu veteres initio *vfos*; Quibus etiã  
 intelligimus non totum cum manu brachium com-  
 pressum, sed saltem manum emissam alioqui non  
 alius, sed nullus gestus fuisset. Tertio Ciceronia-  
 nus interpret labitur, quod cum negare non possit  
 dextram toga cohibitam, ait *nihil aliud hoc fuisse,*  
*quam sinu dextram inuoluere*. Sed quomodo hoc  
 nobis vir doctus persuadebit? Quis veterum hoc  
 dixit? Artemidori verba non hoc habent. *χρὴ γὰρ*  
*τὸν ἔφηρον ἐν τῇ χλαμύδι, καὶ τὴν δεξιὰν ἐνελθούσαν*  
*ἔχειν*. Nihil hic de manu sinu inuoluta, nihil de  
 toga; De chlamyde loquitur Artemidorus, qua  
 dextram contineri vult, quam etiam toga anno vi-  
 rilitatis cohibitam scimus, sed hoc fuisse sinu dex-  
 tram inuoluere negamus. Neque id fieri potuisse  
 videbit quicumque, quæ de sinu togæ disputauimus  
 perceperit. Aliter in pallio, & Chlamyde quæ ve-  
 stimenta aperta fuere. Datum igitur spatium vnus  
 anni docet Cicero ad continendum brachium toga,  
 hoc est ne anno virilis togæ iuuentus in viros tran-  
 scripta more ceterorum brachium dextrum exere-  
 ret, sicque togæ ora superior vtrique humero insiste-  
 ret, nec dextro brachio subiecta ad leuū humerum  
 ad instar balthei recurreret. Hic profecto verbo-  
 rum Ciceronis sensus est. Seneca lib. v. controu. v.  
*Apud patres nostros qui forensia stipendia auspicaban-*

tur, nefas putabatur brachium extra togam exerere. Quæ verba manifestè indicant, Senecæ tempore cū morem cohibendi brachij exoleuisse: immo ætate ipsius Ciceronis, ait enim, *Nobis quidem olim annus erat unus ad cohibendum brachium toga constitutus*; Discimus etiam ex Seneca, non totum brachium cum manu cohibitum, sed saltem dextram extra togam missam ad gesticationem, nam sine gestu eos orasse non est credibile. Quare & Manutium falli necesse est, qui de sinistro brachio intelligit cū ait *per annum sumta virili toga, modestia causa toga in humerum non reijciebatur*: quod verbis Ciceronis adductis probare contendit.

*Mittere trans pondera dextram. Horatius explicatus  
Cur anno tirocinij brachiū toga cohibitū. Cap. IIX.*

**I**N petitione honorum brachium quoque toga cohibitum esse docet Horatius lib. 1. ep. 6.

*Mercemur servum, qui dicet nomina: laevum  
Qui fodiat latus, & cogat trans pondera dextrā  
Porrigere.*

Mirum est quantopere locus hic torserit quotquot Horatium interpretati sunt; Qui cum multum æstuassent, nihil præter ineptias attulere. Alij enim fortasse Actonem secuti *pondera* lapides interpretantur, qui porriguntur per vias, ut sit *trans saxa magni pōderis dextrā porrigere ad aliquē ciuem in via saxis impedita laborantem subleuandum*. Alij *trans pōdera*, idest, *trans turbam quæ se obycit, quæq; pondus affert transmissæ dextræ*. Alij etiam *gravia munera pondera* esse dixerunt; Postremò *trans pondera*,  
erans

*erans plaustra dixerunt grandibus saxis, & magnis  
trabibus onusta manum transmittere. Turnebus qui-  
dem, & Lambinus aliquid de prensatione, quæ in  
petitione honorum fiebat subodorati sunt, sed quid  
esset mittere dextram trans pondera, non intelle-  
xerunt. Nihil autem aliud fuit, quam toga bra-  
chium exerere, hoc est trans togam brachio, atque  
humero obductam porrigere, quæ quoniam bra-  
chium premeret, & oneraret ideo poëtice *pondera*,  
appellat. Quare non sunt audiendi, qui brachium  
ulterius quam par est è toga protendere, interpre-  
tātur. Monet Horatius, emendum esse seruum No-  
menclatorem, qui quoties quis in aliqua tribu gra-  
tiosus occurreret Dominum moneat læuum latus  
fodiendo, vt brachium veste cohibitum exerat, si-  
ue extra togæ pondera mittat, ad ciuem eum pren-  
sandum.*

Sed quare Romanis datum anni spatium ad co-  
hibendum toga brachium? Festiuum est, quod  
ait Ciceronis Interpres nouissimus, *eo potissimum  
anno dexteram fuisse veste, et continendo, fulciendoq̃  
togæ sinu saltem occupatam, vt ostenderetur nec tum  
quidē cū incederet, & spatiaretur, manum debere, esse  
otiosam.* Quid enim alijs annis factum est, cum  
brachium exerebatur? num otiosa tunc manus fuit,  
cum minime debuit? num sinus tunc, qui nunc ful-  
ciebatur defluxit? Immo nullus dextræ vsus ad ful-  
ciendum sinum, qui humero, brachioque sinistro  
fulciebatur.

Vt igitur castè, ac pudicè iuuentus haberetur,  
hoc institutum est; lubrico scilicet ætatis flexu ip-  
siusque pubertatis initio, cum fere decimo quarto

anno id fieret. Ne ergo adolescentes contrectarentur, ut brachium, quod ad cubitum usque, ob truncas tunicas, siue colobia nudum erat anno tirocinij toga cohiberetur constitutum est. Id esse verissimum ipsum Ciceronem testem dabo, qui mox addit & ut exercitatione, ludoque campestri tunica uteremur, eademque erat si statim stipendia mereri ceperamus castrensis ratio, ac militaris; Nam cum reliqui in exercitatione, ludoque campestri, item castrensi, ac militari nudi exercebantur, solis subligaculis succincti, cur iuuentus anno togæ virilis domi, ac militiæ tunicata exercebatur? ob modestiam scilicet, ac pudicitiam, ne nuda epheborum corpora spectatorum oculis vorarentur: eandem ob causam brachium eodem anno toga cohibebat, eo scilicet ætatis tempore, quod ut ait orator ipsum sua sponte infirmum, aliorum libidine infestum est. Illud modò non satis expeditum esse videtur, etiam si anno primo virilitatis brachium toga contineretur, quid causæ fuisse dicemus, cur reliqui etiam eo anno elapso in petitione honorum toga brachiū cohiberent, & ideo eos Horat. ait *trans pondera dextram misisse*? Ad quod non aliud in præsentia occurrit, quam candidatos Plutarchi testimonio sine tunica in Comitium descendere solitos, siue ut aduersa vulnera ostenderent, siue ne pecuniam in sinu gestarent, siue ut supplicarent humilius: cum igitur, vel nudi subtoga essent, vel arctis tuniculis, citra humeros desinentibus amicti, nudum brachium minime exerere solitos, sed decoris causa illud toga continuisse, ut Tirones toto eo anno & ubique faciebant, & ideo necesse habuisse, cum prensandum esset



esset, brachium exerere, & ut Flaccus loquitur  
*trans pondera dextram mittere*. Præcipuè autem ut  
 ea modestia fauorem populi conciliarent.

*Brachium exerere. Cethegi exerti, ac cinctuti. Ho-*  
*ratius, & Lucanus illustrati. Cap. IX.*

**E**T si brachium porrigere extra togam veteres  
 exerere, & exertum brachium dicerent, *exer-*  
*tos* tamen proprie eos appellarunt, qui sine tunica,  
 nudoque humero, & brachio extra togam porrecto  
 incederent. Hoc Cethegorum peculiare ac genti-  
 le fuisse scriptores docent Lucan. 2.

—*exertique manus vesana Cethegi.*

Alibi *nudum* appellat. Quo loco recte notauit Sul-  
 pitius, *exertum* cum dici, qui habet humerum, &  
 brachium dextrum nudatum. Quod quomodo fie-  
 ret ex Horatio discere licet.

*Fingere Cinctutis non exaudita Cethegis*  
*Continget.*

Lambinus sequitur Acronem, qui *cinctutos, cinctos*  
*ac militares interpretatur*, sed præter sententiam;  
 Nam cum omnes, qui sacramento dicerent cingeren-  
 tûr, cinctique ideo essent, cur solos Cethegos cinctu-  
 tos Horatius dixit? Quare quæ de cinctu militari  
 a viro doctissimo afferuntur non faciunt ad hunc  
 locum. Acron tamen M.S. in Bibl. Mediolanensi  
*Cinctutas exertos* recte ex Lucano interpretatur. Ut  
 & alius Verus interpres ibidè M.S. *Cinctutis exer-*  
*tis*. Porphyrio maculosus est, sed ex quo quasi per  
 caliginem veram loci huius sententiam eliciamus.  
*Omnes enim Cethegi, inquit, morem seruauerunt eun-*  
*dem*



*dem Romæ inter cetera descriptam comam retulerunt; Numquam enim tunica vsti sunt; Ideo cinctutos eos dixit, quoniam Cinctum est genus tunica infra pectus aperta. Locus quidem male affectus, & cui sine ope MS. sanando non ego sim. Quid enim hic de comâ descripta? Fortasse legendum est; Inter cetera deiectam togam tulerunt; Quod nempe Cethegi sine tunica incederent, ideo sinistro brachio non contraxisse togam, ne cetera corporis nudarentur, cum solo cinctu velati essent. Quidquid sit, ideo Cethegos exertos dictos intelligimus, quod sine tunica, nudisque humero, & brachio incederent, atque inde cinctutos, quod loco tunicae cinctum gestarent, hoc est, subligaculum, siue campestre, quod solas partes infra pectus velabat.*

*Hoc sensu capienidum Horatium vidit Parrhasius, & eum secuti Turnebus, ac Sigonius, nisi quod Sigonius verba Turnebi pro verbis Acronis adducit. Sed in eo falsus est Parrhasius, ut & Sulpitius, cum tradunt, eum morem Cethegorum fuisse, ut seminudi in bellum profiscerentur; Non enim exerti dicti sunt, quod seminudi in bello, sed quod domi, & togati exerto nudoque humero, ac brachio essent, quem postea morem etiam in bellis seruarent, ut scilicet sine tunica solo cinctu ac chlamyde exerto gentili more brachio pugnarent. Silius lib. i ix.*

*Ipse humero exertus gentili more parentum.*

*Nec verum quod ait Turnebus, Cethegos solo campestri cinctos reliquo corpore exerto, & nudo incessisse, nisi toga in vrbe tegerentur; Numquam enim exerti esse aut dici poterant, nisi cum togati;*

*Exer-*

Exertum quippe ad togam refertur, extra quam brachium nudum cum humero exerebatur.

Cinctuti igitur Cethegi a cinctu siue campestri; Ouidius, *cinctutos Luperco*s appellat, quos nudos solo subligaculo incinctos discurrisse notum. Cur autem ita Cethegi incederent, ea ratio afferri potest, quod cum Romani antiquissimi solam togam sine tunica gestarent, ut diximus, Cethegos seuerioris vitæ, ac cultus in antiquo habitu perseuerasse, eumque morem posteros secutos esse.

Huc etiam Cæsaris verba trahenda sunt lib. vii. de bello Gallico. *Aedui visi ab latere nostris aperto, ij similitudine armorum vehementer nostros perterruerunt; Ac tametsi dextris humeris exertis animaduertebantur, quod insigne pacatis esse consueuerat, tamen id ipsum sui fallendi causa milites ab hostibus factum existimabant.* Lipsius ad Tacitum negat se intelligere quo modo humeri exeri potuerint: deinde Criticorum more quod non intelligit corrigit, vocemque *humeris*, confodit, & *dextris exertis* legit. Quasi verò non semper dextræ exertæ sint, nisi veste inuoluantur, aut credimus illo æuo chirothecas adhibitas.

In secunda editione, *dextris nudis exertis posuit*; Quod peius est. Nam dextris nudis, idem est ac dextris exertis. Seruius ad illud.

*Aurea subnectens exerta cingula mamma exerta* inquit, *nudata*; *Nudant enim quam addusserint mammam.* & rursus ad id.

*Hasta sub exertam donec perlata papillam exertam* ait, *nudam.* Nil opus correctione. Exertis humeris Aedui fuere, idest nudis, & inermibus, quod

insigne pacatis fuisse tradit Cæsar, detracto scilicet tegmine, siue laminis ferreis, quibus humeri in bello operiebantur.

*Toga caput inuoluere, Caput aperire.*

*Cap. X.*

**L**icet e toga brachium exereretur, & summa togæ ora ab dextro humero deflueret: facile tamen fuit cum res posceret eandem deiectæ togæ partem reuocare, caputque operire, aut inuoluere. Et Romanos quidem in Vrbe intacto capite incessisse, nullumque pilei, petasi, causiæ, & aliûs tegminis usum nisi extra Urbem in peregrinatione fuisse satis superque doctissimus Lipsius ostendit, cui assentiendum est, neque attinet rationes eius hic verbis inuertere.

Vnum modò refragari huic sententiæ videbatur, qua ratione si nudo capite vulgo incedebant in salutando tamē illud aperiebant, quod Pompeio fecisse Sullam tradit Sallustius, ac Plut., & fieri solitum quonies Coss. vel Prator occurreret confirmat Seneca; Quod licet de militia, atque itinere extra Urbem intelligere, atque interpretari possimus, ubi petasi usus, Lipsij tamen eiusdem sententiam probamus ex Plutarcho in causis, morē fuisse Quiritibus quandoque ad solem, ventumq; & alia Cæli incommoda defendenda capiti togam injicere, atque ita in occurso viri honorandi nihil aliud fuisse caput aperire, quam togæ velamen capiti detrudere. Plutarchi verba sunt. *Οἱ ῥωμαῖοι τῶν ἀνθρώπων τοῖς ἀξίοις τιμῆς ἀπαντῶντες καὶ τύχῳσι ἐπὶ τῆς*

*Seueri.*



*pag. 29.*





κεφαλῆς τὸ ἱμάτιον ἔχοντες ἀποκαλύπτειν). *Romani si cui obuiam facti sunt cui honor habendus sit, & si forte toga caput velatum habeant, id aperiunt. Nec est cur Interpretem Lipsius tangat, nam velatum esse, & veste caput tectum habere idem plane est. Sed nescio quo pacto Lipsium fugerit alter Plutarchi locus in hanc rem præcipuus. Nam in Pompeio cum recenset eximios honores quibus Pompeium Sylla excepit, ait assurrexisse ei aduenienti, & caput aperuisse. In Græco est καὶ τῆς κεφαλῆς ἀπάγοντος τὸ ἱμάτιον. Vestem capiti detrahentis.*

Ceterum nullo pacto eidem Lipsio assentiendū est, qui ait hoc factum fuisse laciniam togæ seu κράπεδον imamque oram in caput reijciendo: idque veteres lapides ostendere, & fecisse Scipionem Nasicam apud Plutarchum in Gracchis; τὸ κράπεδον, inquit, τοῦ ἱματίου θέμενος ἐπὶ τῇ κεφαλῇ. *Lacinia togæ capiti imposita.* Hoc nequaquam nobis Lipsius persuaferit. Non enim lacinia togæ limbusue inferior in caput reijci solebat, sed pars togæ superior ad ceruicem, quæ nempe sinistro humero insidebat & dextro deijciebatur: ea attrahebatur in caput cum sacra fierent, & cum res alia posceret. Nec dubitare potest qui modo veteres lapides, ac numismata viderit.

#### Figura C.

Hoc si non sufficit, id ita factum esse ratio ipsa euincer. Nam de Cæsare scribit Tranquillus, cum se strictis pugionibus a coniuratis peti videret toga caput obuoluisset, simul sinistra manu sinum ad ima crura deduxisset quo honestius caderet, etiam inferiore corporis parte velata. Si lacinia, imaque pars togæ ut credit Lipsius reijciebatur in caput, quomo-  
do

do sinus deduci ad ima crura potuit qui nihil aliud erat quam lacinia brachio subducta? deinde quomodo inferior corporis pars velata esse potuit extrema ora in caput subducta?

Pars ergo superior togæ ad cervicem ut diximus sinistro humero incumbens trahebatur in caput, eaque obvelatio fuit. Maxime in sacrificijs cuius rei causa a Plutarcho petenda est. Quare inter omina mortis Adriani illud Spartianus recenset, quod sacrificanti prætexta sponte delapsa caput ei aperuit, ut recte Lipsius corrigit. Nec aliam ob causâ apud Liuium lib. xxiii. Manitio Prænestinorum Prætori statua in foro Præneste statuta est loricata, amicta toga, velato capite. Habitu nempe vota concipientis; subiicit enim. *Cum titulo laminae aeneae inscripto: Manitium pro militibus qui Casilini in præsidio fuerint votum vouisse.*

Non solum autem in sacris, contraque Cæli iniurias toga caput operiebatur, sed in re crepera, & calamitosa totum inuolvebatur. Hoc Cæsar, & Pompeius eodem leti genere ad Cereris generum descendentes in ipsa morte usurparunt. De hoc Dio tradit, quod simulatque insidias esse, & se neq; defendendi sui, neque effugiendi facultatem habere vidit, σπνεκαλύφατο. Eodemque planè verbo in morte Cæsaris usus est; Nam ita a coniuratis vulneratum refert, ut præ ipsorum multitudine nec dicere, nec agere quidquam posset, ἀλλὰ σπνεκαλύφειν σφαγῆναι πολλοῖς πύρμασι. Quod Suetonius toga caput innolere dicit. Plutarchus de Pompeio ὁ δὲ ταῖς χερσὶν ἀμφοτέραις τὸν τήβεννον ἰφελκυσάμενος καὶ τὸ προσώπου. Et de Cæsare, ἰφελκυσάμενος καὶ

τῆς κεφαλῆς τὸ ἱμάτιον .

Illud postremo non omiserim, Tranquillum, ac Dionem dissentire in Cæsaris cæde narranda; Ille enim tradit, e coniuratis Cimbrum Tullum, quasi aliquid rogaturum propius accessisse, renuentique & gestu in aliud tempus differenti ab utroque humero togam apprehendisse, ne scilicet Cæsar brachia expedire posset. Atqui Dio narrat, quendam specie gratiarum agendarum accessisse, togamque Cæsari ab humero detraxisse, id enim signum inter coniuratos conuenerat. Quicquid sit, Cæsar tunc utrumque humerum toga opertum habuisse videtur, nisi hoc vltimum Dionis de humero sinistro intelligere malimus, ex quo detracta fuerit toga; Plut. ait Metellum (sed Tullium Cymbrum dicere voluit) utraque manu comprehensam togam collo detraxisse. *τὴν τῆς βεννῶν αὐτοῦ τὰς χερσὶν ἀμφοτέραις συλλαβὼν ἀπὸ τοῦ τραχήλου κατῆλθε*. Idque signum aggrediendi fuisse; quod signum in coniuratione alias usurpatum. Nam Suetonius narrat, eundem Cæs. post Quæsturam venisse in suspicionem, quasi cum Crasso, Sullaque, & Antonio conspirasset, ut Senatum adorirentur, signum autem cædis fuisse; ut Cæsar togam de humero deijceret.

Quod ad Scipionem Nasicam attinet, quem dicit Plutarchus vadentem contra Gracchum laciniam togæ capiti imposuisse, alia res fuit; Nam cum repente in mediam rixam iturus esset, ubi fustibus ac saxis, subfelliis et fragminibus, & ceteris quæ furor ministraret maximè res agebatur, nullo spatio capiendi arma, non solam togæ laciniam, sed totam ferè partem inferiorem in rugas contractam,

ac complicatam capiti imposuit ad tutelam, & se veluti galea communiuit, vt etiam sic subducta toga expeditior in pugna foret; Eadem ratione qui cum eo erant, ex eadem toga clypeum fecerunt, *Alij, inquit, post eum toga circa brachium inuoluta secuti sunt.*

*Caput pallio inuoluere: Palliolum. Ciceronis Scholiastes notatus: Petronius explicatus. Cap. XI.*

**Q**uoties capite obuoluto veteres inducuntur, non semper id togæ lacinia factum est; Nam in eum vsum præcipuè palliola fuere, quæ Lipsius in Amphitheatro tantum ægrotorum fuisse ostendit. Qui tamen in eo audiendus non est, quòd cum ad id confirmandum Suetonij verba in Claudio attulisset, *ob hanc eandem valetudinem, & gladiatorio munere quod simul cum fratre memoriae matris edebat palliolatus nouo more præsedit.* Nouo more, inquit, *debuisset enim prætextatus.* Falsò. Nam idem, & prætextatus fuit, & palliolatus; Palliolum enim nihil aliud nisi caput ad arcendum frigus velabat; Nouo igitur more præsedit Claudius caput palliolo tectus, quod sola valetudo excusare poterat.

Palliolis præterea cucullis, & alijs tegminibus qui latere volebant caput obnubebant. Quare non rectè Ciceronis in Pisonem enarrator verba illa, *Meministi ne canum cum ad te quinta ferme hora cum C. Pisone venissem, nescio quo e gurgustio te prodire inuoluto capite soleatum?* de togæ, pallijque Græcanici lacinia in caput reiecta intelligi vult.

Nam



Nam de toga id accipi non posse illud argumen-  
to est, quod tunc Piso soleatus; numquam autem  
toga cum soleis gestata, sed cum calceis. Cic. pro  
Cælio. *Cur enim balneas publicas potissimum consti-  
tuerat, in quibus non inuenio quæ latebra togatis homi-  
nibus esse possit, nam si essent in vestibulo balnearum,  
non laterent: sin se in intimum conijcere vellent, nec  
satis commodè calceati, & vestiti id facere possent, &  
fortasse non reciperentur.* Sed clarius Il. Philippi-  
ca. *Nam quod quarebas quomodo redissem; primum  
lucē non tenebris, deinde cum calceis, & toga, nullis  
nec caligis, nec lacerna. Non ergo de togæ lacinia  
ea verba accipienda sunt, quæ numquam cum so-  
leis gestata.*

Multo minus de lacinia Græcanici pallij, non  
enim extrema ora, sed totum pallium capiti inij-  
ciebatur. Talem inducit Mæcenatē Seneca. *Hunc  
esse qui in Tribunali, in Rostris in omni publico cœtu sic  
apparuerit, ut pallio velaretur caput exclusis utrimq;  
auribus non aliter quā in Mimo Diuite fugitiui solent.*  
Atqui seruos olim in Comœdijs fugitiuos cum se ad  
cursuram expedirent pallium in caput iniecisse, ut  
agiliores essent, notum est. Plant. Captiuis. *Nun-  
res certa st eodem pacto ut comici serui solent conij-  
ciam in collum pallium.* Et Epidico. *Age nunc iam  
orna te Epidice, & palliolum, in collum conijce.*

Pessimè autem idem enarrator hunc accumben-  
tium ritum fuisse contendit ex Plutarcho in Pom-  
peio de Demetrio eius liberto. Λίγες δὲ πολλάκις  
ἐν ταῖς ἰποδοχαῖς τῶν Πομπηϊκῶν προσμένοντος, καὶ δεχομένου  
τῶν ἄλλων ἐκείνῳ ἥδη κατέκειτο σοβαρῶς ἔχων δι' ὧτων  
καὶ τῆς κεφαλῆς τὸ ἱμάτιον. *Fertur sæpe in conuiuijs*



cum Pompeius expectaret, & conuiuas exciperet accumbere solitus cum magno fastu habens pallium per caput ad aures adductū. Vbi bonus ille vir. Nota inquit, particulam nōn qua notatur Demetrius, non quod accumbens veste caput inuolueret, sed quod Pompeium ipsum in eo praeueniret. Logi. Quis non videt notatam liberti importunitatem, quod ante dominum discumberet, qui alios conuiuas expectabat, deinde quod capite obrecto: quod soli agroti, aut molles faciebant? Itaq; & Trimalcio ille apud Petroniū mollissimus pallio coccino adrasum incluserat caput, circaque oneratas veste ceruices latyclauiam immiserat mappam, quod conuiuis pānē risum excussit.

Ceterum quod ad uelandum caput attinet alterum Petronij locum nemo interpretum assecutus est. Anicula quæ olus agreste vendebat Encolpium errantem in lupanar perduxit. At subinde, inquit, ut in locum secretiorem peruenimus centonem anus urbana reiecit, & hīc inquit debes habitare. Quid sit centonem reijcere nemo vnus aperuit. Quidam malo consilio Iniecit, legunt, quasi anus iniecerit legitimum habitum prostantium in lupanari. Quod nempe Iuuenalis tradat Messalinam veteri centone lupanar intrasse: quasi quod illa ad dissimulandam personam fecit, omnes centonem eo loco sumerent. Nec melius, qui nescio quæ vela ad fores pendentia commenti sunt; Quod vt concedamus, quis vnquam ea vela centones esse dixit? Alij sic existimant, quos sequitur Hispanus interpret, aniculam reiecissee centonem, quo caput obnupserat Encolpius, quasi vetula peregrino illuderet, eius caput aperiens, cum potius uelandum fuerat. Ceterum  
non

non minùs hic Hispanus nugipolyloquides est, quam quos ipse tales concinnat. Quì enim peregrinos omnes operto capite fuisse ostendet? Dein quis ad hanc rem centonis vsus præcipue in honestioribus? Cum præterea Encolpius nesciret se in lupanari stare, nequis ideo caput centone operuisse dicat. Quid ergo? paucissimis rem expediam. Anicula ipsa centonem suum, idest laceras vestes, ac pannuceam mille plagis concisam reiecit, & vredine percita se turpi palestræ renudavit, vt formoso iuvene quem de industria in eum locum perduxerat frueretur. Quod non ante fecit, quam in locum secretiorem peruenerat, idest in cellam meretriciam. Eadem enim ratione Encolpium in lustra rapuerat, qua Ascyrtos a patrefamiliâs deductus fuerat. Quis huius interpretationis auctor illustrior ipso Petronio? Subijcit enim paulo post, Encolpium cum tardè, immo penè iam sero intellexisset se in fornicem, esse deductum, anicula insidias execratum operuisse caput, & extra lupanar fugere cepisse. Quæ nam aliæ facere insidiæ, quam quæ ab anu adolescentis pudori structæ sunt? Sed hæc fusiùs in Electis nostris, quæ propediem Deo dante vulgabuntur.

*An toga cingeretur. Macrobij sententia reiecta.  
Cæsaris cinctus. Cap. XII.*

**F**Rustrà viri doctissimi quæsiuerunt, an toga cingeretur; nullus enim huic quæstioni locus fuit; Nam cum toga vtrumque brachium, aut saltem sinistrum cohiberet, totumque corpus inuolue-

ret, cingi nulla alia ratione potuit, quin eâdem cincturâ, aut vtrumque, aut saltem læuum brachium colligâretur, quod cum, vt diximus, ad imam togæ oram contrahendam sub ipsa toga protenderetur, non nisi solutum, & vinculo expeditum id facere potuit. Deinde quomodo sinus contraheretur in humerum, reijceretur, reuocaretur, si cinctura impedimento fuisset? Atqui Sigonius, togam cingi solitam contendit, & Macrobij verbis nititur qui lib. 11. de Cæsare, *Ita, inquit, toga præcingebatur, vt trahendo laciniam velut mollis incederet, vt Sylla tamquam prouidus dixerit Pompeio, caue tibi illum puerum malè præcinctum*. Hunc Macrobij locum ante nos suspectum habuit Manutius, atque pro toga, tunica ponendum esse censuit, quòd idem narrans Suetonius de tunica intelligat; Ait enim *Cæsarem cultu notabilem fuisse vsum enim lato clauo ad manus fimbriato, nec vt vnquam aliter, quam vt super eum cingeretur, & quidem fluxiore cinctura, unde emanasse Sulla dictum optimates admonentis, vt malè præcinctum puerum cauerent*. Absit vero vt cum Sigonio credamus, idem sensisse cum Macrobio Suetonium, & non ferendo errore in toga clauum fuisse, nam latum clauum pro tunica Senatoria & lati clauia sumi solitum satis docti ostenderunt.

Aut igitur corruptus Macrobij locus est, & pro toga, tunica reponendum est, quod fidentiùs ponerem, si quis MS. codex Macrobij ad manus esset in ea Vrbe, in qua etiam impressorum incredibilis penuria est; Aut suspicari possumus, ita tempore Macrobij togæ formam immutatam esse, vt a lateribus aperta, vel fortasse etiam additis manicis præcingeretur,

geretur, ut talem veterum togam fuisse Macrobius crediderit. Certe idem de Hortensio loquens ait fuisse virum mollem, *quique in præcinctu omnem decorem poneret*, mox morosam eius togæ structuram describit, quasi de togæ cinctura intelligat; Aut demum existimavit veteres nodum illum in rugarum contabulatione habuisse, quem fortasse togæ cinctum intellexit.

Sed, & si de tunica loquutus fuerit Macrobius, neque satis subsistere potest, quod subiicit, ita Cæsarem male præcinctum fuisse, ut laciniam trahendo velut mollis incederet; Id enim fieri non potuit nisi in tunicis longis & talaribus, quæ cum essent in viris probrosæ, & infames, non est credendum a Cæsare quamvis molli gestatas, nec alius veterum id prodidit cum reliqua minutè exequeretur. Cum itaque tunica viriles teste Quintiliano paulo infra genua caderent, quantumvis laxâ cincturâ quis præcinctus esset non poterat laciniam trahere. Præterquam quod laciniam trahere mollium fuisse, & effœminatorum vultus veterum quod sciam Macrobius dixit. Scio genus hominum *cum tunicis demissitijs mulierosum* Plauto dici, Sed causa in promptu, quia tales tunicæ mulierum fuere, & eorum qui opus muliebrem faciebant: verum aliud est laciniam, siue syrma trahere. Tragœdi longum post se syrma ducebant, & nihil minùs quam effœminati audiebant. Verè quidem aiebat Cicero apud Macrobiũ *se in electione partium præcinctura Cæsaris deceptum fuisse*, quod nempe laxior cinctura effœminatum indicaret, & mollem, non quod laciniam traheret; Vnde Sylla monebat optimates, ne ex laxa præcin-



ctura fractum Cæsaris animum, & nihil ausurum existimarent, nam ipsi multos Marios inesse. Illud igitur de lacinia, quodque Pompeium Sylla monuerit, ut Cæsarem caueret, de suo Macrobius adiecit scriptor non ita accuratus, ut & plagij non semel victus. Cum hæc sub prælo essent Insubres patriam meam ex negotijs reuissi ibi in bibliotheca Ambrosiana in tribus Codicibus manu exaratis eadem cum impressa lectionem repperi & in omnibus *toga* constanter retineri, ut omnino deceptum fuisset Macrobius necesse sit.

*Cinctus Romanus: Modus cincturæ Cæsaris cur notabilis; Dionis interpretes notatus. Cap. XIII.*

**I**N cultu Cæsaris, ac laxiore cinctu enarrando nihil dissentit a Tranquillo Dio Cassius, cuius verba afferam quia malè ab Interpretibus accepta sunt; Postquam enim tradidit Cæsarem occasionem de se obtrectatoribus præbuisse, quod grandis iam natu formæ studeret, subdit. Τῇ δὲ γὰρ ἐδῆτι χαυνότερα ἐν πᾶσιν ἐνὶ βρύνετο, καὶ τῇ ὑποδίσσει, καὶ μετὰ ταῦτα ἐνιοτῆ, καὶ ὑψηλῇ, καὶ ἐρυθροχρόω καὶ τοὺς Βασιλέας τὰς ἐν τῇ Ἀλβῇ ποτὲ ἡγομένους, ὥς καὶ προσῆκον σφίσι διὰ τὸν Ἰάλον ἐχρῆτο. Quæ verba sic reddiderunt Interpretes *Quippe semper laxiori veste delicatè utebatur, & cinctura fluxiore: aliquando etiam veste sublimiori, ac rubea utebatur more Regum, qui Alba quondam imperauerant, cum a Iulo id ad ipsos peruenisset.* Sed quænam esset ista vestis sublimior vellem mihi dicerent. Pueriliter ὑποδίσσει vel pro fluxiore cinctura, vel pro veste interpretati sunt: quis enim vel leuiter litteris



Græcis tinctus ignorat, *ὡς δέσιν* esse calceationem siue calceatum. Sed verba ipsa Dionis ab interpunctione laborant, & vna plus coniunctione abundat, quod tot viros doctos qui Dionem recensuerunt latere potuit. Facile ergo cuius fuerat ea hoc pacto cōcinnare; *Τῇ γὰρ ἐν τῇ χαυνότητι ἐν παντί ἐνέβρινετο, καὶ τῇ ὑποδέσει μετὰ ταῦτα ἐνίοτε, καὶ ὑψηλῇ, καὶ ἐρυθροχρῶ.* Nam veste laxiori semper molliter utebatur: & calceamenti aliquando deinceps etiam aliisculis, ac rubeis. Melius Xiphilini Interpretes, qui de pedum tegmine intellexit, sed perperam caligas vertit cum calceos debuisset; de quo alias fortasse dicemus. Par error eiusdem Interpretis ut obiter dicam lib. XLIX. vbi narrat Dio L. Antonium, & Fulviam, milites, qui sibi arbitrium eos cum Cæsare componendi sumpserant, intridere solitos, ac ludibrij causa Senatum caligatum appellasse. *δίσκοπον γοῦν ὄρας ἄλλα ἢ καὶ βουλὴ καλὴν* (Casaub. rectè *καλιγάντων*) *ἐπὶ τῆς τῶν στρατιωτικῶν ὑποδημάτων χρήσεως ἐποκαλοῦντες.* Ab usu militaris vestimenti, ait Interpretes. Putidè. Nemo enim tam puer est qui non videat, à militari calceamenti usu, vertendum esse Sed hæc præter rem. Quemadmodum hunc Dionis locum a viro magno, non ferendo errore adductum ut ostenderet caligas etiam Senatorum aliquando fuisse, quod illi aliud agent excidit. Neque rectè Xiphilinus ipse tradit, causam cur Cæsarem Sylla interficere voluerit fuisse, quod suspectam haberet cincturæ laxitatem.

Ceterum hæc cincturæ laxitas non in toga fuit, ut dicebamus, sed in tunica. Nam sola tunica cingebatur ab omnibus, præterquam a Senatoribus,

ac laticlavijs. Nam vt ex Quintiliano docuit etiam Manutius, quibus ins lati clavi erat, ij non cingebatur. Cui, inquit Rhetor, *lati clavi ins non erit, ita cingatur, vt tunica prioribus oris infra genua paulum, posterioribus ad medios poplites vsque perueniant*; Nam infra mulierum est, supra centurionum. *Latum clauum habentium modus est, vt sit paulum cinctis submissior*, id est, vt tunica lati clavi, quæ non cingitur, paulo longior sit tunica non habentium ius lati clavi, quæ cingebatur. Egregiè igitur doctissimus Salmasius ad Historiam Augustam obseruat, cultum Cæsaris tripliciter fuisse notabilem. Primò, quod cum ceteri tunicis non manicatis vterentur, & colobijs: Cæsar lato clauo, siue tunica lati clavi manuleata indueretur, ita vt oræ manicarum fimbriatæ essent, quod mulierum proprium; Deinde quod cum ceteri laticlavi non cingerentur, ipse nihilominus tunicam laticlaviam cingeret; Tertium fuit, quod laxiore cinctura vteretur, siue vt Græci dicunt *κνώρος ζώνη* elset. Haud inscius sum, non defore, qui aliter explicari posse Quintilianum dicant; *latum habentium clauum modus est, vt sit paulum cinctis submissior*; Ita scilicet latum clauum gestatum fuisse, vt infra cincturam caderet, siue esset cinctu inferior, atque hoc modo Suetonij verba de Cæsare accipienda. Verum id nullo modo consistere potest; Si enim communis lati clavi vsus fuisset, vt inferior zonâ elset, id tamquam nouum ac notabile in Cæsare non obseruasset Suetonius, quod super latum clauum cingeretur; *Latius clauus igitur tam apud Suetonium, quam apud Quintilianum est tunica lati clavi, quam vult cinctis submissior*

rem

rem Quintilianus, idest tunicis asemis, & quæ cingebantur: non autem cincturâ, quis enim diceret submissiorem cinctis, idest cinctura? Quod ergo tunicam laticlaui cingeret Cæsar, cultu notabilis fuit, cum reliqui laticlauij non cingerentur. Et hoc est, vt docti obseruant, quod Horatius dixit. *Latum demisit pectore clauum*, hoc est, fluente tunica, & nullâ Zona constrictâ: cuius rei ignoratio viros harum litterarum Iurisque Aristites eo adiegit, vt scriberent, *clauum fuisse plagulam, quæ in pectus demitteretur collo appensam, vt numismata, atque apud veteres puerorum bullæ erant cervicibus suspensæ.* Quæ opinio iam doctis explosa, Nosque de lato clauo infra pauca quædam afferemus.

*Expenduntur scriptores qui togam cingi solitam docere videntur. Cinctus Gabinus. Cap. XIII.*

Ceterum togam cingi solitam Sigonius ex Valerio Maximo confirmari posse credidit libr. III. c. 1. *Aemilius Lepidus puer etiam tum progressus in aciem hostem interemit, ciuem seruauit: cuius tam memorabilis operis index est in Capitolio statua bullata, & incincta prætexta S. C. posita.* Prætextam autem, togam fuisse, nemo ignorat. Verum, vt etiam Manutio obseruatum est, cinctus ille non communis fuit, aut ciuilis, sed militaris, quem *Gabinum* dixere, cuius origo è militia, & vsus initio tantum in militia fuit.

Frontinus etiam cinctus togæ meminit libr. I v. *Piso Titium Præfectum cohortis, quod loco fugitiuis cesserat cincto togæ præciso, soluta tunica, nudis pedibus*

bus in principijs quotidie stare iussit. Sed hoc etiam de cinctu Gabino intelligendum est; Nam cum antiquissimi Romani etiam in praelio togis uterentur, idque fustum, ac laxum vestimentum esset, non aliter quam ritu Gabino succincti pugnarunt. Plutarchus in Coriolano tradit, primis temporibus more fuisse Romanis in acie constitutis, antequam clypeos sumerent, togamque præcingerent, testamenta in procinctu facere, tribusque, aut quatuor audientibus heredem nuncupare, τὴν δ' ἐν, inquit, τοῖς τοῖς Ῥωμαίοις ἔθ' οὕτως τὰ ξὺν καθιστάμενοις, καὶ μέλλουσι τοὺς θυρεοὺς ἀναλαμβάνειν, καὶ περὶ ζώνης τὴν τῆς βέντον. De eodem cinctu capiendus idem Plutarchus, loquens de Romulo opima Ioui ferente, quamvis vestem solum incinctam dicat, αὐτὸς δ' ἐν τῷ μὲν ἰσθμῷ τὰ περὶ ζώσατο. Hinc etiā quoties rixa in Urbe oriebatut & ad manus ventum erat toga succingebatur. Idem Plutarchus de seditione Gracchana; ὡς οὖν ταῦτα τοῖς περὶ αὐτὸν ἐξήγγειλεν ὁ Τιβέριος οὗτοι μὲν αὐτὸς τὰς τῆς τριβένους περὶ ζώνοντο. Quod ut circumstantibus aperuit Tiberius præcingunt hi confestim togas, mox subdit, frangentesque apparitorum hastilia, quibus cæcum submouent arripiunt fragmenta, ut ijs repellant vim inferentes.

Atqui hic Cinctus Gabinus fuit. Seruius ad illud.

*Ipse Quirinali trabea cinctuque Gabino*

*Insignis referat stridentia limina Consul.*

Gabinus, inquit, cinctus ex toga sic in tergum reiecta ut una (lege ima) eius lacinia a tergo reiecta hominem cingat. Hoc autem vestimenti genere addit uti solitum Consulem bella indicturum, quod cum Ga-



bij Campaniæ ciuitas sacris operaretur, bellum subito venit, tum ciues accinctos togis suis ab agris (lege aris) ad bella profectos, & adeptos esse victoriam, vnde eum morem emanasse. Liuius etiã lib. i ix. de Decio se denouente. *Pontifex eum togam prætextam sumere iussit, & velato capite manus subter togam ad mentum exerto super telum subiectum pedibus stantem dicere. Mox. Ipse incinctus cinctu Gabinio armatus in equum insiluit, & se in medios hostes immisit.*

Ex his manifestum fit, cinctum Gabinum non aliud fuisse, quam cum togæ lacinia læuo brachio subducta in tergum reijciebatur, ac retrahebatur ad pectus, atque ita in nodum colligabatur, vt togam contraheret, & breuiorem, ac strictiorem redderet. Hoc intellexit Isidorus cū ait. *Cinctus Gabinus est, cum ita imponitur toga, vt toga lacinia quæ post, secus reijcitur, attrahitur ad pectus, ita vt ex utroq; ex humeris pictura pendeant, vt sacerdotes gentilium faciebant, aut cingebantur prætores. Locus corruptus. Quid enim pictura ex utroq; ex humeris? Puto legēdū Cinctus Gabinus dicitur, cum ita imponebatur toga, vt toga lacinia, quæ post reijcitur attraheretur ad pectus, ita vt ex utroque latere penderet, nempe togæ lacinia. Quod ad picturas attinet, ab Persij interprete decipi potuit omnia conuerrens Isidorus cuius verba sūt Toga est purum pallium forma rotunda, & fusiore, atque mundante sinu, et sub dextro veniens super humerum sinistrum ponitur: cuius similitudinem in operimentis simulachrorum, vel picturarum aspicimus, easq; statuas togatas vocamus. Porro idem Interpres Persij paulo post mutilus est cum ait ad illud succinctis*



*laribus ; Quia Gabino habitu cinctuque Dij Penates formabantur obuoluti toga super humerum sinistrum, dextro nudo . Non enim toga sinistrum humerum inuoluens cinctus Gabinus erat . Nam communis hic gestandi togam modus . Idem paulo ante adductus . Toga est purum pallium forma rotunda & fusiore, atque inundante sinu, & sub dextro veniens super humerum sinistrum ponitur . Non erat inquam Cinctus Gabinus toga sinistrum humerum inuolueret, sed quem supra posuimus, & infra etiam explicabimus .*

Cinctus ergo Gabini origo hæc fuit ; Cum toga, vt diximus, longum, ac redundans vestimentum esset, & ideo pugnae incongruum, repentina, vt notat Seruius, apud Gabios hostiam incursione cum non esset tempus deponendi togas, ac sumendi chlamydes, subductam, & retrò reiectam togæ laciniam hinc inde reuocantes ad pectus se ea incinxerunt, siue succinxerunt, qui cinctus inde Gabinus seruatus in sacris, & cum Consul Ianum reseraret, aut Imperator in bello prætextam sumeret, quæ hoc ritu incingebatur, aut Prætor mappam Circensibus mitteret; atque hoc habitu statua Lepido posita est, & de hoc cincto togæ præciso intelligendus Frontinus . Hoc etiam sensu capienda Afranij verba apud Nonium . *Equidem prandere stantem nobiscum incinctam togam*, idest lacinia sua retracta ad pectus constrictam, & colligatam. Nisi quis credat a meretrice in conuiuio togam more tunicæ Romana cinctam, quod aliter fieri non potuit quam si vtrumque brachium exereretur, atque ita superior pars ad humeris deflueret. Mihi sufficiat ostendi se

se togam communi vsu non fuisse cingi solitam, imò nec potuisse.

*Docti viri opinio refutata de cinctu Gabino Catonis cum ius diceret. Tertullianus de pallio explicatus. Cap. XV.*

**T**ertullianus de pallio c. III. ait, Catonem, qui Græcos pellendos Vrbe censuerat, Præturæ tempore Græcis in habitu fuisse humero exerto. Verba eius sunt. *Atque adeo ipse qui Græcos pellendos Vrbe censebat ( litteras eorum vocemque senex iam eruditus ) idem Cato in iuridicæ suæ in tempore humerum exertus non minus palliato habitu Græcis fuit.* Hic locus rei quæ vestitiaræ imperitiæ mira vaticinari coegit interpretes. Sûnt qui togatos humero exerto esse non posse dicant, sed palliatos, & ideo palliatum Catonem in prætura fuisse, non togatum. Alij Catonem quod Orator esset, & fori habitator habitu Oratorum fuisse in Prætura contendunt, quòd Rhetores, & Causidici in gestu faciundo humerum exertum toga haberent. Hos omnes iure refutat vir magnus in suis ad Tertullianum notis neque tamen ipse meliorem sententiam affert. Vult enim credi a Tertulliano designari tempus quo Magistratum gessit Cato; Quòd nempe in Magistratu tantum, Prætura scilicet, vel Consulatu, & reliquis, Romani humerum exertum haberent, atque hunc habitum fuisse, quem cinctum Gabinum vocarent. Sic toga incinctos fuisse Consules, vel Prætores, cum in aliquo solemnî actu versarentur: cum rem diuinam facerent: Ianum recluderent: item cum Prætor in ludis mappam-

mitteret. Cum ergo Cato Prætor humerum exertus, siue nudus esset, hoc cinctu Gabino a Tertulliano dici, Græcis Iuridicinæ suæ tempore fauisse.

Sed demonstrandum fuerat viro doctissimo, etiâ Prætores cû Ius dicerent Cinctu Gabino incinctos fuisse, quod illi difficillimum fore puto, Vt autem hoc ei demus omnes Pretores in Gabino cinctu fuisse cum ius redderent cur Tertullianus solum Catonem nominauit, cum vtique validius futurum fuisset argumentum si dixisset, *Prætores omnes Iuridicina tempore humerum exerti habitu palliato Græcis fauerunt, immò quotquot Magistratus publica munia obibant.* Hæc nullo pacto possunt consistere. Quid ergo? Nomine Græcorum hîc philosophos designari nemo dubitare potest, qui meminerit vetus illud maledictum in Philosophos distringi solitum ὁ γυμναὺς ἐνθιτῆς; Et Græci quos pellendos Vrbe Cato censuerat Philosophi, siue sophistæ fuerunt. (Quamquàm non Catonem, qui exitu suo Vticam nobilitauit, sed seniore, Philosophos Vrbe pellendos censuisse, & ideo memoria lapsum Tertullianum, & ratio ipsa, & Gasparis Sciopij V. C. autoritas suadet.) Cû igitur hic Tertullianus tradit Catonem habitu palliato fuisse Græcis, de pallio Philosophorum haud dubiè intellexit quod ira præcipuè a Cynicis gestabatur, vt dextro brachio subiectum in læuum humerum reijceretur, exerto humero dextro, & plerumque nudo, maxime in Cynicis, qui sine tunicis, aut saltem strictis tuniculis humerum non velantibus induti erant. Vetus Interpres Iuuenalis ad illud Sat. XIII. *nec Stoica dogmata legit.*

*A Cynicis tunicâ distantia, hæc notat. Dicit Cynicorum, & Stoicorum dogma conuenire, tantum veste distare; Nam Cynica mater heresis stoicæ: Cynici absque pallio exerto brachio; Sed vel nugatur solens Glossator ille, vel pro pallio tunica legendum est, totusque ille locus corrigendus: Nam Cynica heresis (secta) mater stoicæ: Cynici absque tunica, ex pallio exerto brachio. In Anthologia lib. II. de philosophis.*

*Καὶ σόλιον, μάλιον, παγώνιον, ὥμιον ἔξω.*

*Et bacillus, villosa vestis, barbula, humerus exertus. Quare S. Cyprianus Cynicorum vocat exerti, ac seminudi pectoris inuerecundam iactantiam.*

His nempe Græcis philosophis, quos Vrbe pel-  
lendos censuerat, Iuridicinæ tempore fauit Cato  
exerto & ipse, nudoque humero, non ex Gabino  
cinctu, sed quia sine tunica erat, idque præter mo-  
rem ceterorum, & ideo ipsum peculiariter nomi-  
nat Tertullianus. Id nisi apertè docebimus nul-  
la causa est quin nihil nobis in posterum credatur.  
Asconius Pedianus in Orationem pro Scauro Cato  
inquit, *Prætor iudicium, quia æstate agebatur, sine  
tunica exercuit, campestri sub toga cinctus; In forum  
quoque sic descenderat, iusque dicebat, idque repere-  
rat ex vetere consuetudine, secundum quam & Romu-  
li statua in Capitolio, & in Rostris Camilli fuerunt,  
togata sine tunicis.* Sed quod ait Pedianus, id egis-  
se Catonem, quia tempus æstiuum erat, præter to-  
lerantiam est magni illius viri, ac Romanorum vl-  
timi. Vera ergo causa a Plutarcho affertur, hoc il-  
lum egisse, non quòd gloriam ex hac nouitate au-  
cuparetur, sed quo assuesceret ob solam turpitudi-  
nem



nem erubescere, reliqua indecora contemnere. *πολλάκις δὲ, inquit, ἀνυπόδητος, καὶ ἀχίτων εἰς τὸ δημόσιον προήει μετ' ἄριστον. Crebro sine calceis, et tunica procedebat a prandio in publicum. Ob causam quam attulimus. Sed quod magis ad rem nostram pertinet, idem tradit, Catonem prætorem factum creditum esse non tantum maiestatis & fastigij recte administrando adiecisse magistratui, quantum detraxisse, ac deformasse; Verba eius sunt ἀνυπόδητος, καὶ ἀχίτων. πολλάκις ἐπὶ τὸ Βήμα προτερχόμενος, καὶ θανάτους δίκας ἐπιφανῶν ἀνδρῶν οὕτως βραβύων. Quod frequenter sine calceis et tunica (vetus Interpres perperam habet, sine toga) ad tribunal accederet, & de capite illustrium virorum sententiam ferret. Tertiò eiusdem rei meminit Plutarchus, quod cum Consulatus repulsam tulisset, eaque res non solum ipsis candidatis, sed etiam eorum amicis solita esset per multos dies cum aliquo rubore tristitiam, ac mæmorem afferre, adeò eum casum lentè tulerit Cato, ut vinctus pila luserit, & a prandio rursus in forum more suo sine calceis, & absque tunica descendens cum familiaribus deambularit. Ac ne quis dicat, præter tunicam superiorem etiam interiorem gestasse Romanos, & propterea nudum humerum habere non potuisse Catonem, non semper hoc verum fuit, & interiores istæ tunicæ, siue subuculæ strictæ erant, & humerum excludebant. Gellius lib. vii. c. xii. *Viri Romani primo quidem sine tunicis toga sola amicti fuerunt* (hoc voluit imitari Cato) *postea substrictas, & breues tunicas citra humerum desinere habebant; Quales etiam fuisse Cynicorum subulas, si tamen omnes ijs utebantur existimamus.**





pag. 5. et 49.



*M. Aurelij.*



*pag. 5. 19. et 49.*

Amos 11



24 11 1874 189

*Plautillae.*



*pag. 5. et 49.*



Handwritten text at the top of the page, possibly a title or reference number.



Handwritten text at the bottom of the page, possibly a date or signature.

Tam Cato igitur in Prætura, sed solus, quàm Græci philosophi exerto, nudoque humero fuerūt, & ideo Catonem in Prætura humero exerto non minùs quàm palliati solerent, Græcis Tertullianus fauisse dixit. Recte igitur Baronium in exercitationibus Casaubonus reprehendit, qui Catonem palliatum ius dixisse prodidit, sed nec ipse Tertulliani sensum assecutus est. *Eandem* inquit *Q. Tertullianus significare voluit, cum dixit illum ius dixisse humero exerto, quod non solum de palliatis dicitur, verum etiam de togatis, qui toga laciniam humero detractam sub brachium conyiciebant.* Atqui omnes ætate Catonis exerto hoc modo brachio erant. Ita de nudo intelligendum, quia sine tunica. Quare frustra etiam a viris doctissimis tres modi afferuntur togæ gerendæ apud Romanos; antiquissimus, cum toga vtrumque humerum regeret: recentior, quo toga ab humero dextro retracta, & sub brachium missa in lævum deinde brachium congesta dexteram liberam relinquebat: Tertius, cinctus Gabinus; Nam diligenter veteres statuas togatas inspectanti, nummosque quorum beatissimum thesaurum suppeditat mihi Paulus Caotorta Veneti Senatus lumen longè clarissimum, non alius quàm duplex modus occurrit, antiquissimus, quo brachium toga cohibebatur exerta dextra: & recentior, quo cum brachio humerus exerebatur; nec alio distinguebatur ab hoc cinctus Gabinus (vtròbique enim exertus humerus) quàm, quòd hîc toga cingebatur, nequaquam ibi. Et de his hætenus.

Figura. D.

D

Nul.

*Nullum in toga fibula usum fuisse; Pancirolus non unus error in re vestiaria perstringitur. Cap. XVI.*

**V**T toga communi usu non cingebatur, ita neque fibula necebat, nullusque in ea fibulae usus esse potuit, contra quam censuit Pancirolus in libro rerum deperditarum. Nam cum vestimenta tantum aperta, ut pallia, & chlamydes, sagaque fibula in humero, vel ad cervices iungerentur, ne scilicet defluerent: toga, quæ erat circumclusa, & humero sinistro inhærebat, ut laevo brachio sustineretur, nullo modo cadere aut defluere poterat, nisi sponte deijceretur, ita nullus in ea fibulae usus; nec quisquam veterum, quod sciam, fibula in toga communi mentionem fecit. Quare quam in veteri sepulchro auream repertam tradit ille, non togæ debuit esse, sed chlamydis, aut pallij: ut ante aliquot annos cum doctissimo Io. Rhodio disputavi. Nam togæ usum non planè intellexit Pancirolus; Si enim clausum fuisse vestimentum non ignorasset non fuisse opus fibula intellexisset, quæ duas vestium apertarum partes iungebat. Verum non ita in re vestiaria versatum fuisse senem gravioribus studiis implicatum non est mirum, alioqui non toties duobus illis capitibus, lapsus esset. Ut cum ait *Aliculam chlamydem fuisse pallium*, quod pueri usque ad xiiii. annum gerebant, idque ex Vlpiano colligi, post quod tempus prætectam sumptam: vitrumque falsò. Neque Vlpianus hoc dixit; Lege enim Vestis xiiii. D. de auro arg. leg. hæc tantum habentur. *Puerilia vestimenta sunt, quæ ad nullum alium usum pertinent, nisi puerilem veluti toga prætexta, alicula,*  
*chla-*

*chlamydes, pallia, quæ filijs nostris comparamus. Vnde nescio quid I. C. noster de pallio puerili vsque ad XII. annum sit expiscatus. Cum notum præterea sit a pueris prætextam gestatam vsque ad tempus togæ virilis.*

Hinc veluti in tenebris micat; Ait togam communem fuisse cœruleam, vt Crinitus manicatam; togam candidam tantum Senatorum fuisse: item tunicam eorundem totam purpuream, cuius latera globulis aureis connexa, qui lati clauī dicti sint: Lacernas sub toga gestatas, quæ pudet recensere, nedum refellere;

Ceterum Dionysius Halicarn: lib. II. vsum fibulæ in toga videtur nouisse. Nam cum Saliorum cultum describit ait. *χιτῶνας ποικίλους χαλκίαις μήτραις κατεζωσμένοι, ἢ τηβέννας ἑμπεπορπημένοι τειπορφύρους φοινικαπαρύρους, ἃς καλεῖται τραβέας.* Vbi trabeas, quæ togæ erant, fibulatas Salijs assignat. Sed vt solus Dionysius fibulæ in toga meminit, ita solus veterum togam Salijs adscribit. Apud me potior est Liuij auctoritas, qui solas tunicas pictas in Salijs agnoscit. Ait enim. *Salios item duodecim Marti Gradino legit, tunicaque picta insigne dedit, & super tunicam aneum pectori tegumen, cœlestiaque arma, quæ Ancylia nominantur ferre, ac per urbem ire canentes carmina cum tripudijs, solemni que saltatu iussit.* Nec aliud quam puniceas tunicas agnoscit Plutarchus in Numa. *φοινικοῦς, inquit, ἰνδεδυμένοι χιτωνίσκους.* Puniceas tuniculas induiti. Crutarius enim non rectè Dionysium magis secutus quàm sensum verborum, *trabeati* vertit. Trabea enim non nisi toga fuit, Plutarchus tuniculas appellat.



Præter tantorum virorum auctoritatem ratio ipsa vincere videtur, sine toga Salios fuisse, nihil enim magis incommodum saltanti, quam vestimentum fufum, ac talare, nihilque tam ineptum, quam ut ait ille, *togam saltanti persona inducere*.

Sed etiam si auctoritas Dionysij valeat, & habuerint Salij togas, simul & fibulas; non licet tamen arguere inde in communi toga fibulæ usum. Nam fibulas illas in trabeis Saliorum non est credendum eundem usum præstitisse, quem in vestimentis apertis ad partes diuisas connectendas, (nā clausam togam ostendimus) sed potius adhibitas ad ipsam togam contrahendam, atque attollendam, ne scilicet ad pedes fluens saltantes impediret; quales fibulæ fluentia mulierum peplo coercerant. Vel quod verius mihi videtur, apud Dionysium *ἰμπεριπορημένοι τὰς τινένας* non tam est *infibulati togas*, quàm *succincti ritu* scilicet Gabino, de quo supra, quo etiam ritu easdem trabeas succinctas ab equitibus in transuectione gestatas non est dubitandum.

*De Toga materia. Lanarum varia genera. Toga pexa: & detrita. Cap. XVII.*

**T**Ogas, tunicas, lacernas, & reliqua Quiritium vestimenta ex lana confecta fuisse apparet, quod nusquam vestes nisi a pretio lanæ, aut a colore scriptoribus cōmendantur. Plin. l. i. ix. cap. XLVII. *Magna, inquit, & pecori gratia, vel in placamentis Deum, vel in usu vellerum. Ut boues victum hominibus excolunt, corporum tutela pecori debetur.* Deinde



de lanarum genera exequitur, omnemque Romanorum cultum inde confectum ostendit. Addit ex Varrone, lanam cum colo, & fuso Tanaquilis in templo Sangi durasse, factamque ab ea togam Regiam undulatâ, qua Servius tullus fuerat usus. Atque inde factum, ut nubentes Virgines comiraretur colus compta, & fusus cum stamine. Etiam martialis sæpè ab lana Tarentina vestimentis commendationem petit, præcipuè lib. III. ep. XLIII.

*Te Lacedemonio velat toga lota Galeſo.*

Vt Plinius Apulam, siue Tarentinam ceteris præfert. Siue Galeſi fluij propè Tarentum aqua potantibus pretiosum vellus daret: siue lana ipsa eodem fluuij lota, quod de alijs fluminibus veteres crediderunt, summam nobilitatem acciperet. Alia etiam lanarum genera memorat idem poëta, Parmensem, Bæricam, Alrinatam.

Hinc natiui lanarum colores in vestibus seruati, & celebrati. Quorum plura genera fuisse idem Plinius ostendit, ut etiam aliquibus nomina desint. *Hispania*, inquit, *nigri velleris præcipuas habet: Pol-lentia iuxta Alpes, Cani: Asia rutili, quas Erythreas vocant: Canusium fului: & Tarentum sua pulliginis.* Hinc tot in lacernis præcipuè, alijs què vestibus, (si togam, ac tunicam demas, quæ albe gestabantur) colores fluxere, ab varietate scilicet lanarum earum quæ natiuo colore, aliquando etiam ab infectu.

Notat prætera Plinius, *Istriae, ac Liburniae lanam pilo propiorem, quam lanae, & ideo pexis vestibus alienam, & quam sola ars scutulato textu commendat in Lusitania.* Pexas vestes fuisse, in quibus ob villosorum densitatem nec stamen, nec trama appareret,

alijs animaduersum scio. Tales omnes recentes vestes fuere. Martialis.

*Pexatus pulchrè rides mea Zoile trita.*

Nam vestes obsoletæ, ac detritæ his contrariæ, in quibus scilicet vellere attrito, & defloccato, filorum textura apparebat; Idem lib. iv. ep. xxxiv.

*Sordida cum tibi sit verum tamen Attale dicit,*

*Quisquis te niueam dicit habere togam,*

Vbi niuea tenuis est, & detrita. l. ix. ep. l. de toga Partheniana.

*Nunc anus, & tremulo vix accipienda tribuli,*

*Quam possis niueam dicere iure tuo.*

Tales togas decutes, siue decotes Festo dici censet Lipsius in Electis. Quia igitur lana illa Istrica, & Liburnica sine villis fuit, & pilo propior, iure alienam pexis vestibus dixit Plinius atque ex ea scutulatam vestem confici in Lusitania; Nam cum scutulæ in vestibus quadraturæ essent ad instar plagarum quibus retia distinguuntur, contextæ, ex lana villosa haud quaquam texi poterant huiusmodi scutulæ quod villorū dēsitare textura, & artificii operiebatur, secus in lana minime villosa, & pilo propiore, vt in Liburnica, vbi scutulatus textus non impediret villis apparebat. Similem Istricæ, ac Lyburnicæ lanam circa Piscenas prouinciæ Narbonensis, in Ægypto prouenire subiicit Plinius, ex qua vestis detrita usu tingitur, rursusquæ æuo durat. Vbi frustra tegitur, vel pingitur, in ferciunt correctores: Nam tingitur rectum est. Vestimenta communi lana confecta usu attrita defloccantur, villosque cum colore amittunt, nec renouari possunt etiam si denuo fiantur, nam delapsis villis cum stamine

sub-

subtemen appareat. At vestes lana Iſtrica, vel Aegyptia contextę, quę pilo propior eſt poſtquam uſu obſoleſcere, colorem quidem amittunt, quem ſi tingantur recipiunt denuò, & interpolantur, nouęquę videtur, nihil enim præter colorem amittunt, quia cum villis careant, & veteres, & recentes filorum texturam oſtendant: ſecus in reliquis pexis ubi detrिता ſemel fila reparari non poſſunt. Hic eſt ſenſus verborum Plinij. Quare non ſemper veſti pexę trita oponitur, iſteſt vetus, ac detrita, ſed recens ſine villis, quales ex lana de qua diximus contexebatur, eaque, *raſa* appellabatur, qualiſque, vt plurimum ſerica, quę ſine villis, & minime pexa: eaque ſcutulata texturę aptior, vt ait Plinius; Hinequę exiſtimo Iuvenalem vtrumquę coniunxiſſe Sat. 2.

*Cœrulea indutus ſcutulata, aut galbana raſa.*

*Raſa etiam togę meminit Martial.*

— *Raſam tu mihi mitte togam.*

*Lana coacta. Plinius vno capite non ſemel correctus, & explicatus. Cap. XVIII.*

**S**Ed quoniam in lanarum mentione verſamur, curę pretium fuerit Pliniani loci eodem capite miſerè affecti curationem tentare. Poſtquam lanas recensuiſſet, ex quibus veſtes texebantur, addit; *Lana, & per ſe coacta veſtem faciunt, & ſi addatur acetum etiam ferro reſiſtunt: imò vero etiam ignibus nouiſſimo ſui purgamento: quippe alienis polientium extracta in tormenti uſum veniunt, Galliarum vt arbitror inuento, certè Gallicis hodie nominibus diſcernitur. Nos penè adoleſcents, ahenis polientium ex-*  

D 4

*tracta.*

*tracta*, legendum videramus, & gauisi sumus cum eandem coniecturam apud doctissimum Gelenium inuenimus. Verum tetigit ille vulnus, non sanauit. Sic enim locus ille interpungendus est, & si addatur *acetum*, etiam ferro resistunt, imò vero etiam ignibus; nouissimo sui purgamento ahenis coquentium *extracta* in tomenti vsum veniunt, Quæ enim ratio illa erat, quod ignibus resisterent lanæ quæ *extractæ* ahenis venirent in vsum tomenti? Numquid tomenta igni resistunt? Duplex lanarum qualitas Plinio recensetur; altera, quod coactæ addito aceto ferro, & ignibus resistent: altera, quod earum purgamentum extractum ahenis coquentium (hoc malui; quam *polientium*, secutus veteres codices) ad culciras inferciendas adhiberetur. Hoc est uenire in vsum tomenti; Tomentum quippe culcitæ factum fuit, vt rectè Gelenius; Martialis

*Culcita tomento quod viuata suo.*

Isid. lib. ix. cap. xxvi. *Culcitæ* vocantur quod calcantur, id est farciuntur pluma, siue tomento. Id inuentum Galliarum existimat Plinius, quia tomentum tunc Gallicis nominibus discerneretur. Nam lib. xix. cap. i. de lino. *Nullum est candidius, lanæue similius: sicut in culcitis præcipuam gloriam Cadurci obtinent, Galliarum hoc, & tomenta pariter inuentum, Italiae quidē mos etiam nunc durat in appellatione stramenti.*

Quæ sequuntur verba, eâdem prauâ interpunctione pessimè habent. *Nec facile dixerim, qua idate ceperit; Antiquis enim torus e stramento erat, qualiter etiam nunc in castris gausape; Quid hoc monstri est? eadem res fuit stramentitius torus, & gausape? Nihil minus. Ait Plinius nescire se quan-*



do ceperint tomenta e lana fieri, quia apud antiquos non tomenta siue culcitæ in usu erant, sed torus stramentitius, qualis adhuc in castris ætate Plinij retinebatur. Nihil igitur adhuc locum gausape. Postquam in vrbe in locum lecti stramentitij tomentum venerat, inreperere tamen in castra culcitæ, siue tomentum non potuit, in quibus veterem o stramento torum non retinere nimis delicatum visum est, & præter disciplinam militarem. Ne longum faciam. Verbum illud *gausape* ad sequentia spectat, quæ sic concinnanda sunt. *Gausape patris mei memoria cepere, amphimalla nostra, sicut etiam villosa ventralia.* Ignorare se dicit Plinius, quando lanæ in usum tomenti venerint, quod apud antiquos e stramento torus esset. Atqui memoria patris sui factum, ut gausapæ in usu esse ceperint, sicut ætate sua, & amphimalla, & ventralia villosa in usum venerint. Gausapæ vestes villosæ ad instar tapetium. Amphimalla autem, siue ἀμφιμάλοι χιτῶνες vestes utrinque villosæ; Ventralia demum vestimenta contegendo ventri, quæ fortasse eadem cum semicinctijs. Plinius M. S. in Bibliotheca Ambrosiana eandem prorsus interpunctionem præfert, licet in verbo *gausape* corruptus sit, quod etiam ab altero M. S. deest. Sic enim ibi legitur. Qualiter iam nunc in castris Causa patris mei memoria cepere, amphimalia nostra.

Nihil igitur gausape ad torum stramentitium, nihil ad tomentum. Ad Plinium intelligendum non parum facit Martialis, qui quid sit tomentum explicat lib. xiiii. *Tomentum lingonicum.*

*Oppresse nimium vicina est fascia pluma*

*Vellera lingonicis accipe rasi sagis.*

Quo loco intelligimus, quare Plinius putarit inventum tomenti Gallorum esse, & Gallico vocabulo discerni. Nam aliud erat tomentum *Lingonicum*, idque propriè tomentum, quod ex lana Gallicis sagis detersa cogebatur; Aliud minus propriè, quod *Circense* dicebatur, idque ex arundine concisa, iuncoque palustri inferciebatur, cuius usus in Circensibus fuit. Idem titulo. *Tomentum Circense.*

*Tomentum concisa palus Circense vocatur*

*Hæc pro lingonico stramina pauper erit.*

Vbi lingonicum simpliciter pro tomento usurpat. Qualis autem fuerit torus ille Plinij stramentitius ex eodem discas, titulo. *Fenum.*

*Fraudata tumeat facilis tibi culcita pluma*

*Non venit ad duros pallida cura toros.*

Non eadem tamen ratio conficiendi tomenti Plinio, & Martiali. Ille ex purgamento lanarum coctarum coactum vult: hic ex lana lingonicis sagis detersa. Etiam ex pilis hircorum confecta tomenta notat Philargyrius ad illud Georg. 111.

*Nec minus interea barbas incanaque menta*

*Cinyphy tondent hirci, setasque comantes*

*Usus in castrorum.*

In usum castrorum, inquit, quod inde tomenta fiant, itemque cilicia. Ut ut sit, non est præter rem quod adijcit Plinius, cum hæc scriberet, *tunicam lati clavi in gausapa modum texti primum ceptam.* Reliquas tunicas ante Plinium in gausape modum textas idest villosas, & pilis hirtas crediderim, demum etiam lati clavi, in qua fortasse maius artificium fuit,

ne scilicet clavi purpurei villorum densitate tegerentur.

*Vestis serica. Bombyx Coa, & Assyria. Plinius de sensus. Cap. XIX.*

**T**ARDÈ admodum, & non nisi sub Imperatoribus serica vestis Romanis cognita. Eam a seribus Indiæ populis vnde aduehebatur, appellatam conuenit. De qua tamen duplex veterum opinio fuit. Alij enim, inter quos Virgilius, ac Plinius, Marcellinus, nec pauci præterea existimarunt, ex arborum lanugine aqua mollitam canitiem ab Indis depecti solitã, vnde Sericũ conficeretur. Plinius. *Seres canitio siluarum nobiles perfusam aqua depectentes frondium canitiem.* Reliqua scriptorum loca obuia sunt. Alij opus id bombycum esse tradiderunt, qui folijs inuoluti fila deducerent sericumque conficerent. Priores secutus Lipsius ad Tacitum hoc distinxit bombycinum a serico, quod bombycinum vermiculorũ opus esset, quos bõbyces dicimus: sericum autem ex illa Indica lanugine confectum. Nec pauci Lipsium sequuntur. Verior tamen Salmasij opinio videtur, qui ad Tertulliani pallium ex Seruio, & alijs ostendit, etiam sericum bombycum opus fuisse, & ideo non alia re, quam loco, sericum a bombycino diuersum, quod nempe bombycinum ab Indis aduectum præstâtissimum κατ' ἰσχυρὸν sericum diceretur: bombycinum autem appellatum, quod in Insula Coa conficeretur.

Duplex autem bombycinum statnere videtur Plinius Coom, & Assyrium, & hoc quidem pretiosius:

ait

ait enim cap. xxi. loquens de Coa bombyce. *Nepuduit has vestes usurpare etiam viros leuitatem propter astiuam. In tantum a lorica gerenda discessere mores, ut oneri sit etiam vestis. Assyria tamen bombyce adhuc foeminis cedimus.* Hic in Plinium inclementius mea quidem sententia viri doctissimi inuecti sunt. Quasi vestes Coas ex Assyria bombyce confectas crediderit: item ab eadem bombyce Assyria quæ ceram facit bombycinum texi. Quicumque enim caput illud xxi. perlegerit, inueniet non a bombycibus, qui ceram faciunt, bombycinum texi, sed ab alio bombycum genere, de quo Plinius Aristotelem secutus ait; *Et alia horum origo e grandiore vermiculo gemina sui generis protendente cornua erucisfit, deinde, quod vocatur bombylis, ex eo necydalus, ex hoc in sex mensibus bombyx.* Duplex ergo Assyriorum bombycum species statuitur Plinio, altera quæ maior vespis, crabronibus, & fucis, nidos e luto, ceraeque facit, altera de qua dictum est; *Atque hi bombyces, non illi, qui ceras faciunt, telas araneorum more texunt, ad vestem luxumque faminarum, quæ bombycina dicebatur.* Huius vestis bombycinæ generatim sumptæ occasione adiicit Plinius primam, quæ bombycinum texuerit, fuisse Pamphilem in Insula Coa, non tamen quod ex Assyria bombyce, quæ enim id fieri potuit, sed ex Coa, licet diuersa Coæ bombycis generatio quam sequenti capite tradit.

Quod si credidisset Plinius, Pamphilem ex bombyce Assyria texuisse, nullum discrimen fuisset inter Assyriam, & Coam: nam eadem vestis fuisset Assyria, quia ex Assyria bombyce, & Coa, quia



in Insula Coa, a Coa muliere pertexta. *Prima Pamphile bombycum telas redordiri, rursusq, texere inuenit.* Ita veteres codices habere docuit Gelenius non retorquere; Ipse Plinius ubi de Seribus loquitur, idē verbum redordiendi vsurpat. *Seres canitio siluarum nobiles persusam aqua depectentes frondium canitiem, unde geminus faminis nostris labor redordiendi fila, rursumque texendi:* quod eleganter positum; bombyces dum telam suam conficiunt ordiuntur fila, idest stamina deducunt, texuntque tramam, licijs nectentes, fæminæ ad texendam vestem iterum ordiuntur fila, iterumque texunt.

Ceterum tam serici, quam vtriusque bombycinæ vestis, hoc proprium fuit, vt quod dixerunt veteres, corpora denudarent. De serico Plinius: *Tam multiplici opere, tam longinquo orbe petitus, vt in publico matrona transluceat.* Et Seneca: *Video sericas vestes, si vestes vocande sunt, in quibus nihil est, quo defendi corpus, aut denique pudor possit: quibus sumptis mulier parum liquidò nudam se non esse iurabit.* De Coa, quæ etiam a viris gestabatur, Horat.

*Cois tibi penè videre est*

*Vt nudam.*

Multo magis de Assyria quam nondum ausos viros sua ætate gestare tradit Plinius. A pretio igitur aut a ratione texendi diuersitas petenda fuit.

Porro aliquod discrimen inter Assyriam bombycem, & sericum Indicum fuisse apparet, licet vtrūque translucens fæminas denudaret, quod si res eadem fuisset, dixisset Plinius, *serico adhuc fæminis cedimus*, quod ab alieno orbe petitum vult, vt femina in publico transluceret. Atqui Plinium pro

Aſſyria bombyce intellexiſſe ſericum contendunt. Immeritò; Nam Plinius ſericum non fieri ex bombyce credidit, ſed ex pexa arborum lanugine. Præterea etate Plinij viri Aſſyria bombyce abſtinebant, & tamen ante eius tempora ſerica veſtis a viris geſtata. Tacitus de Tiberij temporibus. *Promiſcuas viris, & ſæminis veſtes*. Et tamen ante decretum fuerat, *Ne veſtis ſerica viros ſœdaret*. Ex quo apparet, præſtantiorem bombycinam veſtem Aſſyriam fuiſſe, ſive maioris luxus, vt pote quam geſtare viros puderet, quibus ſerica uſurpata. Quare non eſt tam abſurdum, bombyces etiam in Aſſyria proueniſſe, vt in Inſula Coſ, licet non conſtet vnde hoc Plinius acceperit. Nec ea cum ſerica, vt dicebam, confundenda eſt. Certe Aſſyria eodem tempore & ſerica Romæ in uſu erat, & de vtraque diſtinctè meminit Plinius. Quid ſi ex India aduecta fuiſſet, non eam bombycem appellaiſſet, qui nullum bombycum opus in ſerico texendo credidit, ſed ſolam lanuginem.

*Veſtes bombycina: ſerica: ſubſerica: multitia.*  
*Cap. XX.*

**B**ombycinæ veſtis mentio frequentior, quam ſericæ apud auctores occurrit, quod rarus ſericæ uſus, atque ex alieno orbe petitus, commodius bombycina ſubueheretur. Quamquam ſi verum eſt, quod de Cæſare tradit Dio lib. XLIII. ludis theatrum velis ſericis contexiſſe, non tanta debuit tunc eſſe ſerici penuria. Scio de ſubſerico Dionem, Tacitum, & reliquos, qui ſerici meminerint, capiendos, doctis viri animaduerſum quod apud  
 Spar-

Spartianum dicatur Heliogabalus *primus Romanorum sericam vestem induisse*, idest holosericam, cum ante subserica in usu esset, in qua stamen ex lino, subtemen sericum erat. Magna tamen serici huius, siue subserici copia debuit esse, quæ Theatro contendo satis esset. Sed id verum sericum, siue holosericum, fuisse videtur indicare Dio. τὰτα δὲ, inquit, ἰφασμα χλιδῆς βαρβάρου ἔστιν ἔργον, καὶ παρ' ἡκείνων, καὶ πρὸς ἡμᾶς ἐς περὶ τῶν πάντων γυναικῶν περὶ τῶν ἱαπεροίτηκεν. Sericum quo Theatrum Cæsar velavit, fuit textura barbaricæ luxuriæ ad superuacuum luxum Romanarum mulierum aduecta.

Sed tam subsericæ, quam sericæ vestis, id proprium fuit, quod, & bombycinæ, ut transluceret, hominesque nudaret. Iuvenal. Sat. 11.

*Acer, & indomitus libertatisque magister,  
Cretice pelluces.*

Lipsius de Coa, siue serica toga intelligi vult. Alij de Coa tantum, nec de serica capi posse Iuvenalem, quæ tantum a feminis tunc gestata, cum Coa etiam viris in usu, ut ait Plinius. Ego de serica; & quidē muliebri locutum poetam censeo. Nam si ætate Plinij, idest, aliquot annis ante Iuvenalem Coa vestis viris promiscuè gestata labētibus in deterius moribus, non erat quod poeta Cælum terre misceret, si Creticus veste Coa incessisset. Hoc enim tolerabile iam fecerat vicius. Atqui hoc tamquam insanum, ac fœdissimum exagitat.

— *Sed Iulius ardet,*

*Aestuo: nudus agas minus est infamia turpis.*

Mox.

*Fœdus hoc aliquid quando que audebis amictu.*

PRÆ-

Præterea ait Satiricus futurum fuisse, ut meretrices talem togam recusarent, si damnatæ essent.

— *Est macha Fabulla*

*Damnetur si vis etiam Carfinia, talem*

*Non sumet damnata togam.*

Non ergo vestis illa Coa fuit, quæ multis ante annis meretricibus familiaris. Horatius.

*Cois tibi panè videre est*

*Vt nudam.*

Quare non togam Coam, siue bombycinam damnauit Aquinas poeta, quæ multo ante gestabatur a viris, sed sericam, & muliebrem.

Et ideo infrà eam vestem, *multitia*, appellat, quæ ab eodem feminis adscribuntur.

*Humida suspectis referens multitia rugis.*

Quamquam non ignorem multitiarum virilium mentionem a Vopisco fieri, sed quod additur, *virilium*, denotat propriè multitia muliebria vestimenta fuisse, & secutis temporibus a viris usurpata, ut & vestes holosericae.

Eius vocis originem me fateor ignorare. Nam quod alij quasi multilicia dicunt, & polymita intelligunt, præter verbi, nouitatem apud Iuvenalem sermo est de toga, quam albam fuisse constat, non filorum varietate intextam. Qui autem multicia a multum, iciendo deducunt, quasi vestimenta multum icta, & percussa, præter idem vitium nouitatis, potius rei ipsi contrarium adducere videntur; Nam vestes multum ictæ, & bene textoris pectine percussæ densiores sunt, minusquè pellucunt; Quo magis enim trama stamini connecti-



tur, fila spissantur densius, minusque per ea corpora apparent.

In illo quoque hæere me non abuerim; an de bombycinis togis capiendus Cicero sit, cum de Catilinæ socijs loquitur; *manicatis, ac talaribus tunicis, velis amictos, non togis*. Imò an Varro apud Nonium easdem intellexerit, cum ait. *Istorum vitrea togæ ostendant tunica clauos*. Nam bombycinas non multo ante Plinium a viris usurpatas vidimus: Si laque, ut omnia tunc vestimenta, nescio an tales pellucidæ vestes, & ut ait Varro, *vitrea*, ex lana confici potuerint. Nisi sericas fuisse dicamus, & de sub sericis intelligamus qualia Casariani Theatri vela fuisse supra tetigimus.

Neque illud omittendum, quomodo hæ vitreae togæ tunicae clauos ostentarint, quasi vero communi toga clauus purpurei tegerentur, neque apparerent per densum vestimentum. Cum tamen certum sit, clauis hisce Curiam ab reliquis ordinibus distinctam, quod fieri non potuisset, si latuissent. Fortasse igitur, cum plures in tunica clauissent, & in toga communi duo tantum aut tres apparerent quæ ad pectus toga patebat, & brachium dextrum exeri solitum diximus, togis vitreis, ac pellucidis pectus denudantibus omnes apparere, & in oculos incurrerunt.

*Toga color. Candidati. Cap. XXI.*

**T**Ogæ communis colorem album fuisse, satis doctissimus Manutius ostendit, & cum secutus magni nominis Criticus, qui ne Manutium

E

qui.

quidem nominat, cui omnia ferè in hac disputatione debet. Neque hic ego congerendo scriptorum loca, quibus id probetur, lectoris otio abutar, cum vel mediocriter eruditi id ignorare non possint, & facile sit ipsum Manutium consulere.

Duo tamen sunt, quæ huic sententiæ refragari videntur; Alterum, si omnes vulgo albâ togâ Romani vti, cur qui honores petebant, candidati dicti? Alterum, quod diebus Festis, & lætitiæ causa albatî Romani incedebant. Nuperus Miloniana enarrator ait, *Magistratum petentes nihil habuisse in vestimentis præter album, & ideo candidatos vocatos, quia nempe sine tunicis essent in quibus clavi purpurei, vel quod tunica ipsæ totæ purpureæ essent. Ita petitores, vel deposuisse tunicas purpureas, vel saltem clavos, & ideo candidatos dictos.* Quæ ratio nihili est. Nam tunicas nō fuisse purpureas, infra vincam: & clavos purpureos in petitione depositos, falsum est: & si verum esset, id modò in Senatu, & Equite locum habuisset, quid ij quibus nullum clavi insuit? Quid plura? depositas tunicas in petitione consentiunt auctores non quod purpureæ, aut purpura illuminate, sed ut aperto pectore honesta vulnera petitem commendarent: Alij ne pecunia occultaretur emēdis flagitiosè suffragijs factū putant, quod refutat Plutarchus in Coriolano.

Melius ergo Lipsius, qui inter albam, & candidam togam distinguit, quod alba natiuo lænæ colore esset: candida addita creta fieret. Idquæ ex Livio, & Isidoro. Ille lib. iv. *Placet tollendæ ambitionis causa Tribunos legem promulgare, ne cui album in vestimentum addere petitionis causa liceret, Isidorus,*

*Fit*

*Fit toga addito quodam cretæ genere candidior.*

Etiam Manutius aliud fuisse candidum, aliud album docuerat, esse autem in colore candido splendorem quendam, qui non est in albo, itaque candidam niuem propriè dici, pallorem autem album, non candidum: licet aliquando confundantur, ut cum Gellius lib. III. tradit, *Scipionem die dicta, neque barbam desisse radere, neque non candida veste uti: vbi candidum, pro, albo, viurpatur, ut et apud Martialem.*

*Cum plebs, ac minor ordo, maximusque  
Sancto cum duce candidus sederet.*

*Addita ergo creta, ut ait Isidorus, candidior toga fiebat.* Illud tamen difficultate non caret, quod in omni togarum lorione adhibebatur creta, nec ars fullonia sine creta fuit. Titinnius apud Nonium.

*Terra hæc est, non aqua,*

*Vbi tu solitus argutarier pedibus*

*Cretam dum compescis, vestimenta que lauas.*

Et Plinius lib. xxxv. cap. xvii. vbi de generibus Cretæ loquitur, *Ergo ordo hic est: primum abluitur vestis sarda, dein sulphure suffitur; mox desquamatur Cimolia, quæ est coloris veri: hæc autem & sarda cretæ species fuere.* Ex his apparet, omni togæ adhibitam cretam fuisse. Fortasse ergo cōmuni togæ abluendæ creta adhibebatur, at togæ petitorum iam loræ creta superinducebatur, ut candesceret magis, ac poliretur. Certè Plinius Cimoliam cretam abluendis vestibus in usu fuisse scribit, Vmblicam autem, quæ, & saxum vocabatur non nisi poliendis vestibus assumi solitam. Illud etiam addere possumus, togas petitorū, ut candidæ

fierent, postquam Vmblica expolitæ essent, prælo subiectas fuisse, ut niterentur, splendorem que illū acquirerent, quem coloris candidi proprium esse diximus, & ideo togam candidam λαμπρὰν Polybio dici, cum nempe a prælo, & a creta splenderet.

Nam quod ait Lipsius, communes togas natio tantum lanæ colore albas fuisse, falsum esse ex Plinio ostendimus, qui artis fulloniæ cretam præcipuam facit; Quod nec ipse negare potest, nam explicans illud Plauti in Aulularia.

*Qui vestitu, & creta se occultant, & sedent quasi sint frugi; homines designari ait tenuiores, quibus cum copia mutandæ togæ non esset, tamen, ut nitidi apparerent, sub dies ludorum togulam suam incretabant; vel seruos, qui ut liberos mentirentur fortasse cretam addebant in vestem, ut in cauea fallerent. Si ergo sola creta candida vestis fiebat, & isti candidati fuere extra honorum petitionem. Quare ut diximus, vestis petitorum candida fuit Cimolia primum, ut reliquæ vestes abulta, deinde Vmblica, siue faxo expolita, tum prælo splendere iussa.*

*Quem ducit hiantem.*

Ceterum Marcilius ad illud Persij,

*Cretata ambitio*

Notat ideo cretam togis adhibitam, ut rigidæ essent, tabularum, siue tiliarum capaces, quod esse non potest; difficilius enim plicæ, ac rugæ in veste durata, quam in molli, & flexibili finguntur; Deinde cum omnes togæ plicas, & rugasque haberent, si ad hoc cretabantur togæ omnes candidæ fuissent. Idem perperam locum Tertulliani accipit, *rugas ab exordio formet, & inde deducat*



in tilias totumque contracti umbonis figmentum custodi-  
bus forcipibus assignet, legit porpicibus πόντιξ  
fibulis quasi vllus ibi fibulę vfuisse potuerit: sed  
de hoc alias.

*Albus color letitia causa adhibitus. Albati.*

*Cap. XXII.*

**A**lterum, quo cōmunes togas non fuisse albo  
colore ostendi poterat, illud erat, quod  
Romani diebus festis, ac solemnibus albati ince-  
debant; idque non scriptoribus notatum esset, si  
reliquo tempore in alba veste fuissent. Horat.

*Ille repotia, natales aliosque dierum*

*Festos albatu celebrat.*

Et Persius.

— *Quamuis te albata rogarit.*

Vbi vetus Interpres, *Albata autem festina, aut  
certe albata pura, & vitij carens.* Idem ad illud,  
& *natalitia tandem cum sardoniche albus.* Ad hoc  
recitaturus, inquit ornatus, & *festinus incedebat;*  
*Albus, aut festina veste indutus, aut recitandi pau-*  
*re confectus.* Etiam Xiphilinus in aduentu Terida-  
tis Romę implerum fuisse tradit forum: mediam  
eius partem a plebe albata, & laureata; alteram a  
militibus armorum nitore fulgentibus.

Lipsius hoc pacto nodum soluit quod Romani  
diebus festis, letisque recentes togas sumerent, &  
vsu nondum sordidas, atque obsoletas. Sed quā  
fieri potuit, vt cum sæpè festi dies, & publica læ-  
titia occurreret pauperes, & tenuiores, quibus vix  
vna togula erat, recentes togas sumerent, ac mu-

tarent, vt in aduentu Teridatis albata plebs in-  
cessit?

Fuit cum existimarem, quòd loca, quæ a Lipsio  
afferuntur, sint scriptorum Augustæi æui, quo sci-  
licet iam togæ in desuetudinem abierant, & in lo-  
cum lacerne successerant pulli, aut rufi coloris, die-  
bus festis, ac solemnibus sumptas esse ab omnibus  
togas, quæ albæ, & ideo albatos dictos, easque  
ferè recentes, quod rarò admodum ferrentur. Fir-  
mabam coniecturam meam argumento, quo Manu-  
tius togas communes albi coloris fuisse ostendit.  
Arguit Cicero Vatinius, quod in publico epulo  
Q. Arrij accubuerit cum toga pulla, cum tot homi-  
num millia accumberent, ipse epuli Dominus Q.  
Arrius albatus esset. Cum ergo ad epulum publi-  
cum funebre non propinqui tantum, aut amici in-  
uitarentur, sed populus vniuersus, in quò pro-  
pèmodum ait Manutius innumerabiles erant sic a re-  
domestica imparati, vt vestitum epuli gratia muta-  
re non possent, verisimile non est, albam togam  
eos pro tempore sumpsisse, vt mox epulo finito  
aliam induerent; Ita credibile non est, vniuersum  
populum potuisse ad quod libet epulum, festasquè  
dapes recentes togas afferre, quas finito epulo alijs  
mutarent. Quod si quis contendat, ætate Cice-  
ronis togas in vsu promiscuo fuisse, & hac ratione  
omnes albatos: facile erit reponere, Arrium licet  
in toga communi, albatum ad distinctionem Va-  
tiniij, qui pullatus.

Hæc olim, nec me huius sententiæ penitet. Sim-  
plicius tamen fuerit si dixerimus, diebus festis, ac  
publica lætitia togas non nouas, aut recentes sum-  
ptas

ptas (quæ enim hoc fieri ab omnibus potuit?) sed lotas, & a fullone recentes. Id enim facile fuit etiam tenuioribus togulæ sordes demere, opeque fullonis eandem interpolare, pristinoque candori reddere. Id nunc etiam vulgus usurpat, ut festis diebus interiores lineas recenter lotas induant.

Nec indecorum modò fuit togas sic sæpè lotas diebus festis adhibere, ut etiam inter munera clientibus mitterentur. *Martial. lib. x. xi.*

*Donavi tamen, inquis, amico millia quinque,*

*Et lotam, ut multum, terque quaterque togam.*

Idest candidam, & pænè nouam; & hæc de albatis, & candidatis.

*Pullus Color in luctu. Atrati. An idem a matronis usurpatus. Cap. XXIII.*

**R**Omanos in luctu atratos fuisse, hoc est nigra, siue pulla veste indutos certum est. Veterum testimonijs paginas infercire putidum. *Togæ pullæ* meminit Cicero in *Pisoniana*, *Pullatorum, procerum*, Iuuenalis. Tacitus in funere Germanici *atrata plebem*, inducit. Etiam Artemidorus lib. 11. cap. 111. ait, homini ægrotanti alba vestimenta in somnis visa mortem portendere, quod mortui in albis efferrentur. Nigrum autem palliū salutem significare, quod non mortui, sed qui lugent mortuos, tali vestimento utantur.

De mulieribus ambigitur cum alij scriptores, eas deposita purpura, & auro, in veste lugubri fuisse dicant: *Halicarnassæus*, & cum secutus *Sui-*

das vestem nigram adscribat, & magna pars veterum. Atqui Herodianus, Statius, & Plutarchus albam vestem a feminis in luctu usurpata[m] tradunt, quorum verba iam a Lipsio ad Tacitum allata sunt; Isque ita veteres in concordiam adduci posse credit, si dicatur, nigras vestes luctus proprias fuisse stante Rep: albas sub Imperatoribus: quod ut non reiecerim, (quamquam fusce vestis in luctu matronali meminerit Apuleius) illud nullo pacto admiserim, hanc causam mutationis videri, quod cum veteres matrone in alba, aut nigra veste precipue incederent, postquam crescente luxu Galbanę, Ceruleę, & Colorię inuestę sunt, albam vestem spretam, ut vilem, & luctui tantum reservatam. Hoc falsum est, nam, ut Valerius tradit lib. II. matrone in veteri Rep: & auro abundantī, & multā purpurā usque sunt: contra sub Imperatoribus, aut interdicta purpura matronis, aut certis tantum personis permessa. Corruit igitur tota coniectura. Me eius mutationis causa hactenus latuit,

*Toga mensura. Togę talaris. Quintilianus explicatus. Cap. XXIIII.*

**C**VM toga vestimentum laxum esset, ac fufum, pro opibus tamen cuiusque laxiorem fuisse, aut angustiorem Horatij Interpretes notarunt ad illud.

— *Tibi parvula res est.*

*Arcta decet sanum comitem toga.*

Quare ille opum contemptor Cato cum arcta toga ab eodem inducitur,

*Quid*



*Quid, si quis vultu toruo ferus, & pede nudo,  
Exiguaque toga simulet tesquore Catonem?*

Pro opibus inquam, & arbitrio cuiusque, ne quis Orationum Ciceronis enarratori credat, qui M. Antonium quòd prætextatus decoxisset arctiorem ceteris togam sumere debuisse scribit, quasi id lex iuberet, & non potius necessitas cogeret. Has togas arctas *togulas* scriptores vocarunt, quales patronorum avaritia clientibus donabat, quarum Cicero, & Martialis meminerunt. Iustam autem togæ mensuram sex vlnarum fuisse ijdem Horatij Interpretes observant, ubi poëta Menam libertum carpit, quod toga sex vlnarum sacram viam metiretur. Mihi tamen verisimilius est quòd si sex vlnarum togæ mensura fuisset, non id tamquàm novum aut insolens Horatius notavisset. Nisi id in liberto non ferendum, quod ingenuos deceret. Ut ut ea res se habeat, antiquitus quidem toga ad calceos usque demittebatur, ut Græcorum pallium teste Quintiliano: idque ut fieret Plodium Nigidiumque præcipere, qui circa illa tempora de Oratoris gestu scripserunt. Quo circa Plinium refutat idem Quintilianus, qui scripserit solitum tantùm Ciceronem id facere velandarum vaticum gratia, cum tamen hoc genus amictus in statuis eorum quoque qui post Ciceronem fuerunt, appareret. Id tamen etiam impudentis maledicentia, & exhausti pudoris vir Fufius Calenus apud Dionem semper magnis viris iniquum obiecit Ciceroni, quod nempe demissitibus vestibus ad crurum vitia velanda vteretur. lib. xxxv i. ὃν ἐδεσσεύετο ἵστας ὁ δεινὸς, ὁ σοφὸς ὁ πολὺ πλεόνων τῷ ἡλαίῳ τοῦ οἴνου χρώμους. ὁ καὶ μέχρι τῶν γονυρῶν

ρῶν τὴν ἐσθῆτα σύρων, οὐμὰ δὲ οὐχ ὥσπερ οἱ ὀρχησαί, οἱ  
 τὰς ποικιλίας τῶν ἐνδυμημάτων διδάσκοντες σε τοῖς χη-  
 μασιν, ἀλλ' ἵνα τὰ αἰχῆ σου τῶν σκελῶν συγκρίπῃς.

Interpres. *Qui vestem usque ad talos dependentem trahis. Rectius si togam talarem vertillet, nam. Græci, & præcipuè Plutarchus ἐσθήτα pro toga ponere consueverunt. Ætate ergo Ciceronis, & paulo post Togæ talares fuere; At Quintiliani ævo eodem teste, non ultra medium crus porrectæ; Ait enim ipsam togam rotundam esse debere & apte cæsam, aliter enim multis modis futuram enormē: Aliter -- rideri possit eo quod Rusticius tonso toga defluit. Horat. 1. Serm. Sat. 111. Pars eius prior medijs cruribus aptè terminatur, posterior eadem portione, altius quam cinctura. Mox subiicit. Quæ postrema verba, fateor, me magnopere torserunt. Quomodo enim togæ pars posterior altior quam cinctura esse potuit? Fuit cum existimarem de parte ea loqui Quintilianum, quæ brachio subducta in humerum sinistrum reiciebatur, & sic ipsa cinctura altior esset, siue de illa, quæ excluso dextro brachio ab humero pariter dextro defluebat, & tamen superior cinctura erat; Sed cum Quintilianus dicat, eadem portione, ac priorem, non aliter explicari potest, quam ut medijs cruribus, quemadmodum prior terminetur, & ita quomodo cincturâ altior erit? Fortasse Quintil: ibi pro cincturâ tunicam cinctam intellexit: quod nempè tunicæ Zonæ arbitrio, altius, submissius suspenderentur, & propterea vult togæ partem priorem & posteriorem ita medijs cruribus terminari, ut tamen tunicæ cinctæ imâ ora paulo altiores essent. Iquant coniecturam*

nostram eiusdem Quintiliani verba paulo supra, ubi tunicae laticlaviae longitudinem tradit. *Latum* inquit *habentium clauum modus est, ut sit paulum cinctis submissior*, idest paulo longior tunicis, quae cingebantur. Nam ut ostendam cum illuc ventum fuerit, & aliquid supra terigimus, tunica laticlavi non cingebatur. Si ergo ibi *cinctis* ponit, pro habentibus tunicas cinctas, cur non & hic cincturam, pro tunica cincta intelligamus? Si quis tamen priorem interpretationem malit, non repugnem. Vtramque trepidè, & hesitanter posui, donec alius meliora promat.

*Togam antiquis temporibus commune vestimentum fuisse, tam virorum, quam foeminarum. Recinctum. Festus emendatus. Togametricum gestamen. Plebs infima quandoque togata. Gladiatorum in toga producti.*

Cap. XXV.

**P**rimis Urbis temporibus tam viros, quam mulieres in toga incessisse, totamque Romanam gentem vere togatam fuisse veteres critici adnotarunt. Varro apud Nonium de Vita Pop. Rom. Præterea quod in lecto togas ante habebant; ante enim olim fuit commune vestimentum, & diurnum & nocturnum, & muliebri, & virile. Servius 1. Aeneidos Sexus omnis, et conditio toga utebatur: togas autem etiam foeminas habuisse Cycladum, & Recini usus ostendit. Recinus autem dicitur, quod post iergum reijcitur, quod vulgo *Manorte* dicunt. Recinum, siue

ut Festus *Recinium*, commune mulierum pallium fuisse, ex his *Seruij* verbis collegisse viros doctissimos, miror; Nam non fuisse commune mulierum pallium, docere eos poterat *Nonius*, cuius verba ipsi attulerunt. Is *Ricinium* modo *palliolum breue* appellat, modò *pallium*, quo mulieres in aduersis rebus, et luctibus induebantur. *Ricinium* quod nunc *Mafurtium* dicitur *palliolum femineum breue*; *Varro* τὰ φῆμεν ἰππου. Nihil magis dicere muliebri, quam de muliebri *ricinio palliolum simplex*. Idem de *Vita Pop. Rom.* l. 1. Ex quo mulieres in aduersis rebus, ac luctibus cum omnem vestitum delatorem, ac luxuriosum postea institutum ponunt, *ricinia* sumunt. Nihil igitur opus distinctione, aut correctione, nam si *palliolum*, in *pallium* mutetur perit sententia *Nonij* qui *ricinium palliolum* esse dicit, idque *Varronis* auctoritate confirmat.

Non ergo commune pallium *Ricinium* fuit. Imò ætate Festi quid ea vox significaret, non plane constabat, ait enim *Recinium omne vestimentum quadratum ij qui duodecim interpretati sunt, esse dixerunt*; Alij *virilem togam, qua mulieres utebantur pretextâ clauo purpureo*. In V. C. est *Virtoga*; Vnde *Virilem togam* quidam fecere, malè, nec rectius qui vel togâ reposuerunt; Hoc enim modo idem esset pallium & toga, quadratum, & rotundum. Neque attinet dicere, ideo quadratum, quia apertum: togam autem, quia ut toga reiceretur, alioqui omnia pallia quæ reijci in humerum poterant, togæ etiam dici potuissent.

Sed non constabat quid esset proprie *Recinium*, & propterea alij quadratum vestimentum fuisse  
di-



dixere, alij rotundum: qui duodecim interpretati sunt pallium quadratum explicarunt: contra alij togam muliebrem; Quare legendum *Alij togam qua mulieres utebantur*. Nec displicet Lipsij coniectura qui Ver: legit. idest. *Verrius Flaccus togam esse vult*. In hac opinione fuit Seruius, Recinium fuisse togam, vel togæ simile, nam ex eo, & ex cycladum, quæ rotundæ erant, usu a mulieribus togas olim gestatas contendit. Quòd si Recinium commune pallium fuisset, frustra ex usu palij togæ vsu demonstrasset. Fuerit sane Rica eadem cum palliolo, & capitis integumento, dummodo Reciniũ commune mulierum pallium non fuerit, quod nempe stolæ iniiciebatur;

Sed ut ynde Recinij causa digressi sumus, redeamus (nam de Mauortio, siue Mauorte egregie iidem viri doctissimi disputarunt) Toga antiquis temporibus commune viris, ac mulieribus vestimentum fuit. Hoc etiam Asconius Pædianus testatus est pro Scauro. *Toga inquit communis habitus fuit, et marium, & foeminarum: sed prætexta honestorum, toga viliorum, quod etiam circa foeminas seruabatur*. Verum non satis mirari possum, aut intelligere, quomodo prætexta esset honestiorum, toga viliorum. Nam præter magistratus, & Sacerdotes, puerilemque ætatem nulli ius prætextæ fuisse constat, & reliqui etiam honestiores in togâ putâ incelsere. Asconium quidem ætate Tiberij vixisse certum est, & ideo vsui prætextæ non ignorasse. Forte igitur hoc ex glossemate est, a quo deceptus Nonius qui *Prætexta*, inquit, *insigne Rômanum, quod supra tunicas honorati quique sumunt*.

Hoc quidem in mulieribus verum esse potuisse credo, ut nempe quo tempore toga communis utriusque sexui erat, honestiores matrones in toga prætexta incederent. Festus *Togam, quam mulieres utebantur prætextam clauo aureo*. Sed de viris tota vetustas negat. Postquam togam deposuere matronæ, ea solis viris remansit, sed temporum mutatione etiam fœminis probrosis, quæque quæstum corpore tolerarent. Has enim togatas incesse abunde Manutius ostendit quem non pauci, sed præcipuè summus Iurisconsultus in selectis Antiquitatibus aduocarunt. Acron ad illud *Peccesue togata. Matrona, quæ a maritis ob adulterium repudiabantur, togam accipiebant sublata stola propter ignominiam. Toga autem meretrici apta, ita enim prostare solebant cùm togis puella, ut discerneretur a matronis*. Quamquã in sacrificijs etiam honestas fœminas togis vsas docet Festus in verbo *Armata. Armata dicebatur Virgo sacrificans, cui lacinia toga in humerum erat reiecta*.

Porro vitorum omnis conditio togata. Primores, plebs, etiam populi vilissima pars, quæ in emenda toga sumptum facere posset. Tertullianus de pallio cap. iv. *Vespillo, leno, lanista, tecum vestiuntur*. Et in fine operis. *Verum & Cerdones, & omnis gladiatorum ignominia togata producit*. Quo loco docti immeritò Cerdones proturbant, ignotasque voces Latio inferciunt. Nam licet Cerdones, & reliquis popellus ob inopiam fermè tunicatus incederet, aut penulatus, præcipuè ea tempestate, qua togæ in desuetudinem abierant: nihil tamen præter paupertatem impediēbat, quin extremæ sortis homines dummodo ingenui togam

gestarent præsertim in officijs, aut collegiorum sacris, festisque diebus. Cur igitur, licet raro, ex societate Cerdonum aliquis post ductam dentibus pellē toga non enitesceret? Quod ad gladiatores attinet, falso Lipsius existimat eos togatos depugnasse: ex Suetonio in Claudio. *Induxit unum ex nomenclatoribus suis sicut erat togatum*. Nam hoc tamquam nouū notauit, quod gladiator togatus induceretur. Capitolinus autem in Pertinace inter vestimenta Commodi recenset *togam, armamq; gladiatoria gemmis, auroque composita*. Et Tertullianus hīc *togatos producit gladiatores*. Sed non alij vsui fuisse togam credendum est, quam cum gladiatores in pōpa ante pugnam incedebant, & spectaculum de se prebebant, siue vt Tertullianus loquitur producebantur, & de hoc Suetonius, & Capitolinus capiendi sunt. Quis enim credat togam fusum, ac prolixum vestimentum pugnae adhibitum?

*Imperatores togati. Cap. XXVI.*

**P**Opulus Romanus Quiritium omnis ius togæ habuit, diuque etiam plebs ipsa togata incessit. Immo sublata libertate ipsos Imperatores toga vsos certum est. Nam præter Cæsarem qui in toga confossus est: tradit Suetonius Caligulam, cum die muneris essedario Porio ob prosperam pugnam seruum suum manumittenti studiosius plausum esset, ita se proripuisse e spectaculis, vt calcata lacinia togæ præceps per gradus iret. Martialis quoque Domitianum *Martem togatum* appellat. Et alibi

*Pal.*

*Palmatæque ducem, sed cito redde togæ.*

Spartianus de Adriano . *Ipse cum in Italia esset semper togatus processit .* Capitolinus etiam notat Antoninum Philosophum per Brundisium in Italiam venientem togam sumpsisse, & milites togatos esse iussisse. Sic Pertinacem cum peteretur ad necem toga caput operuisse . Lamprid. in Alexandro. *In urbe semper togatus fuit, & in Italia Urbibus .* Idem. *Vestæ, ut & pingitur alba usus est, nec aurata, penulis, togisq; communibus .*

Non tamen toga pura, & communi semper usus sed aliquando toga purpurea & triumphali inde apparet, quod inter reliquos honores hunc Cæsari a Senatu tributum testatur Dio l. XLIV. Τὰ μὲν γὰρ παλαιὰ φέρεται τε αὐτὸν αἰεὶ, καὶ ἐν αὐτῇ τῇ πόλει τῷ πολλῷ τῷ θπνίκιον ἐνδεδυκότα. *Primum ei datum est ut semper etiam in ipsa Urbe toga triumphali indutus incederet .* Hanc autem fuisse purpuream & pictam suo loco ostendemus. Malè qui, *ut veste triumphali cinctus versaretur*, verterunt. Nihil enim de cinctura apud Dionem extat. Eo tamen honore non semper usum Cæsarem credere par est, quod Dio eodem libro tradit eum ex S. C. *vestem triumphalem omnibus ludis gestasse .* Et lib. LIII. post devictos Astures datam Augusto potestatem Kalendis Ianuarij singulis coronæ, & vestis triumphalis gestandæ. Sane reliqui Imperatores in civili habitu vulgariq; . Quare Tacit. l. XIII. Inter honores, quos fuerat adulatione Senatus Neroni ob pulsos Armenia Parthos decreuerat eum precipue recenset, *supplicationes, et diebus supplicationum vestem principis triumphalem.* Capitolinus etiā in M. Antonino notavit



tauit ipsum, & Verum fratrem Ludos ob triumphum decretos spectasse habitu triumphali. Non igitur is in usu communi.

Lampridius tradit, Alexandrum adeo ciuili ingenio fuisse, vt licet Imperator prætectam, & togā pictam numquam sumeret, nisi cum esset Consul. Quare Commodum perstringit Herodianus libr. 1. quod pro Romanorū Principū cultu leonis pellem indueret, purpureasque, & auro intextas vestes gestaret. Et Trebellius de Galliēno. Cum chlamyde purpurea, gemmatisque fibulis, & aureis Romæ visus est, ubi semper togati Principes videbantur: purpuream tunicam, aureatamque virilem, eandemque manicatam habuit. Tandem Vopiscus de Tacito. Togis, & tunicis iisdem est usus, quibus priuatus.

*Togas in luctu, & calamitate publica depositas. Quæ vestis earum loco sumpta. Cap. XXVII.*

**V**Estes sepè in luctu publico ac calamitate mutatas, togasque depositas Dion Cassius refert est non vno in loco. lib. xxxiix. Cum eadem de nouo euenissent, decreuerunt, vt vestes mutarentur. Mox. Non tamen, aut vestem lugubrem posuerunt, aut ad solemnes cœtus prodierunt. Quæ elicit ista vestis mutatio declarat idem l. xl. Coss. Senatoriam vestem deponentes, & in veste equestri Senatum tanquam in magno luctu conuocantes. Rursus lib. lvi. Sequenti die Senatus habitus, & ad eum, alij quidem in veste equestri conuenerunt, magistratus vero in Senatoria, demptis prætectis. Cic. in Orat. post reditum. Consul, cum vos vestem mutandam censuissetis, cunctique

*mutassetis, unguentis oblitus, cum togâ prætextâ, quam omnes prætores, ædilesque tum abiecerant, irrisit squa-  
lorem vestrum. Ex quæis perspicuum est, quod etiâ notauit Faber in Semestribus, Senatores in luctu latum clauum deposuisse, & in veste equestri, idest angusti clauia incessisse: Magistratus deposita prætexta in lato clauo tantum, equites sine clauo. Nollem tamen vir ille doctissimus adiecisset lib. II. c. x. Equites angusto clauo, & annulis aureis abiectis trabeatos ne, an penulatos, an tunicatos, ac forsitan etiam atratos prodysse in publicum. Nam clauum, & annulos aureos deposuisse certum est, ceterum neque trabeati in luctu, ( in funere Germanici id eius honori datum, vt eadem veste qua transuehebantur vterentur, idest trabea ) & extra luctum etiam penulati, & tunicati, numquam atrati, nam luctus insignia erat ahnulorum, & clauî depositio.*

Sed in plebe, cui nullum purpurei clauî ius fuit, quanam vestis mutatio esset, docti quæsiuerunt. Sanè omnes aliquando ciues vestem mutasse, vel Cicero docere potest in Sextiana. *Quid enim, inquit, quisquam potest ex omni memoria sumere illustrius, quàm pro vno ciue, & bonos omnes priuato consensu, & vniuersum Senatum publico consilio mutasse vestem? Sunt, qui existiment togam pullam pro alba sumptam, vt etiam in priuato luctu. Sed dubitare nõ sinit eiusdem Tullij auctoritas, mutationem vestis factam, positis togis sumendo saga militaria. Phil. XIV. Brutum egressum iam Mutinam cognouissem propter cuius periculum ad saga isse-  
mus. Et alibi. Consulares rogati ( idest sine prætextâ ) esse solent cum ciuitas est in sagis. Ipse etiam Dio*  
lib.

lib. XLVI. *Igitur neutra conditio approbata est, sed bellum potius iterum Antonio indictum, militesque iussi eum deserere, aliaque dies constituta: saga autem omnes Romani etiam ij, qui non proficiscebantur in bellum sumpserunt. Vbi fortasse Dio ad distinctionem lacernarum, quæ in Vrbe gestabantur appellat τὰς χλαμύδας σπατιατικὰς. Nam chlamydes, siue lacernæ etiam extra luctum usurpatæ, immo tunc fortasse in locum togarum inductæ. Libera ergo Rēp. numquam lacernæ sine togis, nisi in calamitate, & periculo, postquam togæ cum libertate excessē, hæc vestis mutatio minime seruata, nec vllus scriptor eius meminit post ea tempora. An vero præter mutationem clauī etiam Senatores saga induerent, non liquet; Videtur id Cicero docere loco laudato. Consulares togatos esse solere cum ciuitas esset in sagis; & Philippica. lxx. Equidem P. C. quamquam hoc honore vsi togati esse solent, quum est in sagis ciuitas, statui tamen a vobis, ceterisque ciuibus in tanta atrocitate temporis, tantaque perturbatione Reip. non differre vestitu. Reliqui ergo non Consulares in sagis fuere, vel saltē sine togis. Sed & Consulares sagati. Nonnius in, sagum M. Tull. ad Casarem Iuniorem lib. i. Pridie Nonas Februarias cum ad te litteras mane dedissem descendi ad forum togatus, cum reliqui Consulares sagati vellent descendere. Togam etiam in deprecatione depositam docet Cicero l. iv. ad Atticum. Serranus pertimuit, & Cornicinus ad suam veterem fabulam redijt, abiectâ togâ se ad soceripedes abiicit: ille noctem sibi postulanit.*

*An toga vestis domestica fuerit.*  
*Cap. XXVIII.*

**T**Ogaros non nisi in publico Romanos fuisse Critici veteres observant. Nonius, *Toga sicut in consuetudine habetur, vestimentum est, quo in foro amicumur.* Et antiquissimo quidem tempore non modo domesticum, ac forense vestimentum toga fuit, sed, & diurnum, & nocturnum. Varro de vita pop. Rom. apud Nonium *Prætereo*, quod in lecto togas ante habebant; id enim olim fuit commune vestimentum, & diurnum, & nocturnum, & muliebri, & virile. Mox alia vestis domestica, alia Forensis. Suetonius Vitellio cap. viii. *Subito a militibus e cubiculo raptus, ita ut erat in veste domestica Imperator est consalutatus.* Idem Augusto cap. lxxiii. *Forensia autem, & calceos nunquam non intra cubiculum habuit ad subitos, repentinosque casus parata;* Vbi Forensia vestimenta sunt quæ in foro, siue foris adhibebantur, ut toga, lacernæ, ac penulæ; Augustus domi veste domestica indutus in cubiculo tamen semper togam, & calceos habuit ad subitos casus, ut si egrediendum esset non nisi cum toga conspiceretur. Idem Caligula cap. xvii. *Posteriore epulo Forensia insuper viris, ac pueris, ac foeminis fascias purpurea, ac conchylii distribuit.* Quæ nam igitur vestis domestica si toga tantum Forensis? Manutius fuisse lacernam suspicatur; loca tamen scriptorum, quibus id confirmat, nihil aliud ostendunt, quàm loco togæ sumptas fuisse lacernas, & sic eas quoque vestimentum Forense fuisse.

Ego



Ego crediderim, domi tantum tunicatos fuisse; ita tamen, ut hyeme pluribus tunicis vterentur quod de Augusto tradit Suetonius; si quis tamen lacernas, etiam domi pellendo frigori adhibitas contendat, non multum repugnauerim: licet quod sciam, nullus veterum hoc tradiderit.

*Toga in conuiujs adhibita. Toga submissa.*

*Cap. XXVIII.*

**L**icet toga vestimentum Forense fuerit, conuiujs tamen adhibitam maxime publicis, ac solemnibus accepimus. Cicero Vatinius reprehendit, quod in epulo Q. Arrij cum toga pulla accubuerit, cum tot hominum millia accumberent, cum ipse epuli dominus albatus esset, idest in toga alba. Sallustius etiam apud Macrobius Metelli luxum in Hispania carpens inter cetera ait, *togam pictam plerumque amiculo fuisse accumbenti*. Postremo apud Spartianum, *Adrianus ad conuiuium venientes senatores stans excepit, semperque, aut pallio tectus discubuit, aut toga submissa*. Togam submissam viri doctissimi, *quæ sub brachium missa esset*, interpretari sunt; Quod cum in conuiuio exerto brachio opus esset, consueuisse discumbentes togam, quæ in publico vtrumque humerum operiebat, ab dextro deicere, & sub dextro item brachio in laeuum humerum congerere: hancque fuisse togam submissam.

Hoc rectè se haberet, si verum esset, in publico vtrumque humerum togâ obuolutum fuisse: quod ut de antiquissimis temporibus non negarim, ita posteriori æuo fuisse in vñ negant statue, ferè om-

nes togatę, quas videre potui negant veteres, nummi, qui dextrum cum humero brachium exertum ostendunt. Negat Quintilianus lib. xi. *Sinus qui sub humero dextro ad sinistrum obliquę ducitur velut balteus, nec strangulet, nec fluat.* Non magis ergo in conuiuijs, quęm in publico, submissa toga fuisset, vtrobiq; enim sub dextrum brachium missa, & in laeuum humerum recurrens.

Quare togam submissam nihil aliud, quam demissam fuisse crediderim. Nam cū, vt diximus antę ita toga gestaretur, vt exerto dextro brachio, sinistro verō togę subiecto lacinia eiusdę subduceretur, & contraheretur in rugas: sinistrū brachium hoc modo togę congestu oneratum nulli vsui in conuiuiio esse poterat; Quare qui togati acumbebant, submittebant togam, hoc est partem sinistro brachio contractam defluere ad pedes patiebantur, tum ipsum brachium quod sinui, ac rugis sustentandis occupabatur per superiorem togę oram, vt & dextrum exerebant, ita vt toga vtrique brachio subiecta, & demissa, & submissa dici posset.

Cū igitur mos esset in conuiuiio togas cernatorijs mutare, notat Spartianus Hadrianum, vel palliatum, vel togatum accubuisse. Et pallium quidem cum esset apertum, vtrumque brachium excludebat: at togę clausa, cum dextrum tantum exereretur, sinistrum contrahendo sinui impeditum esset, vt vtrumque expediri posset, debuit sinistrum extrahi, & sic toga vtrique brachio submitti, quę inde submissa dicta est. Quod verō adiiciunt, palliatos omnes brachium exertos fuisse, palliumque,

que , & togam submissam inuicem respondere , aliàs videbimus : & aliquid diximus cum de Catone Iuridicę tempore Gręcis fauente disputa- uimus.

Ceterum Imperatorię cenę nemini licuisse ac- cumbere , nisi togato , ex Spartiano obseruatum est in Seuero . *Habuit etiam aliud omen Imperij , cum ro- gatus ad cenam Imperatoriam palliatus venisset , qui rogatus venire debuerat togam præsidiariam ipsius Imperatoris accepit . Togam præsidiariam dictam volunt Interpretes , quam Præsident gestaret , quam vocis notationem , vt feramus , nescio tamen cur potius Præsēs , vel Præsident nouo nomine , quam- Caesar aut Imperator dicatur , & sic ab eo toga po- tius Cæsaria , & Imperatoria , quàm præsidiaria .*

*Vestis conuiualis . Canatoria . Synthesis .*

*Cap. XXX.*

**H**Æc quidem in epulis publicis , & Imperato- rijs : domi autem priuatis conuiuijs togas cenatorijs mutabant , quas , & *Syntheses* dixerunt . Harum mentio frequens in antiquis scriptoribus , precipuè apud Martialem , eaque omnibus obuia . Lipsius in Saturnalibus *synthesim* fuisse tantum di- tiorum , & lautiorum existimat , & eum securus commentariorum Martialis consarcinator . Sed quid id probet , non video . Martialem adducit .

*Vndecies una surrexti Zoile cenā ,*

*Et mutata tibi est synthesis vndecies .*

Deinde quod Suetonius tradit , *Neronem ple- rumque synthesinatum prodysse in publicum sine cinctū ,*

& *discalceatum*. Sed ex neutro fuisse tantum lautiorum intelligas. Zoilum quidem diuitem fuisse, & fastosum, quod magnum synthesium numerum haberet, quas subinde ad ostentationem inconuiuio mutaret: non tamen syntheses tantum a diuitibus gestatas: sibi etiam eodem epigrammate, licet nec diuiti, nec lauto fuisse synthesium dicit Martialis, sed vnam tantum, *Quare ego nō sudo qui tecum Zoile sudo?*

*Frigus enim magnum synthesis vna facit.*

Nec quod Nero synthefinatus processerit, ideo vestis pretiosa. Nam, & Imperatores togati, & tunicati, ergo vtraque vestis tantum lautiorum fuit. Idem Nero discinctus, & discalceatus, ille igitur habitus ditiorum modò fuit. Reprehēdit eum Suetonius, quod synthesi idest veste, conuiuali sine calceis, & cinctura visus sit, quod postea, & alij Principes monstrosi imitati sunt. Certè eum circa habitum fuisse pudendum idem subiicit.

Multo minus scholiastæ ratio valet, qui ex alijs Martialis verbis id confirmat.

*Synthefibus dum gaudet eques dominusq; Senatus*

Fuisse ergo gestamen equestris ordinis, & Senatorij. Falsò, Nam poëta ad indicandam saturnalium licentiam ait, non solum vulgus, sed vtrumque ordinem posita toga cum synthefibus, siue cœnatorijs incessisse. Idem lib. xiv. *Synthefis*

*Dum toga per quinas gaudet requiescere luces,*

*Hos poteris cultus sumere iure tuo.*

Non hic Senatum, aut equites alloquitur, sed Romanos omnes, qui saturnalibus synthefinati, siue in Cœnatorijs, quasi eo tempore esset perpetuum conuiuium.

Fuit



Fuit ergo synthesis cōmunis conuiuantium vestis etiam viliorum : cuius vsus etiam in municipijs Idem poëta Hispanus . lib. iv.

*Duxit & astates Synthesis una decem .*

Quod tamen poëtice dictum .

Potuerit quidem esse pretiosiores diuitum , & lautorum, ceterum commune discumbentium vestimentum fuisse apparet .

*Quale vestimentum fuerit Synthesis . Lipsij sententia examinatur . Cap. XXXI.*

**S**Ynthesim ad instar pallij fuisse Lipsius existimat , ex Martiale .

*Ad mensam venio , sed sic diuisa recumbes ,*

*Vt non tangantur pallia nostra tuis .*

Et Ouid. de arte .

*Hac tamen aspiciam : sed quæ benè pallia celant ,*

*Illamibi cæci causa timoris erunt .*

Mox . *Hoc tu non facies : sed ne fecisse puteris ,*

*Conscia de tergo pallia deme tuo .*

Catullus .

*Pertundo tunicamque , palliumque .*

Sed in eo fallitur vir doctissimus quod palliū illud , quo apud Petronium Trimalcio , *adrasum incluse- rat caput*, Synthesium fuisse existimat : nam illud palliolum fuit , quo mulieres , viri etiam languentes , & delicati caput obnubebant , de quo infra . Vestimenta cubitoria appellat Synthesium idem Petronius . *Vestimenta mea cubitoria perdidit , quæ mihi naturali meo donauerat cliens quidam , Tyria sine dubio sed iam semel lota . Vbi frustra idem vir doctissi-*

mus, *Sed haud semel lota*, corrigit, quem satis alij refutarunt. Ultimo loco censet, Synthesim fuisse lanam quod etiam non omnino verum est; Nam licet lœnam aliquando conuiujs adhibitam sciamus, non tamen semper, vt infra ostendam, neque eadem cum Synthesi fuit.

Sed quæ Synthesis forma esset, diuinandum est. Ad instar pallij fuisse, vt diximus, censet Lipsius. Atqui Xiphilinus tunicam fuisse ostendere videtur; Nam narrans illud, quod de Nerone Suetonius tradit, circa cultum, habitumque adeo pudendum fuisse, *Vt plerumque Synthesim indutus ligato circa collum sudario prodierit in publicum sine cinctu, & discalceatus*, Xiphilinus ait, *χιτώνιον τι ἐνδεδυγὼς, ἀνδινὸν, καὶ σινδόνιον ἀπὸ τὸν ἀυχίνα*. Vbi Sythesim tuniculam appellat. Sed fortasse innuit, Neronem aliquando cum Synthesi, hîc sola tunicula indutum processisse in publicum. Synthesim enim a tunica distinctam fuisse certum est, alioqui Romani in conuiujs, & Saturnalibus tantum tunicati fuissent.

Non aliud igitur dicere possumus, quam fuisse ad instar pallij, vt vult Lipsius, vel lintheam sindonem, qua inuoluebantur in conuiuio reliquis, vt plurimum depositis vestimentis; licet Martialis, & Ouidius, *pallia*, appellent communi voce, quæ de omnibus vestimentis accipitur. Sane in antiquis Tricliniorum figuris homines seminudi cubant, solo linteo, quod fortasse Synthesis, semiamicti. Atque ita sindonem, qua *indutus super nudo adolescens* ille erat, qui Christum D. à iudeis captum sequebatur, quaque reiecta nudus aufugit

Syn-

Synthesim fuisse crediderim, vel certè vestem cōi-  
ualem, nam ille recens a Cēna Dominica, in qua dis-  
cubuisse Christum D. certum est, & fortasse vesti-  
menta de more gentis cenatorijs mutasse. Quas  
tamen vestes non fuisse pretiosas (vt volebat satis  
futili coniectura Baronius) ostendit Casaubonus  
exercit. xv i.

*An extra Urbem toga vsus fuerit. Toga etiam in  
militia. Cap. XXXII.*

**N**ON Romæ modò, sed quacumque Roma-  
num patuit Imperium in pace Quirites to-  
gati fuère. Eodem habitu vsi quicumque Roma-  
nis legibus gaudebant. Coloniae item, & municipi-  
pia. Tacitus Histor. lib. 11. *Ornatum ipsius municipi-  
pia, & Coloniae in superbiam trahebant: quòd versi-  
colore sagulo, brachias tegmen barbarum indutus toga-  
tos alloqueretur.* Manutius negat socios Pop. Roma-  
ni toga vsos esse, & tamen honoris causâ mortuos  
togâ elatos. Verum non socios modo, sed Italos  
penè omnes toga vsos illud argumento est, quod  
abijs Romani togas acceperint. Immo Arcades  
sive Argiuos, Lydos quoque togâ vsos Tertul-  
lianus, & Arternidorus docent. Quòd vero socij  
Romani nominis honoris causâ efferrentur in toga  
cum togæ ius non haberent, ex Iuuenale, vt vult  
Manutius, non depredenditur. Verba cuius sunt.

*Pars magna Italiae si verum admittimus in qua  
Nemo togam sumit nisi mortuus.*

Ea quidem tempestate tota ferè Italia Romanis  
legibus vivebat, & ideo togata; Lilius lib. v i. de  
Tuf-

Thusculanis. *Intrantibus fines Romanis non demigratum ex propinquis itineris locis: non cultus agrorum intermissus: patentibus portis Urbis togati obviam frequentes Imperatoribus processere.* Et lib. xxiv. de Pinario Arcis Ennensis Præfecto. *Cum toga signum dederò, tum mihi undique clamore sublato turbam inuadite.* Etiam lib. xxiii. de Perolla Campano cum mirabundus pater quid nam id esset consilij quæreretur, toga reiecta ab humero latus succinctum gladio nudat. Illud tamen eneniebat, ut raro admodum tanquam rure essent, togam induerent, sed sola tunica vterentur. Iuuenalis. *Clari velamen honoris.*

*Sufficiunt tunica summis AEdilibus albæ*

Vbi etiam ipsi magistratus sine toga. Senatus ipse in tunicis. Idem.

— ipsa dierum

*Festorum, herbose colitur si quando theatro  
Maestas:*

*Aequales habitus illic, similemque videbis*

*Orchestra, & populum.*

Martial. de vita municipali

*ô soles ô tunicata quies.*

Cic. in Rullum de Capuanis. *Iam vero qui metus erat tunicatorum illorum?*

Aliquando tamen, sed raro togæ adhibitæ, ut in sacrificijs, & officijs solemnibus. Idem. l. iv.

*Egisti vitam semper Line municipalem,*

*Qua nihil omnino dulcius esse potest:*

*Idibus, & raris togula est excussa Kalendis.*

Vbi raras appellat non quod raro Einus in Urbem ventitaret, sed quod Kalendæ, & Idus, quibus municipes ad sacra togati conueniebant, raræ sunt, se-

mel



mel enim tantum in mense veniunt.

Ideo etiam in toga elati : vt Romæ etiam vilissimi homines. Martial. l. ix.

*Nec pallens toga mortui tribulis.*

Quærit etiam Manutius, an togæ vsus in exercitu fuerit. Et Liuius quidem sæpe togarum militarium mentionem facit. Vt lib. xxix. *stipendium eius anni duplex, & frumentum sex mensium imperatum, sagaque & togæ exercitui.* Et fine eiusdem libri. *Vestimenta exercitui deerant; id mandatum Octauio, vt cum prætore ageret. Mille ducenta togæ breui spatio, & xii. millia tunicarum missa.* Et tamen alibi togas in exercitu visas pro re inusitata ponit. Vel ergo, quod idem existimat, non omnibus militibus togæ, sed tantum honestioribus tributæ sunt. Vel fortasse dum statius in Urbibus, ac municipijs attinentur, toga vsi milites sunt, nequaquam in castris. Vel de antiquissimis temporibus Liuius capiendus est, quibus etiam togæ in acie, & prælio vt diximus, & inde ritus præcingendi, & in procinctu, cinctusq; Gabinus dimanauit.

Milites etiam Prætoriani, quia in Vrbe, remoto terrore chlamydem fortasse togati; Saltem cohors quæ more militiæ excubabat, vt vult Lipsius ex Tacito lib. i. Hist. *Nec vna cohors togata defendit nunc Galbam, sed detinet.* In reliquis nullus togæ vsus pacemque toga, bellum sago notari quis nescit?

*Quando toga in desuetudinem abierit. Ave togatorum. Patroni togati. Cap. XXXIII.*

**E**Xutam simul a Romanis cum libertate togam, indicat Suetonius, qui cap. XL. de Augusto loquens ait. *Etiā habitum vestitumque pristinum reddere statuit: ac visā quondam pro concione pullatorum turba indignabundus clamitans, En, ait*

*Romanos rerum dominos, gentemque togatam*  
*Negotium Aedilibus dedit, ne quem posthac paterentur in foro, circue, nisi positis lacernis togatum consistere. Quæ satis declarant, sub Augusto pæne desuetam togam si officia clientum excipias, & in earum locum lacernas successisse.*

Quo tempore ait Lipsius, quique eum sequuntur, togam penes paucos, & quidem honestiores remansisse. Hoc verum est, si loquantur de communi, & continuo togæ usu; Nam si officia respiciamus, quibus clientes *Ave matutinum* patronis, ac magnis amicis portabant, eosque in forum deducebant, ac reducebant, tunc etiam a vulgo, & vilissimis hominibus toga gestabatur.

Quod togati illud officium peragerent, nimis notum est. Marcial.

*Si matutinos facile est tibi rumpere somnos,*  
*Atritâ veniet sportula sæpè toga.*

*Niveos ad frana Quirites.*

Iuvenal. Et alibi sæpissimè. Vbi Vetus Interpres.

*In candidis togis officium facientes. Et.*

*Togati ante pedes.*

Et alij quos piget referre. Quod etiam tenuiores, atque obscuriores in toga officium illud obirent, ut sportulam lucrarentur, clare idem Iuvenal.

— nunc sportula primo

*Limine parua sedet turba rapienda togata,*

Mox,

*Iubet a pracone vocari*

*Ipsos Troiugenas, nam vexant limen & ipsi.*

Ergo praeter Troiugenas etiam viliores; Hi nempe quos idem indicat.

*Quid facient comites quibus hinc toga, calceus,  
hinc est*

*Et Panis fumusque domi?*

Nec multo post

— caules miseris, atque ignis emendus.

Alia ad hoc confirmandum attulit Kercoetius in Mastigophoro tertio.

Et quoniam magna pars populi Romani in his officiis occupata erat, non in torum togæ usus abolitus est. Mane togati salutatores, iidem anteambulones Regis, deductio, ac reductio togata, ut tota ferè dies usque ad balnearum cœneque horam a togatis transigeretur. Atque hinc tam frequens apud Martialem & reliquos eius æui scriptores togæ mentio. Sed an eodem tempore Oratores, & causarum patroni cum agerent, togati essent, non ita certum est. Quintilianus quidem Oratori suo togam dat, eamque morose usque ad rugas disponit. *Togati etiam Augustorum, et Togati Praefectorum* in antiquis Inscriptionibus, quos aduocatos qui apud Augustum, vel apud Praefectos causas agebant, rectè docti intellexerunt. Huc spectat etiam Taciti locus si tamen sanus est lib. xi. ubi aduocati legem Cinciam deprecantur. *Se modicos Senatores, qui a Rep. nulla nisi pacis emolumenta peterent: cogitare*

*re plebem, quâ togâ enitesceret.* Sic postrema verba corrigit Lipsius, & interpretatur, etiam quemuis e plebe occupatum, ut emergeret se, & nitidiore toga enitesceret. Sed correctionum nimis Lipsius est. In veteri legitur *cogitaret*, quod rectum est. Ipse nempe Claudius, apud quem pro se orant patroni, respiceret plebem, siue plebeios patronos, quibus nullum nisi ex mercede causarum emolumentum. Nam etsi Senatores, ac procures ob causam orandam pecuniam donumue non acciperent Claudius cogitaret plebem quæ non nisi toga, idest mercede orandi in nomen, ac famam venire poterat. Hoc est *enitescere*, non autem candidiore toga uti. Qui locus indicat, togam aduocatorum propriam fuisse. Liuius lib. xxi. de C. Terentio Varro. *Vnus inuentus est suator legis C. Terentius Varro, loco non humili solum, sed etiam sordido ortus, patrem lanium fuisse ferunt, ipsum institutorem mercis, filioque hoc ipso in seruili artis eius ministerio usum. Is inuenis, ut ex eo genere quasi pecunia a patre relicta animum ad spem liberalioris fortune iecit, togaque, & forum placere, proclamando pro sordidis hominibus, causisque aduersus rem, & famam bonorum, primum in notitiam populi, deinde ad honorem peruenit. Quo loco auum suum respexisse Liuius videtur, quo toga ferme apud patronos in foro, nam tempore Varronis omnes ciues vulgo togati, etiam plebeij, ac sordidi. Fortasse & Seneca lib. ii. de Ira in hoc sensu capiendus est. Nam cum dixisset. *Hæc tot millia ad forum prima luce properantia quam turpes lites quanto turpiores aduocatos habent?* Subijcit paulo post. *Inter istos quos togatos vides nulla pax est:**



*alter in alterius exitium leui compendio ducitur. Id etiam indicare Iuuenalis videtur Sat. IIX.*

— *tamen ima plebe Quiritem*

*Facundum inuenies, solet hic defendere causas*

*Nobilis indocti, veniet de plebe togata,*

*Qui iuris nodos, & legum anigmata soluat.*

Et tamen idem Iuuenalis alibi videtur causidico togam adimere, lacernas dare. Sat. VII.

— *purpura vendit*

*Causidicum, vendunt amethystina*

Hoc est, lacernæ purpureæ, & amethystinæ: nam toga nulla oratoribus purpurea, sed communis: nisi de lato clauo intelligamus, quod fieri non potest, quia non omnes patroni laticlauij, deinde nullus amethystini vsus in clauo, vt dicemus. Non nisi ergo de lacernis, aut lanis intelligere possumus, quæ togæ iniiciebantur. Atqui auctor de causis corruptæ eloquentiæ, qui eorum temporum æqualis fuit, indignatur, togas ab Oratoribus depositas, & earum loco pænulas sumptas. *Paruum, inquit, & ridiculum fortasse videtur, quod dicturus sum: dicam tamen, vel ideo vt rideatur. Quantum humilitatis putamus eloquentiæ attulisse pænulas istas, quibus astricti, & veluti inclusi cum iudicibus fabulamur?* Hæc verba vellem respexissent, qui eum dialogum Quintiliano adscribunt, qui cum Oratoris habitum describit, solam togam agnoscit, non dissimulaturus illud incommodum, si suo tempore Oratoriæ maiestati offecisset.

*Togas Imperatorum auro non in totum depositas.*

*Cap. XXXIV.*

**V**eterem habitum reducere tentavit Augustus ut vidimus ex Suetonio. Tentasse etiam Domitianum quidam ex illo Martialis colligunt.

*Romanos rerum dominos, gentemque togatam  
Ille facit, magno qui dedit astra patri.*

Quod tam Domitianus, quam Augustus parentem suum Cœlo adscripserit. Sed non nisi tentasse apparet. Sicut, & Adrianum, qui Senatores, & Equites Romanos semper in publico togatos esse iussit, nisi si a cœna reuerterentur; nec secus Antoninum, qui etiam milites togatos esse voluit. Tentarunt inquam, nam id haud quaquàm obseruatũ. Apud Gellium Titus Castricius discipulos quosdã suos Senatores obiurgat, quòd die feriato lacernis, & tunicis, & Gallicis induti fuissent abiectã togã; Adicit eiusmodi vestitum de multo iam usu esse ignoscibilem.

Non omnino tamen sub Imperatoribus, & ab omnibus depositam togam præter clientum officiũ docet Seneca ep. xlix. *Si te hic haberem libenter conferrem, quid existimares esse faciendum: utrum, nihil ex quotidiana consuetudine mouendum: an, ne dissidere videremur cum publicis moribus, et hilarius cenandum, & exuendum togam.* Igitur extra Saturnalia toga in aliquo usu erat, quam Seneca quærit an exui oporteat Saturnalibus. Idem ep. cxv. *Mirari quidem non debes corrupta excipi non tantum a corona sordidiore, sed ab hac turba quoque cultiore. Togis*

*gis enim inter se isti, non iudicijs dissident. Iuena-*  
*lis item.*

*Veniet de plebe togata,*

*Qui iuris nodos, qui legum anigmata soluat.*

Vbi plebs togata non est minuta, & sordidior,  
 vt volunt Interpretes, sed quæ Iudicijs, eloquen-  
 tiæ & causis agendis operam dabat, & propterea in  
 togâ. Martialis etiam.

*Cum coleret puros pauper Telestinus amicos*

*Errabat gelidâ sordidus in togulâ.*

Quæ omnia ostendunt, præter officium salutatio-  
 nis etiam penes aliquos togam remansisse.

In Ludis etiam togam persenerasse docet Lam-  
 pridius in Commodò. *Et contra consuetudinem pe-*  
*nulatos iussit spectatores, non togatos ad munus conue-*  
*nire, quod funeribus solebat. Quamquam alij ex*  
*Dione non spectatores, sed senatores legant. Et Mar-*  
*tial. lib. xiii.*

*Delicium paruo donabis Dercada nato:*

*Iactatis solet hanc mittere turba togis.*

Cuius distichi sententiam hanc esse suspicatur  
 Turnebus, Dercadam in arenam mitti dato a Qui-  
 ritibus signo vestis iactatæ sinu. Sed mera suspicio  
 videtur, ad quid enim Dercas dato signo iactatis to-  
 gis in arenam missa est? Ovidius de alia re loqui-  
 tur 117. Amorum eleg. 11.

*Fauimus ignauo, sed eum reuocate Quirites,*

*Et date iactatis undique signa togis.*

In circo enim iactatis togis ignaui agitadores re-  
 uocabantur: vt contra sententiam Casauboni, &  
 Bulengeri rectè statuit Franc. Bernardinus Ferra-  
 rius V. C. in libro de veterum Acclamationibus.

- Alij Martialem sic accipiunt, quod Dorcadem in arenam missam turba agitare, & venari soleret iactatis togis. Sed quis credat togam venationi adhibitam, aut quis hic modus venandi iactatis togis? Mihi simplicior sensus videtur, Dorcadem, siue damam animal timidum in arenam missū nullo canum terrore, sed sola togarum iactatione agitatū a spectatoribus: Vel quod magis arridet ludicri causa Dorcadem subiecta toga, & iactata in sublime missam, vt ineptorum libris factū scimus.

*Ibis ab excusso missus in astra sago.*

Sed hæc, & nos suspicamur, & meliora ab ijs expectamus, qui præ se ceteros fœnum putant. Vt ad togam redeamus, quam sublata libertate sensim desijisse in vsu esse diximus, licet ab aliquibus retentam: mihi semper illud maximè mirum visum est, sub Seuero Imperatore, cuius ætate floruit Tertullianus, quomodo adeò in vsu promiscuo toga præcipuè Carthagini fuerit, vt reprehensus propterea fuerit a Carthaginensibus vir ille magnus, quod a toga, ad palliū transijisset, vt scripta Apologia consilium tueri suum debuerit. Si enim tunc Carthagini quemadmodum Romę in non frequenti vsu toga erat cur ita ciuium oculos offendit Tertullianus deposita toga palliatus? Nec credibile est, cum Romę sublatus vsus eius esset, in colonia retentum, cum florente Rep. & promiscuo in Vrbe togarum vsu, rarus admodum in Colonijs, ac municipijs esset. Videant docti.



*Tunicatus populus . Pullatus circulus .*

*Cap. XXXV.*

**P**OST quam togæ in desuetudinem abierunt in earum locum lacernæ, ac pænulæ successerunt: de quibus infra dicemus; Itaut lacerna, quæ vestimentum militare erat, in habitum pacis transierit, & pænula, quæ viatorium, promiscuè gestari ceperit. Quamquam autem varij coloris fuisse lacernas ostendemus, ut plurimum tamen nigræ vulgò; siue pullæ gestabantur. Suetonius loco laudato de Augusto. *Visa quondam pullatorum turba, dedit negotium Aedilibus, ne quem paterentur in foro, aut circo nisi positis lacernis togatum consistere.* Pullatos appellat, qui cum lacernis erant.

Sed viliores ferme hunc in lacernis colorem amabant. Hinc *pullatum circulum* Quintilianus de populi minuti concione; quod de pænulis docti interpretari maluerunt, cum tamen pullatos lacernatos dicat Suetonius: & frequentior per ea tempora lacernarum usus, quam pænularum: etsi non ignorem, hoc vestimentum confundi. Ut ut sit, idem populus minutus, & pullatus, & tunicatus dicitur; si autem pullatus a lacernis, vel pænulis dicebatur, quomodo idem tunicatus; nisi eandem rem lacernam, & pænulam cum tunica facere velimus, quod video doctis viris in mentem venisse. Sed hoc minime ferendum est, & opinio de pænula, quod eadem cum tunicâ, auctori suo displicuit.

Rectius ergo dixerunt, tunicatum dici de vilissima plebis parte, quæ nempe sola tunica incede-

bat sine vlla lacerna, vel pænula, vt apud nos etiam vilissimi sine pallio incedunt. Quod vt verum est, ita illud negari non potest, hunc populum tunicatum non potuisse dici pullatum, vt passim à scriptoribus appellatur; Nam tunicas fuisse albas non est dubitandum; Ergo albatus fuerit popellus in tunicis, non pullatus. Et tamen maiorem populi partem sellularios opifices, vilissimæque mercis institutores tunicatos incesisse credibile est.

Huic difficultati soluendæ duo sunt, quæ nunc succurant. Alterum est, tunicas vilissimorum hominum licet albæ initio fuerint, tamen longo vsu tantum sordium contraxisse, vt pullæ viderentur, & hinc pullatam turbam dictam. Sanè vtrumque coniunxit Plinius lib. viii. epist. *Nonne cum surgis ad agendum, tum maxime tibi ipsi diffidis, tum commutata non dico plurima, sed omnia cupis, utique, si latior scena, & corona diffusior. Nam illos quoque sordidos, pullatosque reueremur.* Alterum est, quod quemadmodum in locum togarum, quæ albæ, alterius coloris vestes, & maximè pullæ successerunt, ita, & fieri potuisse, vt plebs minuta pro tunicis albis, alium colorem usurpare ceperit pullum, nempe ad instar lacernarum, vel pænularum, & ideo pullatam turbam dictam esse,

*Christi Sacerdotum vestem exteriorem Missarum Sacris adhibitam togam fuisse videri. Pænula: Planeta: Casula. Cap. XXXVI.*

**E**Xplicatis, quæ ad togam communem pertinebant, non abs re fuerit inquirere, num aliquid in nostro cultu sit, quod Romanam togam referat.

Et

Et diligenter scrutantibus nulla togæ species in communi vestitu apparet. Nam quas Doctorum togas dicimus, item quæ Venetici ciues induuntur; non togæ sunt, sed talares tunicæ apertæ, & manicatæ quorum nihil in Romanâ togâ fuit. Aliquod modò in sacro amictu togæ vestigium apparet. Vestis nempe superior sacris operantium, quam rudi vocabulo *Planetam*, & *Casulam* appellant, vel toga fuit, vel togæ simillima, eâ nempe forma, quâ olim in usu erat, nam atate nostra non parum immutata est. Vetus quippe *Planeta* totum hominem cooperiebat, atque inuoluebat, ita vt etiam vtrumque brachium cum corpore obuclaret, vt expedi-ri aliter manus non possent, nisi contractâ hinc inde subiectis brachijs, & subductâ ab inferiori parte in rugas, ac plicas planetâ. Quales nunc in antiquis picturis cernuntur, qualesque sunt adhuc Græcorum sacris operantium vestes exteriores, & nos Venetijs vidimus. Paulatim inde a lateribus scindi cepit, credo quia nimis onerosa res esset, donec ad hanc formam ventum est, quâ vtrinque aperta facile brachia excluduntur.

Hanc tamen Baronius non togam, sed pænulam fuisse contendit, ad annum LVIII. vbi loquitur de pænula D. Pauli, quam reliquerat Troade apud Carpum. Et primò quidem inclinât animum, vt credat, Pænulam D. Pauli fuisse non vestimentum quale antiquitus itineris, ac præcipuè pluviæ causa sumebatur, sed potius cum antiquis, vel fuisse thecam, & loculos, quæ libri concinerentur, vel potius volumen, quòd Græcè *παλονίω* habeatur. Rationes quibus id firmare contendit, licet liberum

iudicium relinquat, exigui momenti sunt. Si enim, inquit, vestis itineri apta fuisset, non eam suscepto itinere Paulus reliquisset; Deinde potuit sibi aliam, Romæ comparare. Quæ facillè refutaueris: nam, & aliam tunc pænulam habere potuit Paulus, & su-  
do tempore, ac minime hyberno iter habere, vt nihil opus pænula esset: & si aliam Romæ potuit comparare, potuit etiam quam Troade reliquerat curare cum libris a Timotheo ad se perferendam. Nec obstat, quod *φαιλουλὸν* in Græco sit, nā *φαιλόνης*, & *φαινόλης* pro pænula a Græcis vsurpatur, vt docti pridem obseruarunt.

Verum ista parum ad rem nostram faciunt. Quod addit Baronius, pænulam dici vestem sacram a Græcis; eandemque a latinis, *Planetam* frue *Casulam*, appellatam; id curatiùs expendendum est. Pænulam quidem fuisse inter sacras vestes, non negauerim, sed eandem fuisse, ac planetam; hoc est quod fateri non possum. Planeta sic dicta est, vt ipse fatetur Baronius a *πλάνης*, quod circum errans totum ambiat corpus, quales esse antiquiores ait idem, quæ in Ecclesijs asseruantur, quæ nempe rotundæ, ac per totum clausæ vno circumiectu totum corpus inuoluebant, & vt diximus etiã vtrumque brachium ita, vt nisi a lateribus vtroque pariter brachio subleuari possent. Quare alij planetas dictas existimarunt, quod eius extrema ora hinc inde in brachia, scapulasque reiecta errabunda deflueret. Et ideo plures eandem vestem *Casulam*, dixere elegantia, quæ eorum temporum propria fuit. Isidor. lib. xix. cap. xxviii. *Casula est cuculla, a casa, quod totum hominem tegat, quasi minor*



*casa; Vnde, & Cuculla (hoc ridiculum est) quasi minor cella. Adijcit Isidorus Græcè Planetas dictas quia horis errantibus euagantur, ut, & stelle Planetae, quæ vagæ suo errore, motuque discurrunt. Sed corruptus hic locus est, & pro horis legendum est oris, idest Limbo, & extrema parte, ut scilicet secundum etymon πλανῆς Planeta Græcè dicatur, quia eius oræ errarent, & vagarentur, modo nempe subductæ brachijs, modo defluentes, & nunquam stabiles. Sic, & sacri glossographi Planetam vestem laxam interpretantur circa humeros, quæ errantibus oris euagatur. Gemma Animæ c. ccvii. Casulam scribit omnibus alijs vestibus circumcijci, quæ Planeta dicatur quod errabundus Limbus eius utrimque in brachia subleuetur. Hæc in pectore, & inter humeros duplicatur, in utroque brachio triplicatur.*

Ex his apparet Planetam, siue Casulam, quæ olim in usu, vestem fuisse laxam, rotundam, circumclusam, quæ totum corpus inuolvebat, & utrimq; a lateribus in scapulas reijciebatur. Quæ omnia ostendunt togam fuisse, non pænulam; Nam pænula, ut, & lacernæ, chlamydes saga, & reliqua pallia aperta erant, & fibula, vel in humeris, vel in ceruice neceiebantur; Casula tota clausa, ut, & toga. Pallia aperta fuisse satis alijs probatū. Pænulam autem etiam pallium fuisse docet Persij Verus Intepres. *Lacerna pallium fimbriatum, quo olim soli milites utebantur. Pænula pallium cum fimbrijs longis.* Præterea Planeta vestis laxior, & rotunda; Pænula angusta, & corpori adpressa. Auctor de causis corruptæ eloquentiæ, *Quantum hu-*  
mili-

*militatis putamus eloquentia attulisse pænulas istas, quibus adstricti, ac velut inclusi cum Iudicibus fabulamur? Et licet inclusi sub pænula essent, non ita tamen, ut brachia exeri non possent, ut in Casula.*

*Modum gestandi Casulam diuersum a toga gestatu fuisse. Lineus amictus.*

*Cap. XXXVII.*

**T**Ogam, & vestem fusiolem fuisse, & circumclusam totumque corpus inuoluisse docuimus, idemque antiquorum Planetam præstitisse, ut togam, non pænulam fuisse dicendum sit. Vnum tamen discrimen erat, quod in togâ dextrum brachiū, quâ parte patebat ad pectus exerebatur, sinistrum sub ipsa toga eiusdem reductione extollebatur; Atqui in Planeta vtrumque brachium subiectum, ex inferiori parte ipsam contrahendo expediebatur. Quod factum opinor quia modestior, & magis verecundus hic habitus fuit, quòdque ut in antiquis picturis apparet, non omnino exercitâ nudâque manu, sed veste obuelata res sacræ tangebantur.

Et quoniam non aliter expediri brachia poterant, quam subductâ planetæ orâ, & in humeros reiecta, hinc factum est, ut inter Missarum solennia, cum Sacro sancta Mysteria elenanda, & populo ostendenda erant, quòd planeta sic contracta vtrumque brachium deprimeret, ac pragrauaret, ut difficulter attolli posset, Arc minister posteriorem eius laciniam sublatam sustentaret, quò  
fa

facilius brachia sacerdos extenderet : quod nunc quoque seruetur , licet scissâ iam veste , & exclusis brachijs non ita vt olim , opus sit .

Præter Planetam aliud Romanæ togæ vestigium Patauij vbi hæc commentabar , obseruavi , Lineum nempe amictum superiorem sacerdotum , & Aræ ministrorum , quem Cottam vulgo appellant , de quo infra .

Hæc inquam linea vestis Patauij (nam alibi manicata in vsu est) rotunda est , & clausa , totumque corpus inuoluens , atque vtroque brachio hinc inde subducta in humeros reijcitur , vt in veteri Planetâ factum diximus .

*Planetam , & Casulam etiam extra sacra in communi vestitu fuisse . Cap. XXXIIX.*

**H**Aud inscius sum , non defuturos qui huic opinioni genuinum frangant , grandeque facinus , & morte piandum dicant , quod vestem sacrificalem eandem cum toga communi , ac profana fecerim . Fateor labente æuo quædam in ornatu , cultuque sacrorum immutata esse , quædam etiam ad ludæorum ritus exacta ; Primis tamen Ecclesiæ temporibus in communi veste Liturgiam perfectam ausim affirmare ; Tunc enim etiam Sacerdotes , & clerici in communi habitu incedere minus inuidiosum putarunt . Veteres quidem Christianos veste cum ethnicis indiscreta vsos , satis ostendit Baronius Tomo II , Annalium . Soli Ascetæ , quique vitam austeriorem profitebantur , pallium gestabant vestem Græcanicam , & Philosophorū propriam ,

priam, unde tot conuicijs proscissi sunt. Quod si sacrorum vestes respiciamus, quæ in veteri Sacerdotio fuerunt non multum eas a vulgari habitu discrepare videbimus. Vulgo enim tunc homines in Orbe Romano tunicis saltem duabus induti interiore linea, siue *subucula*, & exteriori ex lana aliaue materia, quæ propiè *tunica* dicta, olim quidem sine manicis, quæ *Colobium*, post manicata, quæ *Dalmatica*. Tunica quidam togam iniiciebant, quidam lacernam, aut pænulam. Hæc omnia in sacrficali vestitu fuere. Tunica enim linea talaris, quam *albam* & *Camisum*, siue *Camisam* dixere: Zona cingendæ tunica: mox *Dalmatica*, quæ postea penes solos Episcopos remansit; Tandem *Planeta* quam togam, siue togæ simillimam diximus, quam ideo existimo in sacris lacernæ prælatam, quod toga honestiorum esset, & Romæ etiam cum inde-suetudinem abiisset in sacris Deorum retenta. Reliqua posterioris æui additamenta fuere. De stola B. Iuo Carnotensis de rebus Ecclesiasticis. *Vtuntur & stola*, quæ alio nomine *orarium* vocatur: quæ *vetus sacerdotium non utebatur*. Albinus de diuinis officijs. *Sunt tamen alia quæ apud illos (Iudæos) non habebantur, ut stola, sandalia, & sudarium, quod ad tergendum sudorem in manu gestari mos est, quod vsitato nomine Fanonem vocamus*. Idem. *Mappula* (nos manipulū dicimus) quæ in sinistra parte gestatur, quæ *pituitam oculorum, & narium detergitur*. Eandem mappulam *sudarium* vocat Fortunatus Amalaris.

Scio veteres ad vestitum Pontificum Hebræorū pleraque exegisse, sed præter tunicam lineam, & quem



quem vocant *amiclum*, quem ad instar superhumeralis esse voluerunt, nihil admodum simile reperiemus. Vbi enim apud nostros *tunica hyacinthina*, *rationale*, *cydaris*, *baltheum*, *lamina in fronte*, *foeminalia linea*, *sive bracca*? Hæ postremæ adeo Romanis incognitæ, vt inter barbara tegmina recenserentur, quemadmodum infra ostendam.

Sed in decorum videtur, ac minime ferendum, togam vestem prophanam sacris castissimis adscribere. Velim mihi dicant, quod genus vestimenti Pænulam fuisse credant. Vulgare, ac viatorium. Atqui eius vsus inter sacras vestes a Baronio & ab alijs recipitur, & *vestis sacerdotalis* appellatur; Cur pænulam admittunt, togam excludunt, quæ honestior, & omnium nobilissima vestis fuit.

Tantum autem abest ideo non adhibitam sacris togam, quia prophana erat, vt etiam Planeta, sive Casula sacrorum propria, in promiscuo tamen vsu fuerit. Io: Diaconus in vita S. Gregorij ait, *Patris eius indumentum fuit Planeta castanei coloris, & sub Planeta Dalmatica*. Nec mihi recte facere videntur, qui hinc solum arguunt, patrem S. Gregorij fuisse in Clero, quod Planetam, & Dalmaticam gestaret. Nam vt de Dalmatica nihil dicamus, quæ tunica fuit, & quidem antiquitus probrosa: si ideo Gregorij Pater in Clero fuisse creditur, quod Planetam gestabat, illud sequitur etiam extra sacra eam in vsu fuisse. De Casula Bonifatius ep. III. cuius locum attulit Cerda in Aduersarijs. *Litteras, & parua munuscula transmitto vobis, idest Casulam non holosericam, sed caprina lanugine mistam, & villosam ad tergendos pedes dilectionis vestre*. Quam  
non

non modo promiscuus sed vilis Casulæ vsus? hanc tamen a sacrificiali distinctam fuisse apparet. Iuo Carnotensis etiam de rebus Ecclesiasticis. *His omnibus indumentis superponitur Casula, quæ alio nomine planeta vocatur, quæ quia communis est vestis, charitatem significat.* Concilium Ratisbonense Anno DCCXLII. *Presbyteri, vel Diaconi non sagis laicorum more, sed casulis utantur ritu seruorum Dei.* Sed totam nostram coniecturam grauissimo testimonio corroboremus licet Vualafidi Strabonis, qui ante octingentos ferè annos doctrina, ac sanctitate floruit. Eius verba sunt cap. XXIV. de rebus Ecclesiasticis. *Vestēs etiam sacerdotales per incrementa ad eum, qui nunc habetur auctæ sunt ornatum. Nam primis temporibus communi indumento vestiti missas agebant, sicut, & hætenus quidam Orientalium facere perhibentur.* Stephanus autem XXIV. constituit sacerdotes & leuitas vestibus sacratis in vsu quotidiano non uti, nisi in ecclesia tantum. Mox. *Addiderunt in vestibus sacris alij alia, vel ad imitationem earum, quibus veteres utebantur sacerdotes, vel ad mysticæ significationis expressionem.* Amalarius Fortunatus lib. II. ep. XVII. *Stephanus natione Romanus ex patre Iobio constituit sacerdotibus, leuitisque vestibus sacratis in vsu quotidiano non uti.*

*Dalmatica. Laccernum byrrhum. Cardinalium Vestitus. Baronij opinio reiecta. Cap. XXXIX.*

**N**on Planeta modo, & Penula olim sacri, ac prophani vsus fuit, sed & Dalmatica. Eam in sacris adhibitam constat, eiusdem etiam extra  
sa-

sacra vsus primo quidem promiscuus, deinde in Diaconis, mox in Presbyteris, tandem in solis Episcopis. Vvalafridus Strabo. cap. laudato. *Et Siluester ordinauit, vt Diaconi Dalmaticis in Ecclesia vterentur. Et primò quidem Sacerdotes Dalmaticis ante Casularum vsum induebantur: postea vero cum Casulis vticepissent, Dalmaticas Diaconibus concesserunt.* Addit a Romano Pontifice earum vsum alijs Episcopis permissum, alijs interdictum: sua vero ætate omnes penè Episcopos, & nonnullos Presbyterorum sub Casulis Dalmaticas gestasse.

Ergo ante Stephani, & Siluestri tempora Dalmaticæ in promiscuo vsu fuere. In actis S. Cypriani. *Idem S. Cyprianus in agrum Sexti perductus, & ibi se lacerno byrrho expoliauit, & genua in terram flexit, et cum se Dalmatica exspoliasset in linea remansit.* In quo falluntur, qui putarunt fuisse hunc habitum peculiarem Episcoporum: cum vulgaris esset. Nam byrrhus, siue lacerna communis fuit, Dalmatica item, & tunica linea, siue subucula. Nihil igitur peculiare habuit, nisi si forte lacernam magis pretiosam. Multo magis nugantur, qui hebetis esse ingenij dicunt, existimare lineam ibi esse tunicam interiorem, siue Camisiam, nam esse lineum amictum Episcoporum, quem alij Ephod appellant. Ipsi multo hebetiores sunt, nam linea illa verè fuit subucula, in qua exspoliatus superioribus vestibus, lacerna nempe, & Dalmatica Cyprianus carnificem operiebatur: Argumenta quæ contra afferuntur, stipulis leuiores sunt. Quis enim nescit, lineum amictum siue ephod non sub lacerna, & Dalmatica poni, sed tunice, & reliquis vestimentis superinduci?

Ne-

Neque me multum auctoritas Baronij mouet, qui illud *lacernum byrrhum* explicat byrrhum per modum lacernæ compositum, vt fuerit species quædam lacernæ. Sed byrrhum idem, ac lacernam fuisse Cl. Salmasius docuit. In eo, inquam, non me mouet Baronius, quod Cardinalium vestes ad Cypriani cultum exigit. Haud vidi magis. Cyprianus indutus lineâ, mox Dalmatica, supra lacernâ. *Illi inquit post vestem superinduunt lineam, & desuper solutam tunicam, & tantum humeros brachiaq; tegens lacernum byrrhum.* Nihil tale in Cypriano. Lineam habuit, Dalmaticam, & lacernam. At patres purpurati hodiè lineam quidem habent, sed duplicem, interiorem quæ subucula, deinde thoracem, mox tunicam talarem, tum alteram lineam, siue Ephod: postremo loco non tunicam solutam, vt tenet Baronius, sed vel togam, vel togæ per similem vestem, nam fusa est, & firmate prodiga, totumque hominem in voluit. & licet ad pectus aperta, brachio tamen sinistro, vt veterum toga subducitur, ac contrahitur, & ideo *Cappa* appellatur, vel quod hominem capiat, vela capite, cum in luctu ea caput inuoluant, vt in veteri toga; Quod autem humeris super iniicitur *Exomidis*, species est, siue cuculli, qualis simplicior in Monachorum habitu visitur: Ea autem trunca vestis, vulgo dicitur.

Sed quid panulam in sacris fuisse dicemus, cuius mentio in actis Concilij ephesini, si ea non fuit Planeta? *Misimus tunicam candidam, & panulam castaneam;* Vbi in Græco vt notat Baronius est *καυόλιον*. Ea etiam vestis sacra fuit, quæ licet aperta, & fibula nexa, tamen totum hominem cooperiebat.



bat. Hæc vulgi voce *Pluuiale* dicitur, forte quia  
 vt Pænula olim pluuiæ tempore sumebatur, eiusque  
 vsus in supplicationibus, & vespertinis precibus.  
 Eaque omnino a Casulâ, siue Planetâ distincta, vt  
 propterea non rectè quidam *φαινόλιον* Casulam in-  
 terpretati sint, cum Pænulam debuissent. Quam-  
 quam ex eo quod totum hominem inuoluat, licet  
 aperta, etiam Casula impropriè dici possit. Sed de  
 veste sacrificiali, totiusque aræ ornatu alias accura-  
 tius cum Deo disputabimus.

*Finis Libri Primi.*

OCTAVII  
 FERRARI  
 DE RE VESTIARIA  
 LIBER SECVNDVS

*De Prætexta . Cap. I.*



TOGAM pretextam Etruscæ , vt Plinius censet originis , ita appellatam satis constat , quod in extremâ orâ limboque purpuram prætextam siue circumtextam haberet. Greci *πεπλόρου* dixêre . Eam puerilis ætatis , sacerdotum , magistratuum , eorum item qui magistri Collegiorum , ac vicorum essent , peculiarem fuisse , viri doctissimi ostenderunt , quos non transcribo . Eandem tam a pueris , quam a puellis gestatam , & ab his quidem die nuptiarum depositam , a pueris die Tirocinij , quo scilicet deducti in forum transcribebantur in viros , & pro prætextâ , togam puram , idest , sine vlla purpura sumebant . Ad decimi quinti anni initio fiebat . Nam quòd alij

de-

decimo sexto aut seriùs factum scribunt, falli eos, ostendit Interpretet vetus Iuuenalis nondum editus Bibiliothecæ Ambrosianæ, cuius verba sunt. *Prætexta genus erat togæ, quæ utebantur pueri adhuc sub disciplina usque ad XV. annum: deinde togam virilem accipiebant, unde in Vita Sancti Germani legitur Cessit prætexta togæ.* Scio Augustum, Ciceronis item filium, & alios seriùs id egisse, sed ut rectè monet Manutius, hoc magis ab alia causa, quam a lege, aut more.

Ab hac togâ *prætextata ætas* pro puerili, ita *prætextati*, ac *prætextatæ*, pro pueris, ac puellis. Sed falsò hinc quidam *prætextata verba* deduxêre, quæ erant obscæna, atque impudica, quæ procul ab *prætextata ætate* esse par erat: nec rectiùs Turnebus a *prætextatis* Comædijs, quæ lascivæ, ac liberæ; nam veteres Grammatici *prætextas* Tragedias, vel ad instar Tragediarum dixerunt, quas haud verisimile est turpiloquio obsitas fuisse. Illud ergo rectius, quod cum nupturæ puellæ *prætextam* deponerent, ad demulcendum pudorem nuptiali licentia Fescennina cantarentur. Festus *Prætextata verba*, quòd nubentibus depositis *prætextis* a multitudine puerorum obscæna clamarentur.

### De Prætexta Sacerdotum. Cap. II.

ETiam *prætextas* purpurâ togas sacris adhibitas indicat Plinius, cum ait, *Purpuram Dijs placandis aduocari.* Germanicus apud Tacitum, *Vidit se operatum, & sanguine sacro respersâ prætextâ pulchriorem aliam manibus auia Augusta accepisse.* Vbi

tamen Germanicus prætextatus non tantum quia  
 augur, sed ut exercitus Imperator, & Proconsula-  
 ri potestate. Quare non rectè vir doctissimus no-  
 tat, prætextæ usum in sacris fuisse, ita tamen, ut fue-  
 rit tantum sacerdotum. Nam Consules, Prætores  
 alij magistratus, cum sacra facerent, erant in præ-  
 texta, licet non essent sacerdotes. Verba Lampridij in  
 Alexandro nihil Lipsium iuvant. *Accepit  
 prætextam etiam cum sacra faceret, sed loco Pontificis  
 Maximi, non Imperatoris.* Nam cum supra scrip-  
 sisset Lampridius, Alexandrum adeo civili inge-  
 nio fuisse, ut licet Imperator prætextam, & pi-  
 ctam togam numquam sumeret, nisi cum esset Cō-  
 sul, subdit, adhibitam quidem ab eo prætextam in  
 sacris cum non esset Consul, sed tunc non tamquam  
 Imperatorē, sed ut Pontificem maximum prætex-  
 tatum fuisse. Quod si idem cum esset Consul sacri-  
 ficasset, iure magistratus prætextatus fuisset, etiam  
 citra Pontificatum maximum.

Augures etiam prætextæ usus notum est. Cicero  
 pro Sextio Lentuli Spintheris filium augurem,  
 creatum indicans, *Cui superior, inquit annus idem  
 & virilem patris, & prætextam populi iudicio dedit.*  
 Idem ep. ix. lib. ii. ad Atticum, *Vatinij strumam  
 sacerdotij δὲ βᾶψος vestiant.*

*Prætexta Magistratuum. An Senatores Præ-  
 textati. An Tribuni plebis. Cap. III.*

**M**agistratus omnes tam Romæ, quam in Co-  
 lonijs, & Municipijs prætextæ usus, immò  
 & Collegiorum, ac Vicorum magistros docuit Ma-  
 nutius,



nutius, & res omnibus obuia. Liuius lib. xxxiv. *Purpura viri utemur: prae-textati in magistratibus, in Sacerdotijs: liberi nostri prae-textis purpura togis utentur: Magistratibus in colonijs, municipijsque: hinc Roma infimo genere magistris vicorum togae prae-textae habendae ius permitteremus, nec id ut uiui solum habeant tantum in signe, sed etiam, ut cum eo crementur. Catulus etiam apud Dionem ait, an eo magistratus creantur, ἵνα ἐν τοῖς ἀεποφόροις ἱματίοις ἀενοσῶσιν; Ut in prae-textis obambulent? Martialis de Troiugenis in magistratu diuitum limina ob sportulam vexantibus. *Quid faciet pauper cui non licet esse elienti? Dimisit nostras purpura uestra togas:* idest vos clientes prae-textati nos tenuiores togatos ab officio dimisistis. Perperam in vulgatis esse, *dimisit*, animaduertit Turnebus lib. xxx. Prae-textas etiā intellexit Plutarchus in Galba, cum eadē in foro factam memorans ait: ἔτι τῶν νεκρῶν ἀκεράλων ἐν ταῖς ἱπατικαῖς ἐδῆσιν ἱπριμένων ὅτι τῆς αγοράς. Cum vero corpora trūcata in vestibis consularibus iacerent in foro. Rectius, in prae-textis, non enim tantum Consulum fuere, sed, & reliquorum Magistratum.*

Prae-textas etiam Senatorum fuisse, idem Manutius suspicatur inductus verbis Ciceronis 11. Philippica. *Nescis heri quartum in Circo diem ludorum Romanorum fuisse, te autem ipsum ad populum iulisse, ut quintus praeterea dies Casari tribueretur? Cur non sumus prae-textati? Cur honorem Caesaris tua lege datum deserui patimur? Quod enim in Senatu Cicero verba faceret, existimat Manutius, cum dixit, cur prae-textati non sumus? loquutum de Senatoribus.*

Sed non fuisse prae-textam Senatorum propriam,

illud satis ostendit, quod suprà attulimus ex Dione, in luctu Magistratus deposita prætexta in veste Senatoria mansisse. Quidam ergo existimant, id dixisse Ciceronem, quia Augur erat, cumque etiam Antonius eodem sacerdotio præditus esset, habuisse tunc ius prætextæ; Quod ut verum sit, ita opus esset ostendere, Augures nonnisi ludi ius prætextæ habuisse, cum tamen eos perpetuo gestasse prætextam cū reliquis Sacerdotibus credi par sit. Illud propius vero, Antonium cum legem ferret de addendo die quatuor diebus ludorum, tulisse etiam ad populum, ut in maiorem Cæsaris honorem Senatores prætextati spectarent. Vel certe, quod credit Manutius, fortè hoc proprium fuit ludorum Romanorum, ut prætextati Senatores spectarent: nam reliquis ludis non licuisse inde coniicit idem, quod Pompeio Magno ex Mithridatico bello reuertenti honoris causâ tributum fuerit, ut scenicis ludis prætextâ videretur. Vnde id acceperit Manutius, nescio. Dio Cassius hoc non habet, sed decretum fuisse, ut in omnibus festis lauream gestaret, καὶ τὴν σολὴν, τὴν μὲν ἀρχικὴν ἐν πάσαις αὐταῖς, τὴν δὲ ἑπινίκιον ἐν τοῖς τῶν ἱππέων ἀγῶσιν ἐνδύειν: *in iisque omnibus paludamentum ferret, vestem autem triumphalem in equestribus certaminibus indueret.* Non fuisse autem prætextam Senatorum, idem Dio indicat lib. 11. cum ait, inter reliquos honores Augusto decretos fuisse, ut Senatores Actiacę victorię socij ἐν θεωροφύροις ἱματίοις τὴν πομπὴν αὐτῶν συμπέμψαι, *prætextati cum eo triumpharent.*

Censoribus prætextam abiudicat Manutius, quod Polybius lib. vi. cum ornamenta mortuorum narrat, ait: *Vbi præclarus aliquis ex domesticis obiit, in-*  
*stituunt*

*ſtitiunt faneris apparatus & circumfuſi qui ſimiles magnitudine, ac ſtatura videntur. ἰὰν ῥῥ' ὕπατος, ἡ στρατηγὸς ἢ γεγωνὸς, πορφυρεὺς λαμβάνουσι: ἰὰν δὲ τιμάντης πορφυρεὺς. Si Conſul, vel Prætor fuerit, prætextas: ſi Cenſor, purpureas.*

Atqui Tribunis idem prætextam adimit, quod Plutarchus vbi Tribunum plebis magistratum eſſe negat, hoc vtitur argumento, quod prætextam non habuerit. Et tamen Cicero pro Cluentio Tribunitiam prætextam innuiſſe videtur, cum de Quintio Tribuno pleb: loquens ait. *Facite ut non ſolum mores eius, & arrogantiam, ſed etiam vultum, atque amictum, atque illam uſque ad talos demiffam purpuram recordemini.* Manutiùs togam purpuream intelligit, ſed quis vnquam Tribunis talem togam adſcripſit? Alij de tunica intelligi volunt, quod nempe tunicæ Senatorum fuerint purpureæ, hoc nos falſum eſſe infra vincemus. Quid opus eſt verbis? Quintilianus de prætexta omnino capiendum Ciceronem docet. Nam lib. v. *Alia*, inquit, *reſpondendi patronis ratio, & aliquando tamen eorum non oratio modo, ſed vita etiam, vultus, denique inceſſus, habitus rectè incuſari ſolet; ut aduerſus Quintium Cicero, non hac ſolum, ſed ipſam etiam prætextam demiffam ad talos inſectatus eſt.* Malumus ergo Romano homini, & antiquiori Tribunos prætextatos, quàm Græco, & non ſemel aliquid humani paſſo, credere. Neque tamen ideo Cicero Quintium reprehendit, quod prætexta talari vteretur, nam omnes ea ætate togas tales fuiſſe ſupra oſtendimus: ſed quod cùm alij paulò ſupra imam togæ oram purpuram circumtextam geſtarent, ſuperbus

ille, & latiore, & talos ipsos perfundentem induerit.

*De Trabea. Toga ποινικοπαρύφος. Halicarnassensis explicatus. Cap. IV.*

**P**Rætextæ Trabeam merito subiiciemus, quia ad instar prætextæ fuit, non in imâ solum orâ, sed per totum purpuræ fascijs, virgisque latioribus veluti trabibus transuersis distincta, vnde & *trabea* nomen inuenit; Non quod ex pluribus purpureis pannis assutis constaret, sed vt Turnebus docuit intextis, vt nempe subtemen purpureum, stamen album vel coccineum esset. Suetonius in libro de genere vestium apud Seruium ad illud,

*Ipse Quirinali trabeâ, cinctuque Gabino.*

Tria trabearum genera statuit; *Dys sacratum*, quod erat tantum de purpurâ: *Regium*, quod erat purpureum, cui tamen album immixtum: tertium *Augurale*, de purpura, & cocco. Eas initio Regum fuisse tradit Plinius, mox peculiare equitum Romanorum fuere, cum scilicet Idibus Iulij transueherentur ex Q. Fabij instituto, vt tradit Val. Maximus lib. 11. c. 1. Eam transuectionem Dionysius. lib. vi. describit. *Ea pompa inquit quæ post sacrificium procedit ab ijs, qui equi publici ius habent, qui secundum tribus, & centurias distributi ordine equis inuehuntur tanquam e pugna redeuntes, olea coronati,* καὶ πορφύρας ποινικοπαρύφους ἀμπεχόρδοι τῆς ἐννας, τὰς καλουμένας τραβίας. Vt vertit Interpres, togis purpureis phaniceo colore intertextis induti, quæ *Trabea* dicuntur. Sed *καὶ πορφύρους* in Dionysio legendum est.



est. Nam si illę togę totę purpureę fuerunt quomodo virgis discoloribus, siue trabibus purpureis distinctę erant? Et quid est vestem purpureā phæniceo colore intertextam esse? Vel ergo trabes non fuerunt totę purpureę, vel nominis notatio pereat necesse est. Sane Suetonius tradit Deorum trabeas fuisse purpureas, sed & idem Regum trabeis, quę postea ad equites transierunt, albi aliquid intermixtum fuisse prodit. *ἡ πορφύρεος* inquam legendum est; Idem enim infra de Salijs ait. *Τηλέννας ἡ πορπύρεος* *ἡ πορφύρεος φοινικοπαρύφους*, ἃς καλοῦσιν *τραβίας*. Prætextis incincti puniceo colore intextis Nisi malimus *φοινικοπαρύφους* interpretari, *palmis intextas*, siue quod idem est *palmatas*: quod Sylburgio placuisse video, quales, & triumphantium togę fuere; Equites in transvectione veluti post victoriam ouantes, & ideo in togâ triumphali palmatâ; Quare ipsa toga triumphalis etiam *trabea* dicta est, de qua infra.

*Nicolai Abrahami error Trabeam cum Paludamento confundentis. Cap. V.*

EX dictis trabeam togam fuisse manifestò apparet; Quò magis miror Nicolaum Abrahamum commentarijs in Pisonianam, quo aliquid audacius, ut ipse loquitur, & *extra communem sensum scriberet*, prodere ausum, paludamentum cum trabeâ idem vestimentum fuisse. Quod adeo falsum est, ut in eo refellendo verba impendere superuacaneû sit, nisi illud succurreret, posse studiosam iuuentutem ex cuius manibus, qui non sunt sociorum libri

excutiuntur eodem errore prolabi. Ratio eius est, quod paludamentum vestis militaris, & purpurea fuerit. Talem autem fuisse trabeam docere Halicarnasseum loco, quem supra laudauimus. Sed quis non videt (vt Dialecticam omittam) aperte ab Halicarnasso trabeam togam appellari, & patriam Romanorum vestem, idest civilem? Nec ideo militaris quia equites ea vti: non enim in bello, sed in transuectione. Nam quod subiicit idem, *tamquam a pugna redeunt*, ad veterem morem alludit, quo antiquissimi in togis pugnabant succincti Gabino ritu. Quare non minus labitur, cum ait Virgilium illis verbis.

*Ipse Quirinali trabea, cinctuque Gabino*

*Insignis reseat stridentia limina Consul.*

Trabeam pro paludamento usurpasse. *Quia* inquit *trabea non fuit toga picta, & ideo paludamentum.* Id falsum esse infra docebimus. Sed esto, non fuerit toga picta, fuit tamen purpurea intexta; Et licet tunc trabea in usu non esset, quæ a Romulo inuenta, Virgilius poetica prolepsi usus est. Fuit toga & quidem magistratuum propria, idest Consulis in officio referandi templi Iani. Nec officit, quod trabea cingeretur, toga picta flueret, nam & toga communis modo cingebatur cinctu Gabino, modo non, vt supra ostendimus.

Quid autem Dionysio, quid Seruio reponet Abrahamus, qui trabeam togam appellant? Satis fuerit ad indicandam rei vestiariæ peritiam eius verba attulisse. *Potuit eadem vestis, siue idem paludamentum tunica propter breuitatem (erat enim breuior, & succinctior) & toga (propterea quæ subucula, siue interula*

*terula imposita hominem totum togæ instar inuolueret*) nominari. Nullum hîc discrimen inter tunicam, togam, & paludamentum; Omnis breuior vestis tunica: omnia, quæ interulæ imponebantur etiam palliâ, togæ dici possunt. En cor Zenodoti? Idem etiam trabeam lictorum propriam facit, ad quod adducit Appiani verba in Lybicus. *Imperatori præeunt lictores ποινικούς χιτῶνας ἐνδεδυκότες*; Quasi trabeæ fuerint tunicæ.

Ceterum in funere Germanici atratam in municipijs plebem, Equites trabeatos inducit Tacitus, non quod trabea vestis funerum propria fuerit, sed ut aduertit Lipsius quòd ad augēdam funeris pompam veste solemnī Equites vsi sunt. Frustra tamen idem Grammaticorum veterum fidem eleuat, dum Equitum modò trabeam fuisse contendit; Nam præterea Regiæ, Consularis, & Auguralis scriptores meminere. Immo toga picta, quæ ab Imperatoribus Consulibus dabatur, trabea dicta est, ut mox ostendam.

*De purpura, & eius generibus. Cap. VI.*

**V**T ea quæ de prætextâ ac trabeâ dicta sunt, quæ de toga triumphali, & lato clauo dicturi sumus, melius intelligantur, non abs re fuerit pauca quædam de purpura leuiter perstrinxisse, nam plenos commentarios alij ante nos dederunt. Eleganter Plinius *ad purpuram fasces Romanasque secures viam fecisse* tradit, eandem fuisse promaiestate pueritiæ: *distinxisse ab equite Curiam*: *Dys placandis aduocari solitam*: omnem denique vestem illuminasse.

*nasse, atque in triumphali auro misceri consueuisse. Et purpuræ quidem vsum semper Romæ fuisse idem observat, in trabea sub Romulo, in prætextâ, & clauo sub Tullo Hostilio. Non idem tamen purpuræ genus in vfu fuisse docet Cornelius Nepos apud eundem, cuius verba sunt. Me iuvene violacea purpura vigeat, cuius libra denarijs centum venibat idest X. aureis: nec multo post rubra Tarentina: huic successit dibapha Tyria, quæ in libras denarijs mille non poterat emi (idest C. aureis) Hac P. Lentulus Spinther Aedilis curulis primus in prætextâ vsus improbat, quæ purpurâ quis iam, inquit Nepos, non triclinaria facit? (idest stragula lectorum tricliniarum) Spinther, subiicit Plinius Aedilis fuit Cicerone Consule, dibapha tunc dicebatur, quæ bis tincta esset, veluti magnifico impendio, qualiter nunc omnes panè commodiores purpure tinguntur.*

Primis ergo temporibus Prætextarum, nam illæ ab Regibus inuectæ sunt, & clauorum in tunica, purpura violacea fuit, mox rubra Tarentina, sic dicta a loco ubi tingebatur, tandem omnium prætiosissima Tyria successit, quæ a duplici tincturâ dibapha dicta; Eaque initio ob luxum notata, ut in Spinthere, & in M. Cœlio, de quo extant Ciceronis verba pro eodem, *Si quem etiam minimorum horum offendit, si purpuræ genus, si amicorum cæteræ.* Purpuræ genus, hoc est Tyriæ, siue dibaphæ, quæ tunc improbabatur. Hanc vegeti coloris fuisse, florentisque maximè, ac luminosi, contra vulgarem violaceam obtusioris, ac panè fusci, docet Plutarchus in Catone, de quo tradit, quòd cum in vniuersum contrariam moribus sui temporis insistentem

dam



dam viam sibi videret qui mali erant, & magnam emendationem desiderarent, ἵπαι̃ inquit, πορφυραν ἰώρα τλω̃ κατὰ κόρος ἐρυθραν. καὶ ὁξύναν ἀγαπωμένω̃ ἀν-  
τος̃ ἐφ' ὅρει τλω̃ μέλαιναν; Cum purpuram saturi coloris & acuto rubore splendentem in pretio videret esse, ipse fuscā & obtusā gerebat. Eandem fuscā, & plebeiam appellat Cicero pro Sextio de Pisone. Vestitus asper, nostrā hac purpurā plebeia, ac pane fuscā. Nostram vocat, quod acutā, & florente deliciaiores soli tunc utebantur. Quare Piso qui gravitatem, & austeritatem affectabat, eā purpurā utebatur in prætextā, ac clauo, ne quis somniet, totum Pisonis vestitum fuisse purpureum. Idem Cicero Vatini prætextam perstrinxit in epistolis ad Atticū. Perinde isti licet faciant, quos volent Coss. Tribunos plebis etiā, deinde Vatini strumam διδάσκει vestiant.

Post Ciceronis consulatum crescente luxu omnes ferè purpuræ commodiores Tyriæ erant, & Laconicæ, hoc est dibaphæ, & bis tinctæ; Earum color roseus quodam nigrore delibutus, & ut loquitur Plinius nigricanteis rosæ colore sublucens. Sed præstat eiusdem verba lib. XXI. c. IIX. de purpuræ generibus afferre, etiam si ab alijs notata fuerint. Ea sunt ut in vulgatis extant, Et de odoratis coloribus satis dictum, in quibus unguento vicisse naturam gaudens luxuria vestibus quoque provocavit eos flores, qui colore commendantur. Hos animaduerto tres esse principales, unum in cocco, qui in rosis micat. Gracilius nihil traditur aspectu, & in purpuras Tyrias dibaphasque & Laconicas. Alium in Amethysto, qui in viola, & ipse in purpureum, quemque ianthinum appellamus. Tertius est qui proprie conchylij intelligitur,

*pur, multis modis: unus in heliotropio, & in aliquo ex his plerumque saturator; alius in malua, ad purpuram inclinans: alius in viola serotina conchyliorum, vegetissimus. Verba illa, qui in rosis micat, Gratius nihil traditur aspectu, & in purpuras, vitiosa esse nemo non vidit, & sanare conatus est. Doctissimus Pintianus locum vitiatissimum, & insanabile caecoëthes fatetur; Tum in Veteri codice sic legi, quia rosis migrante gratia nihil trahitur suspectu, unde minus male scribi posse, qui rursus migrante gratia trahitur in species, in purpuras: Cætera. Baysius. Et in purpura Tyriâ, dibaphâque & laconicâ. Neuter satis proficit. Dalechampius in Vet. extare ait Gratius nihil aspectu; Trahitur is in purpuras Tyrias dibaphasque Laconicas. Quæ lectio nobis omnium optima videtur. Color enim coccineus, siue roseus aspectu gratissimus trahitur in purpuras Tyrias, dibaphasque Laconicas. Quod si quis cum Salmasio suspectu trahitur legat, non repugnauerim, licet non tantum purpuræ suspectus, sed etiam aspectus gratissimus fuerit.*

Sed in viam redeamus. Ex Plinij verbis tria purpuræ genera eius interpretes recte statuerunt, singula florum colores prouocantia. Primum coccineum, eundemque roseum Tyriarum, ac dibapharum peculiarem, de quo idem Plinius.

*Laus ei summa color sanguinis concreti nigricans aspectu, idemque suspectu refulgens. Secundum Amethystinum violarum æmulum, coloris nempe violacei saturati. Tertium conchyliatum, cuius colorem in vniuersum ait fuisse Plinius austerum in glauco, & irascenti similem mari, idest cœruleum: eius tres spe-*

species in floribus ponit, in heliotropio fermè saturationem, in malvæ flore inclinantem ad purpuram, in violâ serotinâ conchyliorum vegetissimū. Sed plenum purpuræ, ac conchyliorum discrimen, eorumque mixturam, ac temperamentum, videre est apud Plinium qui omnes hos colores in temperaturâ mixtos fuisse docet, *geminâ demonstratâ viâ luxuriæ, ut color alius operiretur alio, suavior ita fieri leniorque dictus. Quare, & Amethystinum Tyrio inebriatum, ut esset ex utroque nomen improbum, simulque luxuria duplex, & cum confecere conchyliâ transire melius in Tyrium putant. Quin, & terrena miscere, coccoque tinctum Tyrio tingere ut fieret hyssiginium.* Hactenus ille. Multa præterea præclare disputavit Salmasius ad Tertullianum, cuius analec̃ta non conuerre.

Quod pæne effugerat, Si Tyrius color aspectu nigricabat, cur Cato in purpura fuscum colorem adamavit qui pretiosissimus? In purpura, quam Cato & seueriores aspernabantur, roseus color vegetus acuto lumine florescebat: contra purpura, qua Cato utebatur, violacea, siue conchyliata minimum rubei coloris, ac luminosi habebat, sed violacei saturati, & propterea obtusi, pæneque fusci. Tyria aspectu tantum nigrescebat, suspectu refulgens: violacea & aspectu, & suspectu fusca erat; Ut nihil aliud fuerit purpura fusca Catonis, quàm minimè luminosa.

*Toga triumphalis, purpurea, picta, palmata,  
Capitolina. Cap. VII.*

**V**errius Flaccus apud Sextum Pompeium do-  
cet, togam triumphalem primo purpuream  
fuisse, deinde acu pictam, *Picta* inquit, *toga quæ  
nunc dicitur, purpurea antè vocitata est, eaque erat si-  
ne picturâ: eius rei argumento est pictura in ade Ver-  
tumni, & Consi, quarum in alterâ M. Fulvius  
Flaccus, in altera L. Papyrius Cursor triumphantes  
ita picti sunt.* Antiquitus igitur toga triumphalis  
tantum purpurea fuit, post picta in vsum venit, de  
qua Plinius, *Pictas vestes iam apud Homerum fuisse  
unde triumphales natae; Nec aliud fuisse pictam to-  
gam docti observant, quam acu elaboratam figu-  
risque phrygio opere distinctam; Nam subiicit  
Plinius. Acu facere id Phryges inuenerunt, ideoque,  
phrygiones appellati sunt.* Quare togæ triumphali  
purpureæ aurum immixtū esse oportuit, quo phry-  
giones eam varijs figuris ad instar picturæ acu va-  
riabant. Idem Plinius de purpurâ, *In triumphali  
auro miscetur.*

Hinc præcipua dona, quibus amicos Reges Se-  
natus Romanus colebat, togæ pictæ fuerunt, &  
tunicæ palmatæ, vt toties Livius, & alij memora-  
runt. Tunicam palmatam, vt omnes sciunt, sic di-  
ctam Festus ait a clauorum magnitudine, quod  
nempe lato clauo ad instar palmæ manus distincta  
esset: deinde a genere picturæ, quod palmas intex-  
tas haberet, palmatam dictam. Hæc enim verior  
notatio est, quam quæ affertur a Seruio ad lib. xi.



Aeneidos, *Palmatam dici tunicam, quam merebantur, qui reportassent de hostibus palmam*. Togam tamen palmatam, ut obseruat Manutius pauci dixerunt, eamque a pictis palmis ita dictam non male opinatur. Martialis.

*I comes, & magnos illasa merere triumphos,*

*Palmaeque ducem sed cito redde toga.*

Suetonius etiam Claudio. *Secuti, & triumphalia ornamenta eodem bello adepti, sed ceteri pedibus, et in praetexta; Crassus equo phalerato, & in veste palmatâ*. Tandem Valerius lib. ix. cap. 1. *Quid sibi voluit Metellus Pius cum palmatâ veste cōiunia celebrabat?* Ex hoc factum est, ut postquam procedente, tempore Consulibus loco praetextae toga triumphalis dari cepit, ea palmata diceretur, ut idem Manutius obseruat. Ausonius in gratiarum actione ad Gratianum pro Consulatu. *Dimicaturus palmate vestis meae ornamenta disponis: parum est, si qualis ad me trabea mittatur interroges: te coram promi iubes; hac est picta, ut dicitur vestis, non magis auro suo, quam tuis verbis*. In quibus illud quoque notandum, eandem vestem modo trabeam modò togam palmatam dici, quod etiâ Sidonius, & Cassiodorus fecêre. Mirum est, in his recensendis nuperos Criticos Manutij nomen elato nimis, aut nimis demisso animo praeterisse.

Toga igitur triumphalis, & *picta* dicebatur, quod acu distincta erat, & *palmata* a genere picturæ, hoc est palmis, licet, & talis postea diceretur, quamquam alijs figuris distincta esset, tandem, & *Capitolina* quod talis Iouis erat in Capitolio. Nec triumphantium modo ea toga fuit, sed Consulum.

& Prætorum quoties ludos ederent. Iuuenalis togam pictam Prætoris ludos edentis eleganter aulæum appellat.

— *picta Sarrana ferentem*

*Ex humeris aulæa toga.*

Vetus interpres *In tunica Iouis Mappam mittentem in Circo Consulem* describit poëta. Nam tunicam Iouis togam palmatam dixit, Tyriâ purpurâ cōfectam hoc est sarranâ. Vbi nisi corruptus est, male togam cum tunica confundit. Quare videtur addenda coniunctio inter Iouis, & togam.

Tunicam palmatam appellat Iouis, quod nempe, ut vidit Lipsius, eadem Iouis simulachrum in Capitolio indutum fuerit. Ita apud Tacitum Tribunis celebraturis ludos Augustales triumphali veste uti permissum. Huc trahendes Martialis iocus in Proculeiam, quæ marito futuro Prætori repudium dixerat, ne cogeretur suppeditare impensas ad emendam purpuram, qua Megalesia spectacula ederet.

*Constatura fuit Megalensis purpura centum*

*Millibus, ut nimium munera parca dares.*

Megalensem purpuram vocat togam triumphalem, quâ indutus Prætor Megalesiacæ mappæ spectacula editurus erat.

Ceterum quæsitum est, utrum hæ figuræ inpalmata texerentur, an acu tantum pingerentur. Vtrūque factum esse apparet. Quod acu variarentur a Phrygione, docet Plinius loco laudato. Quod texerentur, Festus tunicam palmatam, quæ, ut et toga, picta erat, a genere picture dictam notat, *quod palmas intextas haberet*. Et Ausonius ad Gratianum,

*Pal-*

*Palmatam*, inquis, tibi misi in qua D. Constantinus parens noster intextus est. Etiam Polybius lib. vi. eos qui funus comitabatur viri triumphalis ait gestasse ἱμάς διαχρύσεως, vestes auro intextas, quamquam, & auro distinctas vertere possumus. Hæ autem vestes triumpiales in templo Iouis Capitolini seruabantur, & inde cum opus foret depromebantur. Lampridius in Alexandro. *Prætextam*, & *pietam togam* nunquam nisi Cos. accepit, & eandem quidem quam de Iouis templo sumptam alij quoque accipiebant aut Prætores, aut Cos. Capitolinus in Gordianis, *Palmatā tunicam*, & *togam pietam* primus Romanorum priuatus suam propriam habuit: cum ante Imperatores etiam de Capitolio acciperent, vel de Palatio. Ideo hæc toga Capitolina palmata dicitur in epistola Taciti ad Probum, vt ad Lampridium nouit Casaubonus.

*Ius togæ triumphalis ad priuatos translatum. Purpura summa. Cap. VIII.*

**P**Ræter triumphantes, Consulesque, ac Prætores ludorum editione, priuatis quandoque hominibus ius togæ pietæ factum accepimus. Paulo enim Aemilio, qui de Perseo triumphauit, hoc indultum est: & Pompeio Magno concessum tradit Dio ὅτι νικῶν ἐνδύειν ἐν τοῖς ἱματίοις ἱππῶν ἀγῶσι, idest *vestem triumphalem induere in equestribus certaminibus*. Idē postea Cæsari delatum, vt omnibus nempe ludis toga triumphali vteretur quemadmodum supra notauimus. Idem Dio lib. XLIV. αὐτὸς δὲ τὸ τε σολῶ τὸ ἐπὶ νικῶν ἐν πάσαις πανηγύρεσι καὶ δύναι

*Evēdueto*: Ipse ex S. C. *vestem triumphalem omnibus ludis gestavit*. De quo etiam Cicero Philip. I I. *Se-  
debat in Rostris collega tuus amictus togâ purpureâ, in  
sellâ aureâ coronatus*. Vbi simpliciter purpuream  
appellat, quæ etiam picta erat, auroque intexta,  
ut omnes triumphales. Nam Plutarchus idem nar-  
rans appellat *triumphalem*: Dio *Regiam*, quæ pro-  
fectò eadem fuit. Quamobrem qui hic de purpu-  
râ Deorum Ciceronem loquutum volunt, non mi-  
nus risu digni sunt, quam qui olim in purpura sa-  
piens saltavit.

Reliquos Cæsares, atque Imperatores in civili  
habitu incessisse, idest in toga communi, supra  
ostendimus; Ut de Alexandro notet Capitolinus,  
quod nunquam prætextam sumserit, aut pictam  
togam, nisi Cos. esset. Inferiori ævo, vestem pur-  
puream, idest togam, ac paludamentum, Impera-  
torum fuisse manifestum est. Ida Gallieno ortum  
videtur, de quo Trebellius. *Cum chlamyde purpu-  
rea, gemmatisque fibulis, & aureis Romæ visus est,  
ubi semper togati principes videbantur*. Nisi velimus  
intelligere, Gallienum notatum, quod chlamyde  
vteretur, cum alij Principes togâ.

Ex eo tempore purpura pro principatus symbo-  
lo a scriptoribus passim accipitur. Hinc *sumere  
purpuram*, pro sumere Imperium: & in tumultua-  
rijs Imperatorum creationibus direptam a vexillis  
purpuram, aut de simulachris Deorum a militi-  
bus cum aliunde non suppeteret, ut ea Imperato-  
rem induerent, Historiæ Augustæ Interpretes no-  
tarunt. Inde etiam est, quod inter omnia Imperij  
semper aliquod purpureum occurrit, ut in eadem



historia passim obseruare licet. Denique inde Imperatoria purpura *summa* dicta est. Lampridius de Alexandro. *Vlpianum sepe a militum irâ, obiectu purpure summa defendit.* Malum enim purpurâ summam Imperatoriam interpretari; quàm quòd Casaubonus de purpurâ, quæ in summâ, siue extremâ veste fuit prætexta. Quasi solo Limbo, ac fasciâ extremâ purpureâ defensus fuerit Vlpianus, & non totius vestis purpureæ Imperatoriæ obiectus, quæ propterea sūma dicta est. Quod si de prætextâ intelligatur, dura locutio est dura interpretatio. Eam vero *purpuram principalem, & sacrum muricem, & purpuram veri luminis, et vestem aethinam*, hoc est veram, verique coloris idem Vir incomparabilis obseruauit.

*De Vestibus holoueris. Cap. IX.*

**M**agnus Turnebus Adu. i. cap. xiii. Existimat, holoberas, siue holoueras vestes fuisse, quæ totæ essent birri, quòd nempe birri honestiorum, & palatinorum erant, totique serici, & toti conchyliati, ex Canone xii. Synodi Gangrensis *Si quis amictu pallij utitur, & eos qui cum reuerentia birris utuntur despicit anathema sit.* Quòdque Zonaras, & Balsamo *Βύρπος σερπινὰς ἐοικέντας* exposuere vestes sericas. Esse igitur holoueras vestes credit Turnebus birros totos verè sericos, & totos conchyliatos. *Sunt, inquit, holoberæ vestes, birri toti verè serici, & verè conchyliati.* A quo non abeunt Iuris consulti ad Tit. vii. lib. xi. Cod: de vestibus holoberis; qui nihil aliud esse contendunt, quàm togas sericas eadem Zonaræ, & Balsamonis

interpretatione inducti.

Et in eo quidem, quod hæ vestes totæ purpureæ essent, rectè censuit Turnebus: quod vero totæ sericæ, siue holosericæ, falsam notationem ostendit Salmasius ad Trebel: Pollionem. Valido herculè argumento: Nam si holouera tota ex serico texta vestimenta erant, nullum fuisset discrimen inter holouera, & holoserica: & nihilominus tantum erat, ut cum promiscuus eo tempore usus esset holosericæ vestis, sola holouera vestimenta priuatis interdicta, Principi, eiusque domui dedicarentur. Adeo autem promiscuum, & communem tunc temporis sericorum, & holosericorum usum fuisse, ut etiam nimis, scenicisque mulieribus passim esset permissus, dum abstinendum sibi esse censerent, (verba legis sunt) *auratis sericis, & sigillatis, aut quibus alio colori admixtus puri rubor muricis inarde scibat*. Ostendit præterea non omnes birros sericos fuisse, quod ex alia etiâ villiori materia conficeretur.

Credit ergo vir iste doctissimus, holouera sic dicta, quod essent tota purpurea, ut censebat Turnebus, & verba leg. III. titulo eodem conuincunt. *Nec pallia, tunicasque domi quis serica contexat, aut faciat, quæ tincta conchylio nullius alterius permixtione subtexta sunt: Proferantur ex ædibus, tradanturue tunica, aut pallia, ex omni parte textura, cruore infecta conchylij*. Eadem paulo infra holouera appellat, idest in quibus vtraque pars texture, stamen scilicet, & trama purpurâ tincta essent. Atque hæc vestimenta propterea holouera dicta esse censet, voce hybrida, siue Græco latina, quod tota vera, siue ex vero colore, quod nempe purpureum colorè,  
per

per quamdam excellentiam, verum appellabant. Vnde *chlamydes veri luminis* Trebellio dicuntur, vnde, & Græci ἀληθινὰν χεῖρα de purpura dixere.

Hanc opinionem etiam Aduersariorum sacrorum compilatori placuisse video, nam cap. LXXI. pro suâ vendidit, maluitque serui probro respergi, quam tanto nomine scripta sua collustrare. Sed solemne ijs hominibus est alienos sibi fœtus suppositum ire; Quæ quidem tolerabilia essent si hanc licentiam solum inter suos exercerent, nam sociorum omnia communia; Quis ferat cuncta cum puluisculo conuerrentes? Sed dehis aliâs.

Ceterum, vt holouerarum notatio a Salmasio allata ingeniosa est, ita fas, iusque sit, quid, & nos sentiamus aperire. Nam *holouera*, non semilarinam, sed putam vocem Græcam, contractam, mox, & corruptam semper credidimus: nec aliud esse, quam ὁλοπόρφυρα, *Holoporphyra*, inducti auctoritate Isidori lib XIX. cap. XXI. Orig. *Holoporphyra*, tota ex purpura, quæ si non verior, at simplicior notatio videtur. Vocem postea de prauatam vulgo, & corruptam argumento est, quod in scriptis libris repperit Salmasius partim *olophora*, partim, *olophera*, & *olopheria*, ne quis miretur ex *oloporphyris*, factas esse holofera, holobera, holouera.

Papias Vetus Græmatius. *Holophora vestis tota ex purpura*; *holon enim Græcè totū*. Holoporphyra ergo initio dicta, mox holophyra, holophera, & holobera, siue holouera: idest tota purpurea, quia vere talia erāt, quorū scilicet stamen, & trama tota purpurea, hæc quæ priuatis interdicta. Apud Nonniū verbo stola, Varro ὡς ἐφθοῖς κῶσμον, *mulieres aliam cerneret*

cum stola holoserica. Recte docti corrigunt holoporphyro, nullus enim tunc holoserici usus. De birris autem, infra commodius differemus.

*Togarum diuersa genera enumerata magis, quàm indicata. Auctorum sententiæ expensæ. Cap. X.*

**E**T hæc quidem de toga communi, ac triumphali sufficere poterant, nisi alia etiam togarum nomina, ac veluti species apud Plinium occurrerent: & rursus aliqui diuersa vestium genera pro togis imperitè obtruderent. Verba Plinij sunt lib. IIX. cap. XLIX. *Lanam cum colo, & fuso Tanaquilis in templo Sangi durasse prodente se auctor est M. Varro, factamque ab ea togam Regiam undulatam in ade Fortune, qua Seruius Tullus fuerat usus. Mox subiicit. Undulata Vestis prima e lautissimis fuit, inde sororiculata defluxit. Togas raras Phrygianasque D. Augusti nouissimis temporibus capisse, scribit Fenestella. Crebræ papaueratæ antiquiorem habent originem, iam sub Lucilio poeta in Torquato notatæ.*

In his explicandis facilius fuerit aliorum opinionem refellere, quàm nouam interpretationem afferre. Maiorum gentium Critici existimant, undulatas vestes dictas, quarum textura vndas imitaretur: quod in lana texenda an fieri possit ipsi viderint: certe nostræ vestes undulatæ qua ratione fiant, etiam rudes intelligunt. Cum præterea Togæ essent albæ, ne quis vndarum speciem colorum, ac liciorum varietate expressam comminiscatur. Et licet tali toga usus Seruius Rex dicatur, & ideo picta fuisse undulatim dici possit, tamen communes huiusmodi vestes fuisse verba Plinij indicant, cum



ait vestem vndulatam primam fuisse e lautissimis, idest qua, & alij præter Reges lauti homines vterentur, quibus nullum ius pictarum fuit, nisi in triumpho. In veteribus libris pro *vndulata* legitur *ungulata* voce non minus, atque illa insolenti. Ita duo manu exarati in Bibliotheca Ambrosiana constanter habent. Etiam in *foriculata* iidem Critici vaticinantur. Alij enim *foriculatas* legunt, & sparto, ac lino condensatas interpretantur nempe a conferendo *sericulatas* dictas. Alij *fororiculatas*; vt est in veteribus libris; Alij *furoreculatas*, quæ perpetuis quibusdam furis, & latioribus virgis regulatæ essent, & eo toto texendi genere confectæ, vt sint æ fura, vel a rica, vel regula. Sed quid iuuat in tenebris micare? Non exigua Critici laus est, etiam aliqua ignorare. Vel hic succurrant nobis, qui grandia semper minantur. Sanè huiusmodi furas, regulas, & figuras in lana texi non potuisse illud argumento est, quod in lana tantum Istria & Liburnica, quæ filo propior erat quàm lanæ, scutulæ texi poterant, in reliquis villi obstabant. Plinius eodem capite. *Istria, Liburnique lino propior quam lana pexis aliena vestibus, & quam sola ars scutulato textu commendat in Lusitania*. Hæc igitur lana, quæ minime villosa erat, & lino similior, apta texendis scutulis erat, reliquæ ineptæ, in quæis villi omnem texturam tegebant.

Quod ad Phryxianas & raras attinet nō ita Turnebi sententia displicet, qui ita dictas censet, quod Phryxæi velleris crispas & eminentes villos imitarentur, quasque cum spissis Seneca coniūgit libr. v. de Ben. c. 111. *Inueniam alium poetam apud quem*

*præcingantur, & spissis, aut Phryxianis prodeant:*  
His oppositæ rasæ fuerunt, idest minime villosæ:  
quemadmodum spissis rallæ.

At Pauertas grauitèr pressas, & calcatas interpretantur pectineque percussas, idest easdem cum spissis, ac pauitentibus. Quæri postremo posset, quænam esset toga Græcanica apud Suetonium in Domitiano *Certamini præsedet crepidatus, purpureaq; amictus toga Græcanica, capite gestâs coronam aurea.* Sed facile hoc magnus Casaubonus expediet, qui recte togam Græcanicam ἀνδράγως pallium Græcum interpretatur, vt Tertullianus togam pallium teres appellat. Recte inquam, quia eidem crepidas dat, quæ non nisi cum pallio, numquam cum toga Romana sumptæ. Constanter tamen omnes MS. codices togam Germanicam retinent.

*Abollam non fuisse togam, aut vestem Senatoriam.*

*Quid ea fuerit. Cap. XI.*

**N**ON erat hîc Abollæ dicendæ locus, nisi eam quidam Rômani cultus partem imperite fecissent, atque inuitis Quiribus ciuitate donassent. Ptolomæum Regem ab Cæio Cæsare non aliam ob causam percussum narrat Tranquillus quàm quòd ingressus spectacula conuertisset oculos hominum splendore purpureæ Abollæ. Vbi Beroaldus ex Nonnio obseruat, Abollam fuisse vestem militarem. Eum Torrētius, & Marcellus more suo descripsêre. Verba Nonnij afferam, quia malè affecta leguntur. *Abolla, vestis militaris.* Varro αἰ' ἐθορᾶς καὶ ποιοῦ. *Toga tracta est, & abolla data est ad turbam, vbi seta*

*militia in munera belli ut præstarem. Quem locum ita legendum pridem docti viderunt. Toga detracta est, & abolla data est ad urbem mihi sera militiâs munera belli ut præstarem. Belli idest in bello. Quæ rectius se habebunt si ad urbem legamus, & militiæ idest militiæ; Ait enim ille detractam sibi togam vestimentum pacis, & impositam militarem abollam, ut militiæ sera monia fungeretur.*

Ex quo manifestum sit, quantopere aberrant qui Abollam Togam interpretati sunt, siue vestem Senatoriam. Sabellicus quidem ad Suetonium ait Festo *Abollam esse vestem senatoriam, dictam quasi Abullam, quod sit undique bullata*. Neque hoc in Festo extat, quod sciam, & notatio inepta est, ac ridicula. Pappias etiam. *Abolla, toga genus, vestis senatoria, amictus duplex*. Quod toga, & vestis Senatoria, fallitur, nam Varro illam togæ opponit, ut eidem togæ sagum opponebatur. Clarissime Martialis lib. IIX. ep. XLIIX.

*Nescit cui dederit Tyriam Crispinus Abollam,  
Dum mutat cultus, induiturque togam.*

Vbi Crispinus deposita abolla induit togam. Hos ni fallor in errorem Iuuenalis versus induxit.

— *rapta properabat Abolla*

*Pegasus attonitus positus modo villicus Urbis.*

Loquitur ibi poeta de Pegaso ab Domitiano in Albanum accito, quæ verba non ostendunt abollam fuisse togam, sed potius pallium, quo extra Urbem utebantur. Et fortasse Iurisconsultus ille in pallio Philosophico fuit. Id enim etiam Abolla dicebatur. Idem Aquinas.

— *atqui audi facinus maioris Abolla.*

*Stoi.*

*Stoicus occidit Baream delator amicum,*

*Discipulumque senex.*

Vbi. Ver. Interp. *Pronerbiū quasi maioris togæ idest sceleris potioris. Vel per ironiam dixit quasi sanctioris philosophi. Abolla species est maioris vestis, quasi pallij maioris; Quo loco per pallium maius philosophicum intelligitur, quod longius erat, ac fufius. Hinc Cynicos cum abolla induxit Martial. a Beroaldo adductus.*

*Cerea quem nudi tegit vxor abolla grabati.*

Et licet idem Crispino in aula potentissimo purpuream abollam tribuat, non alia ratione vestem pretiosam fuisse credendum est; quam quod erat purpurea.

Neque de nihilo est, quod ait Papias *Abollam fuisse duplicem amictum*; id enim a Seruio accepit, qui ad illud Virgilij.

*Duplicem ex humeris abiecit amictum.*

*Duplicem amictum inquit idest Abollam; quæ duplex est; sicut Chlamys. Horat.*

*Quem duplici panno patientia velat.*

Malè autem Seruium Marcellus reprehendit; quod Abollam duplicem amictum interpretatus sit nam Abolla erat Cynicorum vt diximus, hos, & Stoicos duplici panno velat Horatius, quare Abolla duplex amictus, & ideo pallium, non toga, aut vestis Senatoria. Cum hæc sub prælo essent, venit in manus summi Viri liber de modo vsuratum, in quo cap. III. notatum inueni Præsides in prouincijs, immo & Præfectos Urbis Abollam gestasse, atque in eo habitu iudicia exercuisse, atque hinc crimina extra ordinem animaduerti solita dici satyrico



rico crimina maioris Abollē, crimina (scilicet extra-ordinaria, & de quibus debeat cognoscere Iudex paludatus, vel chlamydatas, quales erant Præsides, vel Præfecti. Cui opinioni nullo modo assentiri possum. Nam Præsides in prouincijs Prætextā gestasse certum est, & inde facile colligas, quod Romani omnes, & magna pars prouincialium togati incedebant, & proinde Romanus magistratus in toga prætexta. Hinc cos. qui extra Urbem magistratum inibant eo loco prætextam sumebant quo honorem auspicabantur. Liuius lib. xxx. de Flaminio, qui iterum cos. designatus priuatus clam in prouinciam abierat. *Magis pro maiestate inquit, uidelicet Imperij Arimini quam Romæ magistratum initurum, & in diuersorio hospitali quam apud Penates suos prætextam sumpturum?* Ab Vrbe quidem paludati proficiscebantur sed in prouincijs prætextati publicis muneribus fungebantur; Immo etiam in castris & exercitu, nisi pugnandum esset. Tacitus de Germanico pugnaturo aduersus Ariminum. *Nox eadem latam Germanico quietem tulit, viditque se operatum, & sanguine sacro respersū prætextā pulchriorem aliam manibus auia Augustæ accepisse.* Et lib. I I I. Histo. *Sed ubi Cæcina prætexta, et lictoribus insignis dimota turba Cos. incessit.* Dio id aperte ponit lib. LIII. ubi Procos. institutionem sub Augusto narrat. Ait enim καὶ ἐκ τε τοῦ κοινοῦ τῆς γερουσίας συλλόγου πέμπεσθαι, μήτε ἕϊος παρὰ ζωννυμένους μήτε στρατιωτικῇ ἰδῆντι χωμένους, *Vique de communi Senatus corpore mitterentur neque gladio accincti, neque militari habitu viuentes.* Solis Augusti legatis datū subdit vt militari veste, gladioque vterentur. Sed demus Præ-

fides chlamydatos, & paludatos in prouincijs iudicasse. Quis Urbis Præfectū in ipsa Vrbe peregrino, ac militari cultu cognitiones exercuisse tradit? Iuuenalis Pegaso Præfecto Abollam tribuit: sed non iura reddenti: sed iter in Albanū facturo; sed Iuris consulto & fortasse propterea Philosophico habitu gaudenti, vel ex alia causa nobis ignota. Præterea cui non durum videatur, facinus maioris Abollæ interpretari, de quo iudicet maiorem Abollam indutus? Non secus ac si quis diceret, patricidium fuisse facinus togæ, quod de eo iudices togati sententiam ferrent, & deferere agmen crimen paludamenti, quod de eo paludatus iudex cognosceret. Facinus ergo maioris Abollæ, quod supra notabamus, est facinus a philosopho & quidem sanctiorē vitam professo patratum, qui nempe Abollam gestabat. Egnatius nempe Celer stoicus, qui Barcam Soranum amicum, & discipulum delatione oppreserat. Abolla pallium philosophicum, & ideo illud Cynicis Martialis adscribit, licet vestis etiam militaris fuerit, & ab alijs gestata, vt a Ptolomeo, & Crispino: sed pretiosior & purpurea. Philosophica villior, & fusior ad instar pallij, & ideo Vetus interpres maiorem Abollam *maius pallium* interpretatur.



*Quod vestimentigenus fuerit Lana. Sernij opinio reiecta. Cap. XII.*

**S**icut Abollam peregrinitatis notauimus, ita, & Lanam Romano cultui se inferentem excludemus. Plutarchus in Numa notat, Iubam Regem tradere, Lanas quas Reges ferebant, Græcorum *χλαίνας* esse. Idem sentit Festus, *Lana vestimentigenus habitus duplicis, quidam appellatam existimant Tuscè quidam Græcè quod χλαίνην dicunt.* Atqui *χλαίνα* vt Greci notant *ἡρώϊκον φόρημα*, Heroum gestamen. Hoc autem discrimen inter eam, & Chlamydem Macedonicam posuere, quod Chlæna vestimentum quadratum esset, Chlamys macedonica in inferiori parte conclusa.

Lanam igitur siue Chlænam initio Heroes Regesque gestarunt, etiam apud Romanos, vt tradit Plut. Lanam Aeneæ assignat poeta.

— Tyrioque ardebat murice Lana

*Demissa ex humeris.*

Vbi Sernius Lanam interpretatur *togam duplicem. Est autem propriè inquit toga duplex: amictus auguralis. Alij amictum rotundum, alij togam duplicem in qua Flamines sacrificant infibulati.* Alia quædam adijcit de Lana, quæ nihil ad rem. Postremo notat creditum Virgilium latenter indicasse Pontificalem ritum, quod veteri religione præciperetur inaugurato Flamine vestem, quæ Lana dicebatur, a Flaminica texi oportere, qua vteretur Pontifex. Sanè hanc Flaminum vestem fuisse indicat Cicero de Claris. Oratoribus *M.* inquit *Popilius cum Consul esset, eodemque tempore sacrificium publicum cum Læna*

*na faceret, quòd erat Flamen Carmentalis, plebis contrapatres concitatione, & seditione nunciata, ut erat Lana amictus, ita venit in concionem.*

Sed quod eadem toga fuerit, nullo pacto admitti potest. Primò quia Læna eadem ac Chlæna, hæc autem vestimentum Græcanicum apertum, & quadratum, toga rotundum. Deinde quo modo Aeneæ apud Penos degenti toga datur, & quidem cum gladio? Immo ex hoc non male Nonnius vestem militarem interpretatur. Huc accedit, quòd Læna, ut inquit idem, super omnia vestimenta accipiebatur, nec est credibile togam, & quidem duplicem supra togam sumptam. Nullaque apud veteres togæ duplicis mentio, nec scio, quo pacto duplex fieri posset, aut gestari, cum simplex satis onerosa satisque sinistrum cum brachio, humerum premeret. Pallij quidem duplicis, & duplicati veteres meminerunt, de quo aliàs. Quare melius Festus qui amictum duplicem interpretatus est. Præterea Lænæ vsus in conuiuijs apud Romanos, in quibus depositas togas quid attinet dicere? Quod vero reliquis vestimentis, etiam togæ Læna superiniiceretur, notum fit ex Martiale in Apophoretis. *Læna*

*Tempore brumali non multum lenia profunt.*

*Calfaciunt villi pallia vestra mei.*

Quintilianus de habitu Oratoris. *Et cum ad argumenta, ac loca ventum est, reijcere a sinistro togam, deijcere etiam si hæreat, conueniet: Lænā a faucibus, ac summo pectore abducere licet.* Si Læna toga duplex, tribus togis implicitus, & inuolutus, ac circumclusus orator ille fuisset. Calenus etiam apud Dionem Ciceroni obiecit tennes Lænulas lib. XLVI.



τίς μὲν γὰρ οὐχ' ὁρᾷ σου τὰ λεπτὰ ταῦτα χλαῖνιδα; At-  
qui tunc Cicero in Senatu, & rogatus.

Quare lanam palliū fuisse non est dubitandum  
apertum, ac breue, vt Græcorum Chlænā, non mul-  
tum Chlamydi ab simile, quo Reges initio vsi sunt,  
deinde, & vulgus, idque villosum, & arcendo fri-  
gori adhiberetur, togeque superiniectum, in ipsis cō-  
uiujs vsitātū. Et Heroicū quidem Regiūq; ge-  
stamen ostendimus. Mox vulgo vsurpata Iuuenal.

— Plurima sunt, quæ

Non audeant homines pertusa dicere lana.

Ea autem sumpta aduersus frigus, & ideo superi-  
niecta ceteris vestimentis. Pollux *Χλαῖνα ἰμάτιον ὅππ-  
οῦ χιτῶνι. ἔδ' ὅτε μὲν τοι ἐν αἰναιὸν δεξιόλαιον.* Alias au-  
tem Chlænas fuisse ait *ἀπλοῖδας* alias *διπλᾶς* quas  
Attici *ἀπλιγέδας*, *διπλησιδας*, & *διβόλους* appella-  
bant. *Χλαῖνις δὲ ἰμάτιον λεπτόν· χλαῖνιδόν.* Fallitur  
Baysius, qui vestem ait, qua milites utebantur per  
æstatem. Hinc, & conuiujs adhibita, hyemæ sci-  
licet cum depositis togis sola vestis cœnatoria non  
sufficeret. Persius

Hic aliquis cui circum humeros hyacinthina lana est.

Nisi eadem cum Synthesi fuit. Hæc hyemæ, vt  
pinguior, linea æstui accommodata. Etiam Iuue-  
nalis diuitem a cœna redeuntem, *coccina lana*  
amictum inducit. Martialis de fure conuiuio-  
rum, & *rectus lanis sæpè duabus abit*. Ita tamen vt  
quod de Synthesi diximus, colore, ac pretio ditio-  
rum, ac pauperum lene discernerentur. Nam, &  
clientibus cum togulis donatas idem docet, & inter  
a pophoreta numerat.

— Argentiūque togam, breuiemque lanam.

Atque hanc etiam vestem balnearem credendum est de qua Lampridius in Alexandro, *Balneari veste ad Palatium reuertens*. Nisi eam fuisse lacernam ex sequentibus colligamus. *Hoc solum Imperatorium habens, quod lacernam coccineam accipiebat*.

Non enim multum abfimilis Chlamydi, ac lacerna fuisse videtur, cum lacerna etiam reliquis vestimentis superiniiceretur, etiam arcendo frigori. Et si aliquod discrimen fuit non aliud crediderim, quod lana grauior fuerit, ac villosa, totumque hominem inuolueret licet aperta, idest humeros, & pectus, cum Chlamydes, & lacernae fere tantum humeros. Quare non recte viri docti obseruant, ideo a Virgilio lena ex humeris Aeneae demissam dici, vt exprimeret morem Romanorum in Chlamyde induenda, quae ab humeris dependens bonam corporis partem nudam relinqueret; Nam contra non humeros modo, sed & pectus obuclasse docet Quintilianus cū in agēdo a faucibus, & summo pectore abduci solitam tradir. Quia ergo vtrunque hominem tegebat, & nisi quod aperta erat, adinstar togae hominem inuoluebat, ideo fortasse toga duplex, Seruio dicta est, & *amictus duplex*, Fessio; Vetus Interp. Iuuenalis ad illud, *quem Coccina lana*. *Purpura*, inquit (L. *purpurea*) qua diuites olim utebantur. Virgilius.

*Varioque ardebat murice lana.*

*Antiqui Amphimallum lanam appellabant, idest vtrunque villosam*. Quod idem atque ἀμφιβαλον, siue ἀμφιβολον docti fecerunt, quod vtrunque indueret, siue hominem circumuolueret. Quae sequuntur apud Interpretem corruptissima sunt.

*Quod*

*Quod Græci coccum, latini teres Birrum vocarunt. Fortasse. Quod Græci Coccinum, siue cocceum dicunt Latini veteres Birrum vocarunt. Vestem enim coccineam, & rubram ab ignis colore πυρρὸν dixere Latini Græca voce, mox Birrum. Isidorus lib. xix. cap. xxiv. Birrus a Græco vocabulum trahit, illi enim birrum bibrum dicunt, Ἰ. πυρρὸν Rufum, rutilum talis enim ferme lacernarum color, de quibus infra.*

*Finis libri Secundi.*

OCTAVII  
FERRARII  
DE REVESTITARIA  
LIBER TERTIVS  
QVI EST DE TVNICA.

*Tunica. χιτων. Dionis Interpres, & Manutius.  
notati. Cap. I.*



QVOD initio præfatus sum, magnam Manutio iniuriam nuperi fecerunt cuius dissertationem de Tunica, transcripserunt eo tamen ne semel quidem laudato. Certo non erimus illorum similes, & a nobis ingenium, aut cultum, fidem nunquam desiderari patiemur.

Tunica, vndecunque dicta sit, (malumus enim id ignorare, quam cum Grammaticis ineptire) Græcis χιτων dicitur, vestimentum scilicet interius, cui toga, aut pallium, aut alia superior vestis iniiceretur.



int. Idque tam virile, quam muliebre: quamquam Hesychius virile tantum faciat. *χιτών*, ἐδῆς, θώραξ, ἱμάτιον ἀνδρικόν. Proprie tamen tunica virorum fuit, stola-feminarum, quo fortasse respexit Hesychius.

Nec alio vnquam sensu *χιτών* a Græcis accipitur, quam vt tunicam significet, vt mirum sit quosdam togam interpretatos esse. Mitto Plutarchi Interpretes, qui illud in Catone Uticense ἀνυπόδητον, καὶ ἀχιτών πολλακίς ἐπὶ τὸ βῆμα προσερχόμενον, flagitiose verterunt *sapè nudis pedibus; & sine toga ad rostra veniens*, cum tamen initio eiusdem vitæ eorundem verborum rectum sensum assecuti essent. Miror viros doctissimos etiam curis secundis verba Dionis de Tigrane ad Pompeium veniente perperam de toga accepisse. Quem tradit, quo & reuerentia Pompeij, & misericordia dignus videretur, ita se composuisse, vt inter pristinam dignitatem, & presentem fortunam statum seruaret; τὸν μὲν γὰρ χιτῶνα τὸν μεστέλευκον, καὶ τὸν κάνδυν τὸν ὁλοπόρφυρον ἐξίδυ. Togam enim (verterunt) semialbam & Candim purpureum exuerat. Quis locus togæ in Tigraue, & quis χιτῶνα togam dixit? Tygranes indutus erat tunica, & chlamyde, siue veste superiore Regiâ purpureâ; Nam fuisse ad instar chlamydis militaris testatur Hesychius licet χιτῶνα generice appellet. Κάνδυν χιτῶν περσικὸς, ὃν ἐκ πορποῦνται οἱ στρατιῶται. Candis vestis Persica, quam infibulant milites. Fuisse autem distinctam a tunica præter Dionem hîc testatur Xenophon lib. 1. Cyripæd: Οἱ πορφυροὶ χιτῶνες, καὶ οἱ κάνδυες.

Sed vt ad Romanos veniamus, antiquissimi vt

supra tetigimus ex Gellio, sine tunicis toga sola amicti fuerunt, postea substrictas & breues tunicas citra humerum desinentes habuerunt, tales Romuli ætatis statuas in Capitolio, & in Rostris Camilli togatas sine tunicis fuisse tradit Pædianus supra memoratus. Rem augeat Manutius, & quod Ennius apud Gellium *tunicatam* non sine probro iuventutem Carthaginensium vocat, inusitatas fuisse tunicas Ennij ætate credit, idest inter secundum & tertium Punicum bellum. Adjicit, Cincinnatum cum ei Senatus aranti, aut fodienti Dictaturam detulisset, togam e tugurio, ne nudus, & respersus pulvere mandata senatus audiret, proferri iussisse eaque simul absterfo pulvere, ac sudore velatum processisse; Nulla tunicae mentione apud Liuium, qui rem narrat, qua puluerem, & sudorem abstergi potius decebat, quam togâ. Quare mirari se ait, cur scripserit Plutarchus in Coriolano, eos qui magistratum petebant descendere solitos in forum togatos sine tunica, vel ut supplicarent humilius, vel ut vulnera aduerso pectore excepta ostenderent, cū multis post Coriolanum annis ignota fuerit tunica. Sed nullo modo audiendus est vir doctissimus quem ratio hic longe fugit. Credimus quidem Pædiano, immo & Plinio, togatas Romuli ætatis statuas in Capitolio sine tunicis fuisse, & Camilli in Rostris: sed vsque ad Ennij ætatem, vel vltra ignotum tunicarum usum, nullus nobis persuadebit. Quis enim poterit? Nā vt bello Punico secundo crebram tunicarum mentionem missam faciam apud Liuium, cuius loca non bene memor attulit Manut. in extrema disputatione de toga, vbi tunica non semel

ad exercitum missæ dicuntur. Numa lib. i. ab vrbe Salij tunicæ pictæ insigne dat, & super tunicam æneum pectori tegumen. Plinius lib. ix. c. xxxix. Lato clauo primum Romæ vsus Tullum Regem scribit de multis Etruscis. Atqui latum clauum fuisse tunicam fatetur Manutius, & ea reliquos Reges deinceps vsos non ita infitias. Ita latos clauos audita Caudina pace depositos, auctor Liuius est lib. ix.

Immo non vltra Romuli ætatem ignotus tunicarum vsus videtur. Nam Plinius lib. xxxiv. cum de statu is loquitur. *Primas, inquit, putarem has, & Attij Nani postas ætate Tarquinij Prisci, nisi Regum antecedentium essent in Capitolio ex his Romuli est sine tunica, sicut Camilli in Rostris.* Vnius ergo Romuli statua sine tunica, nec attinisset rem singularem notare, si reliquorum Regum tales fuissent. In Camillo debuit esse aliquid peculiare. Siue ipse solus ætate sua antiqui cultus imitator sine tunica incescit, quemadmodum post Cato fecit: siue eodem habitu statuam illi Quirites posuerunt, quo Romulo locauerant, tamquam alteri Urbis parenti, ac conditori.

Ennius apud Gellium non ideo tunicatam iuuentutem Carthaginensium probri causa dixit, quod tunc inusitatæ Romanis tunicæ: sed vt alijs obseruatum, quod solis tunicis induti incederent Pæni nullo pallio, aut alia exteriori veste. Nam quod de Cincinnato Manutius addit, nullius momenti est. Tunicatum enim fuisse credibile est in opere rustico, nec diuersum tradit Liuius, faciliusque illi fuit toga laxo & fluido vestimento sudorem ac puluerem abstergere, quam tunica pressa, corporique



adstricta. Et ut nudus fuerit in agro colendo, non tamen inde colligas, reliquos etiam Urbanos sine tunica egisse.

Videntur igitur tunicæ antiquis Reip. temporibus in usu fuisse, saltem post Romuli ætatem. Ita quidem, ut una tantum tunica sub toga indueretur, post, ut notat Manutius, duæ pluresue in usum venerunt. Varro apud Nonnium, *Postquam duas tunicas habere ceperunt, instituerunt vocare subuculam, & intusium*; Quorum verborum sensum esse assentimur Manutio, cum binas tunicas Romæ gestare ceperunt Subuculæ, & Intusij, orta esse nomina, ut ab inferiore superior tunica distingueretur, & subucula esset inferior viri tunica, intusium inferior tunica mulieris, superior vero in viris tunica diceretur, feminarum stola. De subucula Horatius,

— Si forte subucula pexæ

*Trita subest tunica*

Et Suet. de Augusto. *Hieme quaternis cum pingui toga tunicis, & subucula thorace laneo muniebatur.* De Intusio Nonnius. *Indusium est vestimentum, quod corpori intra plurimas vestes adhaeret, quasi intusium.* Fuisse autem feminarnm interiorem tunicā, ex eo colligit Manutius, quod Varro cum palla muliebri vestimento coniungit. Breues autem illas & substrictas tuniculas citra humerum desinētes quas antiquissimis Romanorum gestatas tradit Gellius, Græce ἱεσπιδας dictas idem notat, quod nempe humeros minimè velarent, Festus *Exomides vestitum Comicum exertis humeris interpretatur.* Alij etiam de Cynico pallio acceperunt, quod nempe dextrum humerum excluderet.



*Tunicas in petitione honorum depositas. An Cynici  
tunicas gestarint. ὁθόνη. περικ. Cap. II.*

**C**andidatos cum prensarent sine tunicis sola toga amictos fuisse, tradit Plutarchus in Coriolano. *Mos, inquit, erat petentibus Consulatum, ut rogarent, & prensarent ciues togis amicti in Comitibus sine tunica. ἐν ἱματίῳ.* Vbi non recte Interpres. *In Veste.* Nam & tunica vestis erat. Et Plutarchus & Greci omnes frequenter togam ἱμάτιον appellat. Idem in Camillo tradit, Faliscos obsessos a Camillo adeo obsidionem contempsisse ut præter stationes in muris dispositas togati per urbem reliqui obuerarentur. ἐν ἱματίῳ, *in togis.* Ibi etiam Interpres *in uestibus.* Voluerunt enim habitu pacis denotare, se belli minas insuper habere. Cur autem tunicæ a candidatis deponerentur, causas affert Plut. ibi. Siue quo magis ea specie humiliores essent ad supplicandum; siue, ut qui cicatrices haberent subijcerent oculis signa fortitudinis. Deinde refellit eorum opinionem qui id actum crediderunt ne pecunia tunicis occultaretur ad emenda suffragia. *Non enim inquit suspitione largitionis, & ambitus* ἄζωσον ἐβούλοντο ποιεῖναι, καὶ ἀχίτωνα. Interpres. *Nec vero ob plebis suspitionem ita recinctos, & absque intima tunica supplices ire cogebantur.* Mira Latinorum & Græcarum litterarum peritia. ἄζωσον, discinctū, sine Zona. Nec solum sine intima tunica, sed omnino sine tunicis; Zonam autem cum tunica iungit, quod illa sola cingeretur, non toga, ut diximus.

Duæ igitur saltem tunicae in usu fuere : exterior , quæ simpliciter *tunica* : & interula , siue subucula . Quamquam quosdam vnica tunica contentos , precipuè qui seuerius educabantur , docet Varro apud Nonium . *Mihi puero modica vnica fuit tunica , & toga , sine fasciis calceamenta* . Hinc Cynici , qui in cultu asperitatem affectabant , etiam sine tunica incescere , vt docti pridem ad Tertulliani pallium monuerunt , inde illud Satyrici explicantes .

— & Stoica dogmata tantum

*A Cynicis tunica distantia .*

Quod nempe Stoici more ceterorum gestarent cum pallio tunicas , quibus Cynici carebant . Et si autem *ἄχιτρες* Cynici fuerint , interulam tamen gestasse iidem viri doctissimi credi volunt , eamque interulam , siue subuculam lineam fuisse , quæ Grecis *ὁ δῶν* , & sindon dicatur ; Quod nempe Crates a Laetio inducatur amictus sindone , & a Luciano Protheus cum pallio , & interula . Sed hoc fortasse in illis peculiare fuit ; in Protheo quidem , qui consensurus pyram orthonion induit , ne deposito pallio nudus conspiceretur ; At Crates ob id ab Atheniensibus reprehensus est , quod in sindone præter morem incederet . Vt vt sit , interulam ab Cynicis non esse gestatam , duo sunt quæ mihi persuadent . Alterum quod causa duplicandi pallij Cynicis siue aliter gestandi quam mos communis esset , non alia fuit , quam vt esset loco tunicae , eaque tamquam supernacua deponeretur , quare se totos pallio inuoluebant , ne nudi conspicerentur vtque alienis oculis parcerent qui pudori suo minime parcebant ; quo non opus fuisset , si in locum tunicae venisset interu-

interula strictior quidem & breuior, sed quæ saltem verecundiæ consulere. Cum igitur sibi ita pallium iniicerent, ut solum brachium dextrum cum bona humeri parte exererent (quare illis fauisse dicitur Cato a Terrulliano, cum sine tunica in forum processit) ideo exerto, ac seminudo pectore Cynici a Cypriano inducuntur quod non fuisset si illud sindone obuelassent. Lucianus de Cynico. *Quid tandem barbam quidem habes, & comam, tunicam non habes, καὶ γυμνοδερκῇ, & nudus conspiceris?*

Ac ne quis dicat, pallium duplicatum a Cynicis & corpori circumiectum non ad uelamen, sed arcendo frigori, hoc ab eorum hominum tolerantia alienum est, qui ad maiorem patientiam ostentandam graue pallium æstate, hyeme leue gestabant. Sic Crates a Philemone Comico apud Laertium inducitur æstate crasso pallio indutus, hyeme detrito, & leui.

Καὶ τῶ θερούς μιν εἶχεν ἱμάτιον δασύ  
 Ἰν' ὑγχατῆς ἢ, τῷ δὲ χειμῶνος ῥάκη.

Vbi ῥάκη non pannum, sed detritum pallium vertendum erat. Hesychius ῥάκη διεργαγὸς ἱμάτιον. ῥάκη ὑποσκορακίσματα, καὶ ὑποπλάσματα ἱμάτια. ῥακία ζι, ἱμάτια ξυράνει.

Alterum quod vetat credere fuisse a Cynicis gestatas interulas, ac sindones quod hæ lineæ erant, ac molles, tenuesque, & ab Homero solis mulieribus attributæ, nimis profecto in Cynicis delitiæ, cultus asperitate in ostentationem gaudentibus. Tales autem fuisse ὀθόνες, & ὀθόνια declarant veteres Grammatici. Ὀθὼν σινδών, ζώνη, τελαμὼν: ὑποαικίον ὀθόνιον λεπτόν, καὶ πᾶν τοῖς ἰσχυρὸν μη λινόν ἢ. Ὀθόνια λινὰ ἱμάτια.

Quæ

Quæ omnia indicant & vestes tenues fuisse, & lineas, & mulierum proprias.

Quare præter pallium nudos incessisse Cynicos, eamque nuditatem pallij inuolucro texisse vero similis est, quam leuibus, ac tenuibus tuniculis, qui nihil magis inuestitu quam mollitiem aspernabantur. Lucianus. *In arido præterea solo cubans* ὡς δ' ἀνὴρ πάλιν πολλὸν τοῦτ' ἐπὶ τῷ περιβάνιον εἶρην : ἐ μὲν τοι, καὶ τοῦτο λεπτόν, οὐδ' ἐ μαλακόν, οὐδ' ἐ ἀνδρῶν. Adeo ut plurimum etiam sordium tritum istud pallium referat, alioqui nec ipsum vel tenui filo, vel molle, vel floridum. Si quis tamen ὀθόνια cum Hesychio Zonas, & fascias interpretetur, eas Cynicis tribuat per melicebit, dummodo non subuculas, aut interulas.

*Tunica Linea. Paragaudes. Cap. III.*

**Q**Vando primum apud veteres tunica Linea interiores in usu esse ceperint, haud facile dixerim; Nam apud Romanos non nisi sero id factum inde colligas, quod nulla ferè mentio Linearum apud antiquissimos; quique interulam, & tunicam distinxere, hoc solum discrimen posuerunt, quod altera interior indueretur, altera superaria esset, addituri vtrique alteram Lineam, Laneam fuisse alteram. Deinde quia balnearum usum præcipuum fuisse scriptores tradiderunt, quod cum Laneis vestibus etiam interioribus vterentur facile erat sordes contrahere, quæ balneis frequentibus depellerentur. Præterea Plinius cum vestium mentionem faceret, eas cum de Lanis ageret, executus est, corporumque tutelam pecori adscribit, & cum



cum de Lino agit, nullum Lineæ vestis usum agnovisse videtur, precipuè in viris, nam ex Varrone scribit in Serranorum familia gentilitium fuisse feminas Linea veste non uti. Plautus etiam non semel mulieribus linea vestimenta adscribit, viris numquam. Martialis qui omne vestimentorum genus tetigit, nihil de linteis. Demum Horat. Subuculam tritam tunicæ pexæ opponit, quod in Linea veste esset non potest.

Quare non ita valido argumento Casaubonus Exer. xvi. Euthymij opinionem refutat, qui tradit Christum Dominum gestasse pallium, tunicam, & tunicam inconsutilem, ex eo quod qui duas tunicas gestabant, interiorem lineam, habebant, exteriorem laneam, & tamen inconsutilis lanea erat. Nam quidquid sit de duabus tunicis, de quibus non est hic locus. Nullus aut rarus linearum usus apud Hebræos, quemadmodum apud Romanos, precipuè in Christo Domino, & Apostolis, qui nullam huiusmodi in cultu molliem agnoverunt.

Ex Suetonio tamen colligi videtur, subuculas fuisse Lineas qui scribit Augustum hyeme, *quaternis cum pingui togâ tunicis ac subucula thorace laneo muniri solitum*. Nam si Laneæ tunice fuerunt, quid opus erat subuculæ thoracem laneum dicere? Sed male veterem lectionem, quam Beroaldus agnoscit, nuperi sollicitarunt, in qua scriptum, & *subucula, & thorace Laneo*. Thorax tunc non nisi intermunimenta pectoris ad ictus repellendos, & ex ære ferro, & corio, ut lorica; Hoc ergo peculiare, in Augusto notavit Tranquillus, quod thorace Laneo uteretur præter subuculam, & tunicas. Frustra

stra Torrentius subuculę thoracem explicat, quia subucula pectus tegebat, quod vt uerum sit, tamen a thorace distincta.

Non nisi serò igitur Lini vsus in tunica interiore, quo tempore Lineę tunicę promiscuè vsurpatæ, nec minima pars luxus additâ ijs purpurâ, atque auro. Lampridius in Alexandro. *Boni linteaminis appetitor fuit, & quidem puri, ( idest sine auro ac purpura ) dicens, si Lintei idcirco sunt, vt nihil asperum habeant, quid opus est purpura? in lineam autem aurum mitti etiam dementiam iudicabat, cum asperitati adderetur rigor.* Nolebat Alexander lineis purpuram, vel aurum addi, quod tunc solemne erat; Nā vt tunicis laneis, & subsericis, ita proprie lineis interulis aureæ fasciæ, limbique ac segmenta addebantur, quas *paragaudas* dixere, vt nos magnus Casaubonus docuit, siue ea vox Parthorum, siue Syrorum fuit. Vopiscus in Aureliano. *Cum darentur tunica subserica linea paragaudia;* Vbi *paragaudas* a vestibis, quibus adsuebantur, separari potuisse, idem obseruat, & modo singulas, modo binas, ternas, ac quaternas, ac quinas adsutas, sicque monolores, dilores, ac pentelores dictas quod *lorum fasciam*, ac *segmentum auratum* significet. Plura etiam de *Paragaudis* adiecit doctissimus Salmasius ad Historiæ Augustæ scriptores, quæ operæ sit legisse.

*Ministros conuiuiorum in tunica & ferme linea solitos ministrare. Cap. IV.*

**T**Radit Lampridius, Constantinum adeò in nullo pretio Eunuchos habuisse, vt & chlamyde

myde vti veruerit. Quo loco militiâ submotos Eunuchos censuit Casaubonus. Hæc opinio displicuit viro doctissimo qui Casauboni vestigia legit. Ipse existimat, Eunuchos postquam domesticarum necessitatum ministerio deputati a Constantino fuerunt, chlamyde vti veritos, quod regij ministri sola tunica vterentur. Id de omnibus seruis ac ministris Regijs intelligendum, adduci non possum vt credam; sed de ijs tantum, qui mensæ inseruirent, ministrarentque & solius conuiuij tempore. Nam si etiam seruis priuatis ius chlamydum fuit, earum vsum regijs ademptum quis credat? Chlamyde autem seruos vsos declarant verba lib. 1. cod. Theod. de habitu quo vti oportet intra Urbem. *Servos sane omnium, quorum tamen dominos sollicitudine militiæ constat non teneri, aut birris, aut cucullis vti permitimus.* Birros autem, lacernas & chlamydes idem fere vestimentum fuisse, ijdem viri doctissimi satis ostenderunt.

Soli ergo mensæ inseruientes, vereque ministri in sola tunica fuere, vt expeditiores essent. Quo spectant Ammiani verba ab ijsdem adducta. *Scetit itaque subtabidus nusquam reperto paludamento tunica auro distincta, vt Reginus minister.* Vox enim minister rem totam declarat, quod in conuiuijs aurata tunica ministrarent. Lampridius in Alexandro. *Auratam vestem ministrorum nullus vel in publico conuiuijs habuit, in quo locus auratæ tunicæ.* Ita & cum Imperatores auratas paragaudas priuatis interdixere, ministrisque permiserunt, de conuiuijs ministris intelligendum est.

Nam & in conuiuijs priuatis ministri tantum tunica

nicati



nicati. Apuleius. lib. 11. de conuiuio Byrrhena: *Puella scitula ministrantes, pueri calamistrati pulchre indusiati gemmas formatas in pocula vini vetusti frequenter offerentes.* Seneca de breuitate vitæ. *Cum videam quam diligenter exoletorum suorum tunicas succingant.* Constantinus igitur cum chlamydes eunuchis ademit, quorum immensa, & absurda potestas sub alijs Imperatoribus fuerat, omni iure multauit, & infra seruorum conditionem deiectos soli conuiuiorum ministerio addixit. Hinc etiam Christus Dominus pedes Apostolorum ante conuiuium loturus posuit pallium, quia vt Nonnus interpretatur seruale opus facturus erat. Seruorum enim erat sine pallio, aut alia veste exteriori tunicatos, & cinctos, vel etiam linteo succinctos ministrare. Suet. de Caligula. *Senatores summi honoribus functos cœnanti sibi modo ad pluteum, modo ad pedes stare succinctos linteo passus est.* Casaubonus in exercitationibus attulit etiam locum Philonis in hanc rem, qui Essenorum conuiuia describens obseruat mancipiorum vsum ab ipsis repudiatum, nã liberorum opera videntes cauissè ne vllam habitus seruilis speciem inter ministrandum præberent & propterea discinctos, ac demissis tunicis in cœnationem solitos ingredi. Positum autem a Christo pallium vestem exteriorem idem obseruat, quod brachia includeret, & ideo inepta ad ministeria quæ liberum brachiorum motum requirunt.

Etiam sub Flauiorum Imperio ministri Regij aliquid peculiare in cultu habuerunt. Suetonius in Domitiano. *Generum fratris indigne ferens & ipsi albatos ministros habere proclamauit* ἐν ἀγαθῶν πολε-



*ἡδὶπᾶν*. Quo loco Torrentius, ut sæpè solet, nihil præter ea, quæ notauerat Beroaldus affert. *Album colorem in letitia vsurpatum, in sacrificijs, conuiujs, & spectaculis*, quod si verum est, ut non negamus quid peculiare habuerunt Regij serui albati, si plerique omnes in conuiujs, & sacrificijs pariter albati? Id tamen solis Imperatoris ministris concessum, Domitiani querela indicat, qui apud Sabinū ministros albatos viderat. Manutius de togis intelligit: Sed nullus togarum vsus in conuiuio & si fuisset, reliquorum etiam togæ albæ. Lipsius ait de tunicis, vel pœnulis intelligendum, sed caue de pœnulis capias, quæ conuiujs, ac ministerio improprie: multominus eum colorem fuisse libertatis, nam cui bono in seruis, cumq; tota libertas interierat?

Vel ergo priuatorum serui in tunicis pullis ministrarunt, quem vestis seruilis colorem Plautus, & Artemidorus indicare videntur, Regij albati; Vel si etiam reliquorum seruorum albæ tunicae, quod conuiuiorum letitia verisimilius facit, præcipuè si in linea interula, fortasse regionum ministrorum tunicae albatae idest candidatae, quales petitorum togæ, & creta candefactæ: cuius tamen moris non aliud vestigium extat. Docti videant.

*Linea Vestis sacrificantium. Camisia. Camisium.*  
*Cotta. Cap. V.*

**I**N sacris olim Aegyptijs præcipuus lineæ vestis vsus. Hinc *linigera turba*, & *liniger grex* apud Poetas, & *lineus amictus Isiacorum* apud Suetonium.

In nostris quoque sacris suis lineæ vesti honos.  
 Nam præter amictum lineum superiorem, quo in  
 sacra Psalmidia sacerdotes, atque in ipsis sacris mi-  
 nistri vtuntur, prima vestium sacrificialium linea  
 tunica talaris induitur, quam vulgo *Camisiam*, siue  
*Camisium* appellat.

Ex quo etiam, quod supra notauimus, compro-  
 batur, sacerdotes olim in sacris communi, & pro-  
 miscuo habitu vsos. Communis enim vestitus an-  
 tiquorum tunica linea interior, altera superior la-  
 nea, interdum serica, tum toga vel in eius locum  
 birrus, siue lacerna. De toga opinionem nostram  
 attulimus; Restat vt de tunicis videamus. Et licet  
 illud discrimen esse videatur, quòd olim saltem  
 duabus tunicis communiter vtiebantur, nostri au-  
 tem sacerdotes in vna tantum linea faciunt; Id ta-  
 men inde ortum, quod honori Episcoporum datū  
 est, vt soli duas tunicas in sacris gestent, quemad-  
 modum in veteri instrumento Pontifex præter tu-  
 nicam lineam, etiam hyacinthina induebatur, re-  
 liqui sacrifici minores linea tantum amiciebantur.  
 Sic & nostris ritibus Episcopi præter *Camisiam* ta-  
 larem, tunicam superiorem induunt, quæ primò  
 de more *κολοβός* erat, idest sine manicis, mox in Dal-  
 maticam conuersa est, vt Alucinus de Diu. officijs.  
 Et Iuo Carnotensis de rebus Ecclesiasticis. *Notan-*  
*dum verò, inquit, quod minoribus Sacerdotibus ne-*  
*que duplex tunica datur, neque humerale, neque ra-*  
*tionale, neque lamina aurea, sed tantum poderis, &*  
*mitra, & Zona qua stringatur tunica byssina. Noui*  
*quoque testamenti sacerdotes non omnibus illis vtuntur*  
*indumentis, quia nec duabus tunicis, nec rationali præ-*  
*ter*

ter solos Pontifices.

Hæc tunica linea ποδήρης Poderis quod talaris esset dicebatur, & Alba a colore. Fuisse autem strictam, & corpori adhaerentem tradit D. Hieronymus ad Fabiolam, eamque similem militum Camisijs, quæ sic apta membris, & adstricta corpori, ut nihil militares exercitationes impedirent. Rabanus Maurus. Secundum indumentum est linea tunica, quæ Græcè dicitur Poderis. Hesychius. Ποδήρης τὸ μέγεθος τῶν ποδῶν ἰμάτιον. Hanc Isidorus Camisiam vulgo dici ait, quod nempe similis, vel eadem olim omnino fuit cum tunicis lineis interioribus quas Camisias appellamus. Camisias autem idem Isidorus inde dictas tradit quòd in his dormimus in Camis, idest in stratis nostris. Quid autem essent Camæ alibi explicat loco corrupto. Cama est brevis, & circa terram Græcè enim Cami breue dicunt. Lege. Cama est brevis lectus & circa terram, Græcè enim χαμαὶ humi dicunt. Græci enim Camas, siue potius Cameunas dixerunt strata humilia, & lectulos humi propiores, quòd homines veluti χαμαὶ iacerent. Hesychius. χαμίυνη σικὰς, ἢ ἡ ταπεινὴ κλινὴς: καὶ χαμίυνης. ὁ χαμαὶ κοιμώμενος. Thorus, & humilis lectus, & Chameunes, qui humi iacet. Propriè autem Hesychio dicitur σικὰς nam eodem interprete σικὰς ἀπὸ ῥάβδων καὶ χλωρῶν χόρτων σπῶσις, καὶ φύλλων, ἢ χαμαικοίτη. Stratum e frondibus, viridique gramine, ac folijs constructum, & lectus humi positus. Inde stibadium tricliniare, de quo alijs dictum. Quia autem id stratum pauperum erat, idem Hesychius χαμῶνιον κλινίδιον πένιχρον interpretatur lectulum paupertinum.

A Camis igitur Camisias dictas vult Isidorus.

Earum mentio apud Anastasium in vita Benedicti.

III. *Camisias albas figillatas holofericas cum chryso clauo*. Casaubonus ad illud Lampridij in Alexandro. *In linea autem aurum mitti etiam dementiam iudicabat, cum asperitati adderetur rigor*, iure, inquit, damnatas ab Alexandro lineas auro clauatas, propter asperitatem & rigorem: & propterea se valde mirari, cur apud Anastasium legantur *Camisæ auro clauatæ*, has autem non ad vsum comparatas, sed ad ornatum ædium sacrarum. Verum nihil aliud illæ *Camisæ* fuerunt quàm lineæ tunicæ sacrificantium, & ad vsum sacrorum, non ad ornatum templorum. In quibus auri rigor, & asperitas non erat gestantibus incommoda, cum super alias vestes nempe communes iniicerentur, secus tempore Alexandri, cum lineæ nudis carnibus admouerentur, quas auri rigor, & asperitas lædebat. Et quemadmodum olim, vt diximus, epularum ministri in tunicis tantum, & ferme lineis, sic etiam in sacro conuiuio, Altaris ministri, siue Diaconi in tunicis, quas & nunc *tuniculas* appellant, inseruiunt, turba minor sacricolarum in tunica lineæ. Et olim quidem talaris erat & manuleata, vt & sacerdotum quales in antiquis picturis cernuntur, post breuior in vfu esse cepit, nec tamen eadem forma vbique. Plerumque manicata est, scissis tamen & laxè fluentibus manicis, alibi stricta corpori, & brachijs pressa, quales Cardinalium, & Clericorum Augustinianorum, alibi etiam ad instar inuolucris tonsorum, quæ totum corpus inuoluit, & hinc inde brachijs in humeros reijcitur, vt veteres casulæ, siue Planetæ, quæ forma Patanij visitur.

Hanc



Hanc Itali *Cottam* appellant corrupta voce, vt ego existimo a *Crocotâ*, quæ veteribus vestis fuit mollis, ac tenuis, siue vt Græci putant a croci colore, quod comprobare Plautus videtur, qui *infectores crocotularios* memorat: siue vt alijs visum, quod plus subteminis, siue trameę (Græcis κρόκη dicitur) ea vestis quàm staminis haberet, & ideo mollior, ac tenuior: siue vtrumque, quod fermè hæ vestes molliorum croco inficerentur. Vndecunque dicta fuerit *Crocota*, ea propria olim mulierum fuit, vt notum est. Plautus inter luxum sequioris sexus recenset. Cicero de Arusp. responsis. *Clodius a crocotâ, a mitrâ, a muliebribus soleis purpureisque fasciis factus est repente popularis.* Quare & Gallis matris Deûm effeminatissimis crocotulas tribuit Apuleius *Varijs coloribus indusiati, & deformiter quisque formati, facie cœnoso pigmento delita, & oculis obunctis graphicè prodeunt, mitellis, & crocotis & carbasinis, & bombycinis iniecti.* MS. codex, *iniectis.*

Lineum ergo amictum sacris operantium quod tenuis esset, ac mollis ad instar crocotarum, crocotam vocarunt, & contracta voce *cottam*; Quæ tamen vox non ita antiqua videtur vt pro veste sacerdotum ministrorum accipiatur; Nam scriptores Etrusci *Cottam* pro muliebri ferme veste, interdum pro virili vsurpant, non nūquā pro veste quæ armis iniicitur. Sane Venetijs adhuc in vsu est, nam muliebres tunicas *cottulas* appellant. Sed de his alibi accuratius.

*Tunica superior. Eius mensura. Talaris probrosa. Propertius, Iuuenalis, Cicero explicati. Cap. VI.*

**I**Nterulæ, siue subuculæ superior tunica imponebatur, quæ & *superaria* inde dicta. Eius mensura vulgo erat, ut paulo infra genua caderet, ut docet Quintil. lib. xi. *Cui lati clavi ius non erit, ita cingatur, ut tunica prioribus oris infra genua paulum, posterioribus ad medios poplites usque perveniant, nam infra mulierum est, supra Centurionum.* Qui ergo in longis, ac demissis tunicis solebāt quod id fœminarum proprium esset, ij tamquam molles malè audiebant. Horatius.

*Malthinus tunicis demissis ambulat: est qui  
Inguen ad obscærum subductis usque facetus.*

Et Propertius lib. iv. eleg. ii.

*Suppetat, hoc pisces calamo prædabor: & ibo  
Mundus demissis institor in tunicis.*

Ex quo colligit Turnebus lib. xi. cap. xxi. elegantiæ, cultusque studiosos demissas, longasquæ tunicas gestasse. Quod si verum esset, non eas Horatius, non reliqui scriptores tantopere damnaissent, tanquam parum virorum proprias. Non ea est Propertij mens. Vertumnus Deus narrat ibi suam naturam cunctis figuris opportunam, seque in quâ libuisset verti. Sic fœminam, virum, messorum, & militem fieri, venatorem, aurigam, desultorem, posse etiam piscatorem esse, mox & institorem. *Suppetat, hoc pisces calamo prædabor:* Post autem siam institor. *Et ibo mundus demissis institor in tunicis.* Sensus est si velim ex piscatore fieri institor, mutanda

da mihi schema, & altius subductæ, sordentesque tunicæ quales sunt piscatorum, more reliquorum demittendæ, & quidem mundæ. Piscatoribus enim qui sæpè se in aquam demittebant, succinctæ altius, & ad inguen subductæ tunicæ, ne fluctibus madererent; Quare Vertumnus ait si ex piscatore institor fieri velim, patiar tunicas more aliorum cadere dempto squalore; Nec demissæ hîc valet talares, vt apud Horatium, sed lógiore, quàm vt a piscatoribus ferrentur.

Iuuenalis etiám tunicas medió crure tenus demittere tâtum virorum docet fuisse, cuius verba afferemus, quia Interpretes non ceperunt, & pessimè acceperunt.

*Nam si docta nimis cupit, & facunda videri:*

*Crure tenus medio tunicas succingere debet:*

*Cedere Siluano porcum: quadrante lauari.*

Mitto veteres, qui aiunt omnia facere debere mulierem, quæ fieri solent a poëtis, & viris literatis, qui cum loca solitaria quærant, Siluano nemorum Deo sacrificant. Etiam qui notas breuiore in hunc poetam vulganit, *Sumat, inquit, hunc Oratoris, vel Peripatetici habitum.* Quasi vero Oratores tantum, & Philosophi tunicas crure tenus gestarent, Siluano facerent, & quadrante lauarentur. Logi. Perstringit ibi Satyrîcus mulieres, quæ literas callere videri volebant doctiùs, quàm vt probas deceret.

*Laudat Virgilium, peritura ignoscit Elisë,*

*Comittit vates, et comparat inde Maronem,*

*Atque alia parte in trutina suspendit Homerum.*

Et infra.

*Non habeat matrona tibi, quæ iuncta recumbit .  
Dicendi genus , aut curtum sermone rotato  
Torqueat enthymema .*

Et cetera in eundem sensum .

Si ergo, inquit, mulier vult literas tractare, de scriptoribus iudicium ferre, philosophari, & reliqua quæ sunt virorum propria, etiam virili habitu incedat, quæque sunt virorum munia tantum peragat. Primum est, *mediocrum tenus tunicas succingat*, cum mulieres stolis talaribus vterentur. Alterum *Cedere Siluano porcum*; Id enim tantum viris licitum, quod veluti per caliginem Brittanicus vidit, nam quod Siluano porcum cæderet ut Epicuræ, gerræ sunt. Soli viri Siluano sacrificabant, qui genius virorum, ut Iuno fœminarum. In Vet. Inscriptione. *Siluano Aug.* hoc est *Augusti*, Non quòd scioli *Augusto*, vel *Augustissimo*. Nam *Siluano Augusti* genio, tutelæ, defensori. In iisdem plerunque iungitur cum Hercule. *Herculi, & Siluano*. Item cum Marte, cum quo eundem plerique fecerunt. Ita *Herculi Augusti* idest defensori, & custodiæ. Cedat ergo, inquit, Satyricus Siluano porcum ut viri solent, quæ virorum officia occupat. Clarè id Verus Interpres. *Crure tenus*. Idest accipere debet virilem habitum & cingi ut vir. Mox. *Cedere Siluano*. *Siluano mulieres non licet sacrificare*. Quo respicere nuperi debuerunt. Glossæ item veteres MS. in Mediolani Bibliotheca. *Sacrificare Siluano quòd virorum; Quadrante lauari, sicut vir balneari*. Aliæ. *Sicut mulieres viri facundiam affectabant, deberent; & tunicam suam sicut viri in altum succingere*. *Viri quando, ingredi volebant, thermas*  
aere



*ere lauabantur, idest pecuniam dabant custodibus: fœmina se ipsas pro pretio. Aliæ demū vetustissimæ. Cedere Siluano. Effici viri: Siluano mares, fœmina Cere-ri sacrificabant; Nam mulieres neque ad tonsores, neque ad balneas publicas eunt. Postremum est. Quadrante lauetur. Vt stoica, inquit, quadrante laetur. Nam Horatius de Stoico. Dum tu quadrante lautum Rex ibis. Ineptissimè. Non enim soli Stoici, sed viri omnes quadrante lauabantur, idest pro mercede balneatori quadrantem soluebāt, & ideo Seneca Balneum appellat rem quadrantariam, vt sciunt etiam qui nondum quadrante lauantur. Sciuit & Mercurialis in Arte Gymnastica: sed Balnei pretium in immensum auxit, cum ex vno centum quadrantes fecit, ait enim cōqueri Martialem quòd sibi balnea tanti constarent.*

*Balnea post decimam lasso, centumque petuntur Quadrantes.*

*Quasi Martialis ibi de pretio balnei loquatur, & non de sportula, quæ centum quadrantes lassis cliētibus post balneas loco rectæ dabat. Quadrans pretium balnei, sed virorum tantum: nam fœminas gratis lauisse si nihil aliud, hic vnus Iuuenalis locus satis ostenderet: cum inter ea quæ virorum tantum essent, lauari quadrante ponit. Eadem glossæ Veteres. Quadrante lauari, sicut vir balneari. Aliæ. Quadrante, virorum pretium, fœmina vero gratis. Nec mirum fœminas nihil pro balneo dedisse, nam hoc & impuberibus præstabatur. Idem poeta.*

*Nec pueri credunt, nisi qui nondum ere lauantur. Vetus Interpres. Infantes. Quia pueri non dant bal-*

*balneaticum*. Mulieres tamen balneatori mercedem soluisse indicare videtur Cicero pro Cœlio. *Nisi fortè mulier potens quadrantariâ illâ permutatione familiaris facta erat balneatori*. Scio quemadmodum hunc iocum docti explicuerint, præcipuè Manutius, Quòd nempe Clodia pro quadrante corporis sui copiâ balneatori faceret. Sed ut lascivia perditâ fuerit, omnique probro respersa, & in mediastini, ac balneatoris amplexus ruerit, id tamen fecisse ad redimendum quadrantem, potentem alioqui, & auri largam in amatores suos, nemo sanus crediderit. Vix hoc de Lupis diobolaribus & meretriciû mendicabilis credatur. Quid ergo? Quadrantariam Clodiam dictam ex Plutarcho notum, quod ex eius amatoribus quidam perfacetus quadrantes argenteorum loco in loculos miserat. Hæc igitur quadrantis mercede quadrantaria facta erat, & sic balneatori familiaris quæstus, ac mercimoniij similitudine; Ille quadrantem a viris pro balneo exigebat, hæc quadrante merces suas permutabat: Ille quadrantarius, hæc quadrantaria: & ex quæstus communione, mercedisque similitudine familiaritas. Altera interpretatio vix quadrante digna est, & ipsas balneas refrigerare potest.

Vt ad tunicas longas redeamus, cum illæ essent mulierum propriæ in viris probro habitæ. Cicero in Catilin. *Quos videtis manicatis, & talaribus tunicis, velis amictos non togis*. Etiam D. Augustinus in III. de Doctrina Christiana. *Talares, ac manicatas tunicas habere olim apud Romanos flagitium*. Confirmat Servius ad illud.

*Et tunicae manicas, & habent redimicula mitræ*

Tu-

*Tunica* inquit *vestra habet manicas, quod etiam Cicero vituperat dicens, manicatis, & talaribus tunicis*. Idem ad illud *Discinctos mulgiber Afros*. *Vel habitum* inquit *eorum ostendit qui usque in talos fluebat, quod Plautus ridet in Pœnulo Quenam illac avis est? Cum Afrum vidiſſet veſtem dimiſſam trahentem. neque enim utuntur hodieque Zonis*. Alijs etiam locis ostendit Plautus, probrosas fuisse tunicas longas & puerorum Meritoriorum proprias, quæ iam ab alijs sunt adducta. Temporum mutatione tunicas talares in usum communem venisse, & cum togis etiam gestatas nemo in antiquis monumentis versatus dubitare potest. Huiusmodi statuas togatas cum tunica talari non paucas attulit Ian. Boissardus.

*De Cinctu. Cap. VII.*

**S**ed quoniam tunicae ferme longiores, aut breviores erant cincturae arbitrio, de ea hic pauca afferemus. Et Romanos quidem exceptis laticlavijs cingi solitos certum est. Nam laticlavios sine cinctu fuisse ex Quintiliano acutè colligit Manutius quiq; eum secuti sunt. Locus est supra laudatus, lib. xi. *Cui lati clavius non erit, ita cingatur ut tunica prioribus oris infra genua paulum, posterioribus ad medios poplites usque perveniant, nam infra mulierum est, supra Centurionum. Latum habentium clavum modus est, ut sit paulum cinctis submissior*. Quæ verba supra expendimus, cum de cinctu Cæsaris loqueremur, quem tradit Suetonius *supra latum clavum cingi solitum*, quod præter morem fuisse ostendit, alioqui id tamquam notabile non tradidisset.

Omnes

Omnes igitur, præter laticlauios, tunicam cingebant, & pro vt libebat, contrahebant, aut demittebant. Ita Centurionum, & militum omnium tunica breuiores, & intra genua subductæ. Hinc altius cingi, & præcingi apud Petronium, & Horatium: contra *discincti* pro imbellibus, & effœminatis. Seruius ad illud *Illi se præde accingunt. Accinctos* inquit, *industrios dicimus, vt Horatius. Altius, ac nos præincti*: sicut contra negligentes *discinctos* vocamus, vt *discinctos Mulciber Afros*. Et alia quæ nemo ignorat. Sicut quæ de Meccenate discincto scriptoribus traduntur. Seneca. *Alte cinctum putes dixisse: habebat enim ingenium, & grande, & virile nisi illud ipse discinxisset*; Quod etiam in Cæsare fefellit, qui etsi fluxiore cinctura, grandi tamen & virili ingenio fuit, quod Sullam non latuit, qui male cinctum cauendum monuit. Meccenatis Epicedium, quo solutas tunicas excusat a Turnebo allatum, quia mirifice totam rem illustrat, afferemus.

*Quod discinctus eras animo quoque carpitur vnũ;*

*Diluitur nimia simplicitate tua.*

*Sic illi vixere, quibus fuit aurea Virgo*

*Quæ benè præinctos postmodo pulsa fugit*

*Inuidi quid tandem tunica nocuere soluta?*

*Aut tibi ventrosi quid nocuere sinus?*

In sinus etiam pecuniam reconditam docet Plutarchus in Coriolano cum ait, *Candidatos sine tunicis in forum descendere solitos ne pecunias emendis suffragijs in sinu gestarent*. Tum etiam quod nullas, cum braccas, aut petas gestarent, quibus nummos crederent, vt necesse esset, vel in sinu, vel in zonis circumferre. Seneca in epistolis. *Sinum laxa, me-*

*rum*



*rum lucrum est. Horat. lib. II. Sat. III.*

*Ferre simulaxo donare & ludere vidi.*

Vbi recte notauit Turnebus *sinum laxum illius dici solitum, qui sinum non adstringeret, et ideo quæ in eo gerit effluere, & excidere sinit, quales discincti, & nepotes.*

### *Tunica Manuleata. Colobia. Cap. IIX.*

**S**icut longæ tunicæ, ac talaræ, ita & manuleatæ infames olim fuere. Gellius lib. VII. cap. XII. *Tunicis uti virum prolixis ultra brachia, & usque in primores manus, ac propè digitos Romæ atque omni in Latio indecorum fuit. Hac antiquitate inductus P. Africanus P. Sulpitio Gallo homini delicato inter pleraque alia, quæ obiectabat, id quoque probro dedit, quod tunicis uteretur manus totas operientibus. Quod ergo hæ tunicæ talaræ, & manuleatæ scæminarum propriæ essent, in iisdem etiam pueros meritorios consueuisse, ex eodem Gellij loco colligit recte Lipsius lib. IV. Antiquarum. Verba enim Scipionis in Sulpitium sunt: Qui in conuiuijs cum amatore cum chiri-ridota tunica accubuerit, cum ne quisquam dubitet quin fecerit, quod cinædi solent? Plaut. Pœnulo.*

*Quis est hic cum tunicis longis quasi puer camp-nius?*

Seneca in epistolis. *Mirum est aliquid fortiter dici ab homine mollitiem professo; ita enim plerique indicant. Apud me vero Epicurus est & fortis, licet manuleatus sit. Addit Gellius. Virgilius quoque tunicas huiuscemodi quasi scæmineas, ac probrosas criminatur.*

*Et*

*Et tunica manicas, & habent redimicula mitra.*

Vbi Seruius. *Tunica vestra habent manicas quod etiam Cicero vituperat dicens manicatis, ac talaribus tunicis. Nam colobijs utebantur antiqui.*

Colobia tunicas sine manicis dictas veteribus, docti adnotarunt, quasi truncas, ac mutilas. Glossæ. *κολοβος ὁ κωνδρος.* Curtax. *Κολοβος ὁ μέρ τῆ σόματος ἀφαιρεμένος.* Mutilus, truncus. *Κολόβιον Colobium, subicula L. Subucula.* Isidorus. *Colobium dictum quia longum est, et sine manicis; Antiqui enim hoc magis utebantur.* Quod de longo ponit præter rē est, nam manuleatae, non truncæ tunicae longæ fuerunt. Idem. *Leuitonarium est Colobium sine manicis, quali monachi Aegyptij vtuntur.* Aegyptiorum Colobia describit Cassianus lib. i. c. v. *Colobijs quoque lineis induti, quæ vix ad cubitorum ima pertinent, nudas de reliquo circumferunt manus.* Et c. xi. *Nam neque caligis nos, neque Colobijs, seu vnicâ tunicâ esse contentos hiemis permittit asperitas.*

Veterum ergo Romanorum tunicae colobia fuerunt, manicis scilicet carentes, quod non ita intelligendum est, vt totis brachijs renudatis incederent, sed quod manicæ ad cubitum tantum pertinerent, & non cum brachijs magnam quoque manus partem cooperirent, Quas tunicas eleganter Tertullianus de pallio *nec manibus arctas* appellat, *nec brachijs parcas.* Male enim eum locum docti sollicitant.

Quæ cum ita sint, merito quis Plutarchum miretur, quod tradat Catonem Censorium (si Interpreti credimus,) postquam in foro amicis operam dedisset, domum reuersum hyeme tunica sine manicis, æstate nudum cum seruis labore cerasse,

Quasi

Quasi non & reliqui in talibus tunicis solerent. Sed nimirum Interpretes hoc de suo commentus est. Nam in Græco est *ἑξομίδα λαβὼν*. Erat quidem ut diximus Exomis tunica sine manicis, sed a communi tunica distinguebatur, quòd hac dimidiatae manicas cubito tenus habebat; ut in veteribus statuis tunicatis videre est. Exomis prorsus manicis carebat, ut etiam humeros renudaret, quales antiquissimorum Romanorum tunicas describit Gellius. Hoc itaque ad Catonis tolerantiam spectabat, quòd pro tunica exomide utebatur, prorsus ad exemplum servorum suorum, nam Exomides serviles vestes fuisse diximus; Cato eadem cum servis veste utebatur in opere rustico, & quod sequitur *ἰδίῃ τὸν αὐτὸν ἄρτον ὁμοῦ καθήμηνον, καὶ πίνει τὸν αὐτοῦ οἶνον*.

Quamquam Exomidem ex altera parte manuleatam fuisse testetur Pollux. *Ἐξομὶς, καὶ περίβλημα, καὶ χιτὼν ἐπὶ βορέα γαλ.* Grauius eiusdem Interpretis peccatum est in Othonis vita. Scribit Plutarchus ibi Cæcinam partium Vitellianarum ducem gravem habitu cultuq; Italicis Urbibus fuisse quod *γαλατικῶς ἀναξυρίσι, καὶ χειρίσιν ἐνεσκαδασμένον* signa ducelque Romanos alloqueretur. *Gallicis* inquit Interpretes *subligaculis, thecis*que ornatus. Quæ malum istæ thecæ? Etiam qui vix a limine Græcas litteras salutarit braccis, & manicis ornatum interpretabitur. Sed qui locus hic manicis? Manicæ olim ut dictum tunicatum longarum & muliebriū fuere, quarum nullus in viro & milite locus. Nec credibile ducem impudicorum habitu præteruetum. Cum Urbes, & Municipia non molliorem eius, sed superbiam notarent. Tacitus lib. 11. Hist.

eadem narrans . *Ornatum* inquit *ipſus municipia* , & *colonia in ſuperbiam trahebant* , quòd *verſicolore ſagulo brachas barbarum tegmen indutus togatos alloqueretur* . Nec dubitandum eſt eas manicas in ſagulo fuiſſe , quæ quoniam vt brachæ inuſitatæ Romanis erant , & hoſtilis cultus , id ſuperbo , & contemptori animo adſcribebant . Sed de ſago infra .

*Dalmatica . Non vnus Baronij error notatus ?*

*Cap. IX.*

**C**olobium , ſiue communis tunica , etiam penes Chriſtianos fuit , & quidem in ſacris , vt & reliquæ veſtes communes , geſtata ad vſque Silueſtri Pontificis tempora , cuius inſtituto in locum colobiorum *Dalmatica* venerunt , ideſt tunicæ manuleatæ , quas ita appellatas quod in Dalmatia primo confectæ ſint , & illinc Romam allatæ notum eſt . *Chiridotæ Dalmatarum* appellat Capitolinus in Pertinace cum tradit in auctiōe rerum Commodi repertas fuiſſe *Lacernas* , et *Chiridotæ Dalmatarum* . Alcuinus de diuinis officijs . *Dalmatica* ob hoc dicitur , quòd in *Dalmatia ſit reperta* . *Vſus autem Dalmaticarum a B. Silueſtro Papa inſtitutus eſt* , nam antea Colobijs utebantur ; *Colobium vero eſt veſtis ſine manicis* . Cum ergo nuditas brachiorum culparetur a B. Silueſtro *Dalmaticarum repertus eſt vſus* . Deſcribit deinde Alcuinus *Dalmaticam* , aitque fuiſſe veſtimentum ad inſtar Crucis , habuiſſe in ſiniſtra parte ſimbrias , fuiſſe inconfutilem , ac large manuleatam : additque cauſas myſticas , quas hîc attingere non eſt opus : ſicut & illud , habuiſſe lineas coccineas ,



neas, vel vt alij purpureos tramites, vel clauos pariter purpureos, vt tunica senatorum, primo a Sacerdotibus gestatas, dein Diaconis concessas, post solos Episcopos Dalmaticarum ius habuisse, quę alias cū Deo exequemur. Et licet Dalmaticę a Colobijs distinguerentur tamen pro eadem re aliquando sumptas notauit Salmasius ex Niceta Thesauri Orthodoxi lib. I. c. III. *Dalmaticę, quę nunc Colobia dicuntur, purpuraque pretexuntur.*

Vt ad rem nostram veniamus, Dalmaticę, idest tunicę manuleatę pro colobijs in vsum venerunt, & tamen olim infames, vt diximus, fuere. Quare Principes Dalmaticatos in publico conspectos pro magno dedecore scriptores posuere. Lampridius in Commodio. *Dalmaticatus in publicum processit, atque ita signum quadrigis emittendis dedit.* Idem in Heliogabalo. *Dalmaticatus in publico post ctenam, sæpè visus est Gurgitem Fabium, & Scipionem se appellans, quòd cum ea veste esset, cum qua Fabius & Cornelius a parentibus ad corrigendos mores adolescētes essent producti.* Atque ita, vt Casaubonus ad hunc locum rectè notat, vestis illa, quę olim fuerat mollium & delicatiorum, postea grauissimorum sanctissimorumque Episcoporum fuit gestamen. Nam quod Cerda inde Dalmaticam Regium vestimentum fuisse dicit, & illi Socienus Kercoetius nō fuisse notatos, quòd Dalmaticati essent existimat, sed quod in solis Dalmaticis, ne refutandi quidem sunt.

Nec ob aliam causam Dalmaticę probrosę, quam quia manuleatę: quas tamen mulierum virorumque effeminatorum fuisse ostendimus: & ideo chi-

ridotas Dalmatarum vocat Capitolinus. Καρτωτοί etiam dicebātur, vt alijs notatum, quòd κάρπον manus obuelabant, quę vox adhuc Venerijs perseuerat, vbi muliebres tunicę *Carpette* vocantur.

Manuleatas Bassiani tunicas cum Heliagabalo faceret describit Herodianus lib. v. ποροίει τε γήματι Βαρβάρω, χιτῶνας χευσσοῦρεῖς, καὶ ἀλουργεῖς χειριδωτοὺς, καὶ ποδῆρες ἀνεζωοποιεῖν. Vbi recte Politianus *tunicas manuleatas*, & *ad pedes vsque demissas* interpretatur eumque cultum tanquam mulierculis quàm viris congruentiorem Mæsa auia Antonino exprobrauit. Idem paulo infra tales chiridotas talares ab ijs gestatas narrat, qui in eiusdem Dei sacrificio extra victimarum lancibus aureis gestabant.

Quòd ad Dalmaticas sacrorum attinet, nollem Baronium virum præstantissimum in ijs explicandis toties lapsum esse, notumque fecisse, quam negligenter in re vestiaria versatus esset; Qui vt excusandus sit, quod in vetere prophano cultu indagando operam ponere non curauerit, ita sacrę historiæ conditor sacrorum vestem, & paratum sine culpa ignorare non potuit. Piget referre, quam falsa, & tanto viro indigna de Dalmatica prodiderit in Martyrologio ad diem Pridie Kal. Iunij.

Primo ait *Reges Dalmatica aliquando vsos*. Sed præter Commodum, & Heliogabalum, qui ea abusi sunt, nullus sanus, aut honestus Princeps eam gestasse legitur, & ideo illi a scriptoribus notati. Frustra itaque nostris Diaconis decus ex eo acquirit Baronius quòd in Regijs vestimentis incedant, cum non modo Regię, vt diximus, non fuerint, sed & probro habitę. Dein meminisse ait *Capitoli-*

*num Dalmaticarum, quibus utebatur Pertinax. Fal-*  
*so. Nam meminit Dalmaticarum, quę Commodi*  
*fuerant, cuius rerum audio sub Pertinace. Non,*  
*enim seueri, & antiqui moris Princeps se ea veste*  
*dehonestasset, quam in duobus fasciis, atque im-*  
*pudentię monstris populus Romanus damnauerat.*

Sed quod vix ferendum est, cum Dalmaticam  
 fuisse tunicam manicatam ex Dione in Commodo  
 agnoscat, subiicit, qualis fuerit Dalmatica descri-  
 bi ab Ammiano lib. xiv. *Post hac indumentum re-*  
*gale querebatur, & ministris fucandę purpura tortis,*  
*confessisque pectoralem tuniculam sine manicis textam*  
*Maras quidam nomine inductus est, vt appellant Chri-*  
*stiani Diaconus. Atqui tunica hec trunca & sine*  
*manicis, Dalmatica manuleata: Subdit eam per-*  
*similem chlamydi figura fuisse tradere Marcellinū.*  
 Nihil minus: nam tantum purpura infectam scri-  
 bit; tantum enim a chlamyde distabat Dalmatica,  
 quantum a pallio tunica.

Sed leuē coniecturam leniori argumentō su-  
 stentat, quod illa dicitur tunicula, & tunicę Dia-  
 conorum Italis *tunicula* dicuntur, siue *tunicellę*.  
 Nam sicut illa non fuit Dalmatica quippe quę ca-  
 rebat manicis, ita vestes Diaconorum neque ipse  
 proprię Dalmaticę sunt, sed potius colobia, qua-  
 lesque veterum tunicę, quarum manicę ad manus  
 non pertinebant & ideo tuniculę appellantur: nec  
 sunt istę talarēs, vt omnes tunc Dalmaticę. Quid-  
 quid sit, si istę Dalmaticę sunt, illa Ammiani ne-  
 quaquam fuit.

Non contentus Annalium scriptor Dalmaticam  
 eandem cum Colobio, & chlamyde fecisse, cum

toga quoque & quidem triumphali confundit. Quē Bulengerus sarcinator, non scriptor secutus est. Quid cogitabat cū hac scriberet vir summus? Ait, palmatam Consulatē apud Ausonium in gratiarum actione literis inscribi solitam, talem plane esse Dalmaticam Diaconorum, quod Ammianus tuniculam appellat qua & Imperator indui posset; Colligit deinde, & ministrorum cultum Regijs indumentis inuidiose contendit. *Ex his perpende*, inquit, *quanto Augustius atque Magnificentius legali veteri cultu novi testamenti ministerium apparetur, cum antiquis Levitis, nec linea uti stola concessum esset. Sed quid palmata toga cum dalmatica, quid Ausonio cum Ammiano? Quid Regibus cum Diaconis? Palmatam fuisse togam apud Ausonium & nemo ignorat & ipse testatur. Ea non literis inscribi solita, sed variis figuris intexi. Verba Graciani fuerant cum trabeam mitteret. Palmatam tibi misi, in qua Diuus Constantius parens noster intextus est. Quæ verba Ausonius ipsa trabea pluris æstimat. Hac planē, inquit, hac est Picta, ut dicitur vestis, non magis auro suo, quam tuis verbis. Non quod ipsa verba inscripta essent, ut credidit Baronius. Sequitur enim. Constantius in argumento vestis intexitur: Gratianus in muneris honore sentitur. Porro Ammianus tuniculam appellat. Regale indumentum, non a forma sed quod esset tota purpurea, qui tunc color solis Principibus reservatus. Sed iam me fatias istorum capit. Potius igitur Diaconi posthac augustissimo sacrorum ministerio, quam Regio indumento iactare se poterunt.*



*De Tunica colore. Non fuisse purpureum. Manutij  
opinio reiecta. Cap. X.*

**T**Ogas communes albas fuisse, supra ostendimus  
talis & tunicarum color. Nam vt cetera  
omittantur, illud satis firmum argumentum est,  
quod attulit Lipsius ex Cicerone, qui Verri obijcit,  
quod in officina sedere solitus sit cum pallio, & tu-  
nica pulla. Firmum inquam argumentum, nam  
cetera quæ affert, parum iuuant; Ex Vopisco in  
Aureliano. *Sciendum tamen congiaria illum ter de-  
disse, donasse etiam populo Romano tunicas albas ma-  
nicatas ex diuersis prouincijs.* Nam contra si omnes  
tunc albæ tunicae fuerunt, satis fuisset dicere, do-  
nasse eum tunicas, & hinc videtur posse colligi, nō  
fuisse tunc vulgares tunicas albi coloris. Quod ve-  
rum est, nam tempore Aureliani peregrini vestitus  
donabantur populo, vt Caracallæ, Dalmaticæ,  
Birri Atrebatice, atque ita & tunicae manicatae al-  
bæ, cum vulgares sine manicis essent. Alterum  
quod ex Iuuenale adducit Lipsius infirmum est.

*Sufficiunt tunicae summis Aedilibus albæ.*

Loquitur ibi poeta de vita rustica, quæ in pagis  
& oppidis agebatur, vbi ait togas non fuisse in vfu,  
atque ita Aediles satis habuisse, si in tunicis albis  
conspicerentur, quod indicare videtur reliquis al-  
bas tunicas non fuisse, si id tantum Aedilium gesta-  
men fuit. Falsum tamen est, nam omnes in tuni-  
cis albis; Idem ibi.

*Aequales habitus illic, similemque videbis  
Orchestra.*

Sed Aedilium tunicae, vel candidæ suere, vt de to-

ga petitorum diximus, vel quod verius, recens lotē.

Obstat modo auctoritas Manutij, qui tunicas totas fuisse purpureas contendit, inductus verbis Ciceronis in Sextiana, qui Pisonem Consulem perstringens eius habitum denotat. *Vestitus*, inquit, *asperè nostra hac purpurâ plebeiâ, ac penè fuscâ*. Dubitat ibi Manutius, vitrum de toga loquatur Cicero, an de tunica, eoque flectit, vt existimet de tunica sermonem habere; Quoniam ait *purpurâ nostrâ*, id enim ad prætextam referri non posse, quia tunc Cicero in magistratu non erat, & propterea minime prætextatus, cum præterea prætexta non esset tota purpurea. Itaque ad tunicam laticlaviâ referendum, quam hinc totam purpuream esse credit quaque Cicero vt senator indutus erat.

Hæc ratio quàm nullius momenti sit, inde apparet, quod si tunica tota purpurea fuit, cur clavi ex purpura inditi vt ab reliquis ordinibus senatum, distinguerent? Quomodo extra reliquam purpuram ea signa eminebant? Non de alia igitur purpura Cicero capiendus est, quàmquæ prætextæ in extremâ orâ tunicæque Senatorum, & equitum, ad pectus per clauos latiores, & angustiores indabatur. Plebeiam Cicero, ac penè fuscâ appellat, quod ea ipse cum vulgo senatorum & equitum utebatur, cuius libra, vt supra notauimus, centum denarijs venibat, cum Tyria non nisi a potentioribus, ac delicatioribus emeretur, & quidem vix mille denarijs. Plutarchus tradit, Catonem purpurâ fuscâ vsum, cum videret saturo rubore ardentem esse tunc in pretio. Etsi igitur non esset Cicero prætextatus, purpuram tamen in clavis tunicæ Senatoriæ

natoriæ gestabat, sed communem & minime pretiosam, quam ideo plebeiam vocat, ac panè fuscā. Atque ita purpuram simpliciter appellauit, quæ in prætexta, & lato clauo Pisonis erat. Similiter Iugdenalis purpuram pro prætexta dixit. Sat. xi.

*Ingenui vultus puer, ingenuique pudoris,*

*Quales esse decet, quos ardens purpura vestit.*

idest prætexta. Alterum Manutij argumētū de purpura Quinctij Tribuni plebis satis supra expendimus, cum de prætexta ageremus.

*Tunica palmata. Russa. Galbina. Cap. XI.*

**A**T tunicam triumphantium totam, vt et togam, purpuream fuisse palmis, vel acu pictis, vel intextis distinctam, et elaboratam ostendimus, cum de toga picta verba fecimus. *Vbi palmatam tunicam* ex Festo docuimus dictam, quod clauis latioribus ad instar palma manus distingueretur, siue ab intextis palmis victoriæ insignibus.

Quod ad communes tunicas attinet processu temporis in locum tunicarum albarum Russæ siue Russatæ venēre, maxime apud milites. Trebellius in Claudio. *Tunicas Russas militares annuas.* Isidorus *Russatas* vocat. *Russata* quam Græci *Phœniceam* vocat, nos *coccinam*, reperta est a Lacedæmonijs ad celandum coloris similitudine sanguinem, quoties quis in acie vulneraretur, ne contemplatione aduersario animus auergeret. Subijcit, ea vsos milites sub Coss. vnde et *Russatos* dictos; Sed fallitur solens nam nec milites sub Coss. *Russati*, & is color in Circi factionibus.

Has autem tunicas Russas non fuisse purpureas, omnino doctis viris assentiendum est, quod soli Imperatores tunicas, & paludamenta purpurea gestarent. Itaque verba Vopisci in Aureliano. *Paragaudas vestes ipse primus militibus dedit, cum ante nō nisi rectas purpureas accepissent.* Rectas purpureas tunicas simpliciter rubras, vel russas, aut rufas cum iisdem intelligimus. Fuere & *Galbina tunica* a viridi siue aureo colore dictæ de quibus Turnebus l. xvii. cap. iix.

*De Tunica ornamentis. Latus clauus. Doctissimorum virorum sententia explosa. Quintilianus explicatus. Cap. XII.*

**P**Ræcipua tunicae ornamenta clauus purpurei fuere, sed Equestris tantum, & Senatoriæ, illius angustiores, huius latiores, vnde ad discrimen ordinum lati clauus, & angusti dicti. Ita Romanorum tunicae vulgo & laneæ fuerunt, & albæ, sed Senatorum, & Equitum per clauos purpureos maiores, ac minores a reliquis distinctæ. Quid essent hi clauus, et quomodo gestarentur, non esset operæ referre, nisi viderem viros præstantissimos dubitasse, alios etiam minorum gentium penitus ignorasse. Magnus enim Scaliger ad Varronem non fuisse clauos partem tunicae existimat, sed de collo suspensos, et ad libitum sublato, ut amuleta, & numismata, quæ in pectus demittuntur. Iuris consultorum Princeps Scaligerum sequutus est, latumque clauum et angustum nihil aliud fuisse docet, quam purpure clauum vesti non consutum, sed supra eam in pectus



ctus demissum, Senatorum latiore, Equitum arctiorem. Vterque tamen à Manutio discere potuisset, clauos fuisse purpuræ fragmenta, quæ tunicis infuerentur, vt inde etiam detrahi, & resui possent, non autem intexerentur, aut de collo penderent. Quomodo enim ignorare potuerunt Vlpiani verba de auro arg. legato? *Vestimentorum sunt omnia lanea, lineaque, vel serica, vel bombycina, quæ induendi, præcingendi, amiciendi, incubandine causa parata sunt, & quæ his accessionis vice cedunt, quæ sunt institæ, picturæ, clauique, qui vestibus insuuntur.* Quintilianus autem lib. i x. c. v. clauos vestibus insutos docet. Porro vt affert lumen clauus purpura loco insertus, ita certè neminem decet intertexta pluribus notis vestis.

Haud inscius sum, tantos viros Horatij verbis in hanc sententiam concessisse. lib. i. Sat. vi.

*Nam vt quisque insanus nigris medium impeditur  
crus*

*Pellibus, & latum demisit pectore clauum.*

Sed suprâ ex Quintiliano ostendimus, Senatores quibus lati clauus ius erat tunicam laticlauiam cingere non consueuisse; Cui lati clauus ius non erit ita cingatur, vt tunica prioribus oris infra genua paululum, posterioribus ad medios poplites vsque perueniant. Latum habentium clauum modus est, vt sit paulum cinctis submissior. Ex quibus apparet, tunicam laticlauiam, quæ ipsa *latus clauus* dicebatur non cingi solitam; Atque ita clauus purpurei cum Zona non constringerentur cadebant in pectus, siue vt Horatius loquitur, pectore demittebantur. Recto Acron. *Purpuram dicit, quæ in pectore extenditur senatorum.*

*natorum*. Secus in Equitibus, qui cum tunicam cingerent, angusti clavi non descendebant in pectus, sed in sinu, quem Zona succincta efficiebat, supra ipsam Zonam conspiciebantur. Qui vero ex Equitibus in senatum allegebantur, soluebant tunicas & latiores clavos demittebant, atque in pectus fluere sinebant. Ex his etiam facile intelligemus, quid sibi velit idem Horatius cum ait alibi.

— *clauum mutabat in horas.*

Nam *clauus* ibi est tunica laticlauiæ, quam Priscus ille inæqualis, & inconstans sæpissimè mutabat. Quemadmodum et *clauus* pro eadè sumitur apud eundem Horatium.

— *sumere depositum clauum.*

Acron *Colobiona* vocat, idest ipsam tunicam. Ita & Suetonius loco toties adducto *latum clauum* pro tunica usurpauit. *Usus ferunt lato clauo ad manus fimbriato, nec ut unquam aliter, quam super eum cingeretur*: idest, tunica laticlauiæ manicata, quam contra morem Cæsar cingebat.

Lati ergo clavi purpurei tunicis Senatorum assuebantur: unde *latum clauum tribuere & adimere*, pro Senatorem facere, & Senatu mouere scriptores usurpant. Ut mirum sit, cur Lambinus, qui quid essent clavi non ignorauit, id *insigne maiorum magistratum fuisse* scribat, ut *Aedilium, Prætorum, Consulum*, nam & minorum, & omnium senatorum fuit, etiam si nondum in magistratu essent.

Nec aliud hi clavi fuere, quam purpuræ segmenta, siue frustra purpurea, ut sunt capita clauorum rotunda, unde & nomen traxere, eaque in pectore ipsius tunicae assuebantur. Fuisse autem plures  
cla-

clauos, pater ex Varrone lib. 11x. del L. L. qui clauos *plagulas* appellat, quod ijs tunica, vt rete plagis distingueretur: Et Quintiliano ante laudato.

*Vt purpura recte descendant leuis cura est: notatur in-  
terim negligentia.* Ex quibus verbis viri doctissimi etiam quadratos fuisse clauos credi volunt, nam si rotundi essent, inquit, quoquomodo descenderent recti essent. Non ita rectè; Nam clauus siue rotundi, siue quadrati cum rectè tunicæ insuerentur, recti semper erant, nec poterant aliter; Verum inter se non rectè cadere poterant, quoties tunica cingebatur: nam ea cincta cum pars superior attrahe-  
retur ne longius descenderet, sinusque in quo clauus erant subduceretur, quos purpuras appellat Quintilianus, nisi æqualiter sinus subductus fuisset, purpurei clauus non recti descendissent: quare subiicit Rhetor, ita subducendum sinum, vt purpuræ rectæ cadant; loquitur autem ibi de angusto clauo, qui ab Equitibus cingebatur, cum latus in senatoribus sine cinctura descenderet.

Ad pectus tunicæ clauos assutos diximus; Non defuere tamen nuperi qui ad Ciceronis Cælianam notarunt, clauos tota tunica dispersos fuisse, aut saltem tunicæ marginem prætexuisse, & ideo imperite Limbos dixere. Vtuntur Ouidij testimonio in Tristibus.

*Induiturque humeris cum lato purpura clauo.*

Et Statij Silvarum.

*Mox Tyrios ex more sinus, tunicamq; potentem  
Agnouere humeri.*

Quare & humeris clauos inditos. Sed vt dicebamus, latus clauus pro ipsa tunica accipiebatur, in  
qua

qua clauī purpurei : & , induitur humeris cum lato purpura clauo , idem est atque, induitur tunica lato clauo purpureo distincta : qui clauī purpurei quoniam in pectore erant , Tyrios sinus vocat Statius , non quòd in humeris purpura esset , sed quòd tunica laticlauia , vt & communes tunicæ , humeris dependeret. Sicut autem latus clauus sumebatur pro ipsa tunica ita contra ἀπλως tunica pro lato clauo .

Plinius. *Annuli distinxerunt alterum ordinē* (Equestrem) *aplebe* , sicut tunica ab annulis (Equitibus) *Senatum tantum* . Hinc etiam Senatoria vestis latus clauus dicebatur. Spartianus Caracalla . *Sub veste Senatoria lorica habens cum armatis militibus Curiam ingressus est* . Hoc idem narrans in vita Getæ ait . *Ipse autem tantum timuit , vt lorica sub lato habens clauo etiam Curiam sit ingressus* . Non aliud ergò Senatoria vestis fuit quàm latus clauus, siue laticlauiū .

Latum clauum stlatariam purpuram poeticè appellat Iuuenalis Sat. vii .

*Spondet enim Tyrio stlataria purpura flo .*

Vbi Stlatariam Interpretes pro lato clauo accipiunt , quod vereres Festo , & Quintiliano auctoribus *stlatum* pro lato *stlitem* pro lite dicerent . Quod si verum est , nulli tunc Causidici in pretio , nisi qui & Senatores , quibusque lati clauī ius . Nisi malimus de lacernis Causidicorum interpretari .

— purpura vendit

*Causidicum , vendunt Amethystina .*

Nam lacernas in causis agendis adhibitas , testatur idem Satyra xvi .

— iam facundo ponente lacernas

*Ceditio .*

Immo



Immo & pænulas apud auctorem Dialogi de causis corruptæ eloquentiæ. Improbum autem illum colorem etiam in lacernis a ditioribus vsurpatum nemo nescit. Nisi rectius sit dicere, magnam etiã Equitum partẽ per ea tempora latum clauũ vsurpasse. Turnebus lib. xix. cap. vlt. quod *Stlata* in veteri lexico nauiſ Piratica dicitur, dubitat num stlataria purpura sit piratica, & latrocinans, cuius splendore decepti fallantur, & spoliuntur venditores diuitem censentes, qui eam gestat, siue potius clientes Causidicum inde doctum, & magni nominis existimantes. Vetus Interpres stlatariam illecebrosam explicat: reliqua adeo corrupta sunt vt frustra sit huc afferre. Nescio quid tamen de naui ponit, ex Ennio.

*Et melior nauiſ, quàm quæ stlataria portat.*

Papias. *Stlata* genus nauigiij a latitudine dictum: inde stlataria purpura dicitur idest marina: vel nauiſ piratica, quæ Turnebi coniecturam iuuant. Idem Iuuenalis latũ clauũ vocat purpuram maiorẽ Sat. 1.

— quid confert purpura maior

*Optandum?*

Vbi Vetus Interp. *laticlauiam* explicat.

*Laticlauij etiam Senatorum filij. Dionis Interpres notatus. Cap. XIII.*

**I**Nter reliqua ostenta, quibus Augustus Imperium prenunciatum est, id quoque recenset Tranquillus. *Sumentis togam virilem, tunicam laticlaui resutam ex utraque parte ad pedes decidisse: fuisse qui interpretarentur, non aliud significare, quam ut is or-*  
do,

do, cuius insigne id esset, quandoque ei subiceretur; nempe senatorius, cui tunica laticlavia. Atqui id Dio, si Interpreti credimus, de toga accepit, quem iure reprehendit Torrentius quod χιτῶν togam verterit, in quo etiam Leonticius lapsus est. Narrat enim Dio lib. XLIV. Octavianum cum ex ephebis excessisset ἰδὴ τὰ τλὴν ἀνδρῶν τὴν togam virilem induisse; Mox subdit ὁ χιτῶν περὶ ἐπὶ αὐτῷ τε ἑκατέρωθεν ἀπὸ τῶν ἐπαμίδων; Id per se non modo vllum indicium boni ominis attulisse, sed etiam præsentibus fuisse molestum, ὅτι ἐν τῇ πρώτῃ τῇ ἀνδρῶν χιτῶν ἐνδύσει συβεβήκει. Quod in assumptione prima tunica virilis accidisset. Sed si culpandus Interpres, quod pro tunica togam verterit, non expers culpæ videri posset Dio, qui togam virilem tunicam appellavit. Quod ne credamus, credere debemus generica voce χιτῶνα pro toga usurpassē: Non enim ut inter togam puerilem, siue prætextam, & virilem siue puram, ita inter tunicam virorum, ac puerorum aliquod fuisse discrimen viderut.

Sed illud difficultate nō caret, quod ait Tranquillus, tunicam lati clavi ad pedes decidisse; Cur enim Augustus Tirocinij die latum clavum sumpsit si nondum senator? Scio eum postquam rerum potitus est, ut tradit idem auctor, liberis senatorum, quò celerius Reip. assuescerent, protinus virilem togam, ac latum clavum induere, & Curiae interesse permisisse, quod ante ipsum Augustum in usu nō fuisse demonstrat. Cur ergo ipsi latus clavus virili togæ inducitur? An hoc illi lul. Cæsar peculiariter indulgit, ut suspicatur Casaubonus? Sed Dio id non omisisset, cum subiicit, ob hoc ostentum Cæ-

sarem

farem in magnam de Octavio spem adductum esse ideo & ad patricios reduxisse, & ad gerendum magistratum erudijse. Nam quod Casaubonus existimat, etiam ante Augustum licentia temporum id in more fuisse, idque ex Suetonij verbis colligi de Cæsare, Vsum lato clauo ad manus fimbriato; Nequaquam ea verba indicant, Cæsarem a puero laticlauium, sed tantum quod præter morem cum esset vir super latum clauum cingeretur. Fortè Suetonius tunicam laticlaui appellauit tunicam superiorem, cui nempe legitimo tempore latus clauus assueretur, quæ fortasse ideo virilis tunica Dionii dicitur, quod nempe paulo diuersa a communi simul cum toga sumeretur. Cui hæc coniectura non placet, illam Casauboni per me sequatur licet.

*Augustus clauus. Angusticlauij.*

*Cap. XIV.*

**V**T latiores clauī purpurei in tunicis Senatorū assuebātur, ita minores, siue arctiores Equitū tunicas illuminabāt, vnde ipsi Angusticlauij dicti; quod ex Bucanano notauit Turnebus lib. i. c. i. i. ad quod illud Paterculi de Mæcenate adducit. *Quippe vixit angusto clauo penè contentus, nec maiora consequi non potuit sed non tam optauit.* Ex quo etiam Statium corrigit lib. i. v. Siluarum.

*Hic paruus inter pignora Curie*

*Contentus arcto lumine purpure.*

idest angusto clauo.

Hinc laticlauij & angusticlauij fluxere. Suet. *Augustū tradit singulis alis binos plerūq; laticlauios præposuisse;*

fuisse; Alibi patrem suum *Tribunū angusticlauiū* vocat, nec semel has voces vsurpat. Quinam hi essent, docti dubitarunt. Sed facile fuerit dicere laticlauios Tribunos fuisse Senatorum filios, quibus ab instituto Augusti tam domi, quam militiæ ius laticlaui fuit: Angusticlauios autem equitum liberos. Clare id idem Tranquillus. *Liberis Senatorum quo celerius Reip. assuescerent, protinus virilem togam, & latum clauum induere, et Curia interesse permisit, militiamque auspicantibus non Tribunatum modo legionum, sed & Præfecturas Alarum dedit: ac ne quis expers castrorum esset, binos plerumque laticlauios præposuit singulis alis.* Hi laticlauij sunt quos supra Senatorum filios militiam auspicantes dixerat. Quare non ita recte vir magnus, cum Suetonius scribit, *Neronem vapulasse a quodam laticlauiō*, non de Tribuno, sed de Senatore intelligendum existimat, quod eum Dio Senatorem appellat: In qua etiam sententia Torrentius est, quod Tacitus ait Senatorij ordinis fuisse; sed qui nondum honorem vllum cepisset. Nam Tribunus laticlauius etiam Senator, cui nempe tanquam filio Senatoris ius Curia, & insigne laticlaui erat.

Ceterum Equites insigniores, qui & *Illustres* dicti, ius laticlaui non secus, ac Senatores habuisse, ex Dione notauit Lipsius ad Tacitum; Qui Dio libr. lxx. scribit, Caium cum ordo Equestris ad paucos redigeretur, primores ex omni Imperio etiam extra Italiam, qui genere, & opibus excellerent, in eum allegisse, & quibusdam eorum etiam Senatoria veste priusquam magistratum vllum cepissent uti concessisse in spem dignitatis. Nam antea non  
nisi



nisi ijs, qui Senatoria stirpe essent, id permissum.

Id tamen non diu obtinuisse, illud declarat, quod Præfecti Prætorio, qui ferme ex equitibus legebantur laticlauij ius non habuere; Quare id tamquam singulare in Plantiano notauit Herodianus, quod ἡμῶν ἐσο τὸ πλάτυσθμον ἰδιῆτα, *latum clauum gestaret*; Hinc Commodus apud Lampridium cum Paterno Præfecturam Prætorio adimere vellet, laticladium creauit. *Paternum autem huius cedis auctorem per laticlauri honorem a Præfecturæ administratione submouit.* Capitolinus in Pertinace: *Doluit palam Marcus, quod cum Senator esset, Præfectus Prætorio fieri a se non posset.* Clarissimè Lampridius in Alexandro *Præfectis Prætorio suis Senatoriam addidit dignitatem, ut viri Clarissimi, & essent, & dicerentur, quod antea vel raro fuerat, eo usque ut si quis Imperatorum successorem Præfecto Prætorij dare vellet, laticladium eidem per libertum submitteret, ut in multorum vita Marius Maximus dixit.* Cur autem id fecerit Alexander, rationem affert, *ne quis scilicet non Senator de Senatore iudicaret.*

Non solum autem Equites Illustres, sed & eorum filios ius lati clauij habuisse, doctis viris assentimur, qui id Ouidij testimonio confirmant.

*Interea tacito passu labentibus annis*

*Liberior fratri sumptaque mihi toga est*

*Induiturque humeris cum lato purpura clauo.*

Qui ubi ad ætatem Senatoriam peruenerant, si nolebant, aut non poterant in amplissimum ordinem adscribi, angustum clauum resumebant; Idem poeta.

*Curia restabat, clauij mensura coacta est.*

N

*Alaius*

*Maius erat nostris viribus illud onus.*

*Tunica Afema. Clavi mappis & linteis affuti. Alia tunica ornamenta. Cap. XV.*

**T**UNICÆ a clavis laticlaviæ & angusticlaviæ dictæ. At quæ clavis carebant, *Afema* appellata, quod *σμηριον* clavius vestis, *σμηριον* clauata vestes dicerentur, ut Casaubono rectè visum est. Lampridius in Alexandro *Chlamydes hirtas Seneri & tunicas afemas*. Latos autem clavos, siue tunicas laticlaviæ a Senatoribus depositas in luctu, & ab equitibus angusticlaviæ, ita tamen ut sine clavo equites, senatores in clavo equestri apparerent, diximus cum de vestis mutatione egimus.

Nec vestibus modo clavi purpurei latiores inditi, sed & suppellectili lectorum, ac mensarum, ut ad Lamp. notavit Casaubonus. Hinc *laticlavia mappa* Petronio: *pura, & clauata lintea* Lampridio: *lintea item toralia duos clavos latissimos habentia* Ammiano.

Præter clavos fuisse, & alia in potentiorum tunicis ornamenta docet Suetonius, cum Cæsarem tradit *usum lato clavo ad manus fimbriato*, nam fimbriæ illæ non aliud, quam ornamenta tunicæ manuleatæ fuere. Iuvenalis etiam de Graccho retia nam in arena agente ait.

*Credamus tunica de faucibus aurea cum se*

*Porrigat & longo iactetur spira galero.*

Quo loco male Interpretes Senatoriam tunicam clavis aureis distinctam intelligi volunt. Nam in tunica senatoria nulli aurei clavi fuere, sed tantum in triumphali. Et clavi in pectore, non in faucibus.

Interpres vetus corruptissimus est. Ait enim *Tunicam de faucibus quidam vestem gladiatoriam dicunt quam fibulam pugnaturis mordet a faucibus* Quæ puto legenda. *quam fibula mordet a faucibus pugnaturi.* Mox in extremo ait. *Qui munera edebant, habebant ut extremas partes tunicae ad guttur ornarent quo famam haberent.* Sed tunc Gracchus non edebat munus, sed pugnabat in munere; Illud ergo potius, nobiliores & potentiores in tunicis ad guttur aurea segmenta gestasse; & ideo ait Poeta Gracchum in arena pignantem esse nobilissimum credamus tunicae ad fauces ornatae, Nam quod de galero addit, sic vetus interpres explicat *pilo quem habent Retiarii*, ubi deleta nota legendum est *pileo*, nam Retiarii sine galea, & solo pileo recti pugnant. Ceterum tunicae palmatae, quam totam purpuream fuisse diximus, & pictam, clavi aurei induebantur. Halicarn. lib. III. *χιτῶνα τὴν πορφυροῦν χρυσόσημον.*

*De Tunica Christi Domini inconsutili. Doctissimi viri opinio reiecta. Cap. XVI.*

**E**Xactis quæ ad veterum tunicas pertinebant, Christi Domini tunicam super omnes exuias ac peplos, superque omnes apices ac tutulos angustam vestem intactam prætermisisse nefas esset cum quænam illa & qualis fuerit, adhuc quæri videam, & viri præstantes artifices illi manus nuper admouerint; atque ex inconsutili consutam concinnauerint. Ioannis XIX. hæc habentur.

*Milites ergo cum crucifixissent eum acceperunt ve-*

*stimenta eius, & fecerunt quatuor partes, unicuique militi partem, & tunicam: Ἦν δὲ ὁ χιτὼν ἄρραφτος ἐκ τῶν ἀνωθεν ὑφάρτος δὲ ὅλου. Erat autem tunica inconsutilis de super contexta per totum. Dixerunt ergo ad inuicem non scindamus eam sed sortiamur de illa cuius sit.*

Vir doctissimus ad Vopiscum, tam veteres, quam recentiores omnes in illa inconsutili tunica explicanda tota regione aberrauisse pronunciare audet, & quomodo vox ἄρραφτος capienda esset ignorauisse. Putasse enim omnes, peculiare artificium, & texturæ speciem non vulgarem in tunica Domini notaria D. Ioanne. Ita omnes hactenus desudasse querendo, & inuestigando, qua nam ratione tale contexti vestimentum potuerit, quod futuram non haberet, quoniam per artem huiusmodi vestis in tela fieri non potuerit. Ipse nouam & mirabilem explicationem affert, mordicusque retinet; Ex tunicis alias apertas siue χιτῶνς, alias ἄρραφους fuisse, quæ ex toto tectæ, ac conclusæ nulla parte sutiles scissilesque essent, vt sunt camisiæ & interulæ nostræ lanæ, vel linæ. Tunicas apertas ex vtraque parte in humeris fibulis stringi consueuisse quas fibulas παρὰς & παρὶδας dicerent, idest futuras; Ita sutum pro fibulatum, & resutum pro refibulatum a latinis dici, nam Suetonius in Augusto. *Sumentur virilem togam tunica laticlavi resuta ex vtraque parte ad pedes decidit.* Quoniam igitur tunica Domini non esset de eo tunicarum genere, quæ παρὰς idest fibulas haberent, aut futuras, Græcè ἄρραφτον dici, latine *inconsutilem*; Tales autem tunicas laneas nostras, siue lineas, quæ licet consutæ sarcinatricis acu

dis



dicantur, nihil tamen prohibere quin inconfutiles sint, nam acum farcinatricis idem facere quod pecten textoris, quod nempe & acu texere veteres dixerunt. Ita hanc tunicam Domini fuisse ex eo vestium genere, quæ ut apud nos ex varijs pannis sectis consuntur, cum tunicæ reliquæ, & colobia non fuerentur, sed tantum duæ plagule in humero ac latere fibulis committerentur. Hinc tunicam Domini a militibus non fuisse diuisam, quia si diuissent perdidissent, cum nulli vsui futura fuisset, pallium contra quod fibulis commissum erat, licet sic diuisum alicui vsui esse posset.

Hæc quam breuissime, sed candide, & cum fide retulimus, ut noua hæc opinio curatius expendatur, cui assensionem præbere multa sunt quæ uerant. Primo illud omnibus durum merito videbitur, vocatam fuisse inconfutilem, quia esset confuta, & ita omnia uestimenta confuta dicenda inconfutilia. Demus enim fibulas *παράς* dictas esse, & futuras, quanquam improprie, quod futuræ loco essent, quid sequetur? Tunicas apertas etiam confutas fuisse, quia habebant fibulas, contra tunicas clausas non fuisse confutas, quia carebant fibulis, idest futuris, licet acu essent confutæ. Et si inquam, fibulæ futuræ dictæ sint, non video, cur tunica Augusti refibulata potius fuerit, quam refuta, nec scio quis fibularum in tunicis virilibus & colobijs Romanorum mentionē fecerit; Paucas ad modum statuas togatas, in quæis una fibula tunicam iungit videre est, in reliquis nullæ fibulæ apparent. Sed omnes tunicas superiores *χίτωνες* & apertas fuisse concedamus, fibulisque nexus, quod non

ita facile fuerit ostendere. At saltem subuculas siue interulas tam apud Græcos, quam apud Romanos consutas acu fuisse credendum est, nullisque fibulis constrictas, quod corpori pressæ & ad frigus arcendum, velandumque corpus essent clausæ; Atque ita omnes interulas, & subuculas inconsutiles fuisse necesse est; Et ideo quid opus erat talem Christi tunicam describere, cum tunicæ siue interulæ communes tales essent? Atqui Ioannes tanquam rem peculiarem in ea tunica notauit, quod esset inconsutilis, siue inconsuta, & ideo modum quo texta erat posuit non utique facturus si tales omnium interulæ fuissent, quemadmodum pallij texturam non addidit, fuisse autem ἀπ' ἀνω ἀπ' ὀπίσθεν aperte tradit, & quod sequitur *desuper contextam per totū*, idest non acu, aut sutura iunctam.

Præterea verisimile est, ne dicam certum, etiam vestimenta aperta, præcipuè Græcorum pallium, licet in humero fibula necerentur, saltem aliqua in parte consuta fuisse, qualia nostra pallia conficiuntur. Et ita Christi Domini pallium siue illud commune Græcorum, & Iudæorum fuerit, siue Tribonium, in quo nullus fibulæ vsus esse potuit, si debuit in quatuor partes diuidi non potuit non esse consutum, alioqui scissum fuisset, ac lacera- tum quod ne in tunica eueniret, eam diuidere noluerunt. Nisi quis dicat, pallium Domini quatuor plagulis constituisse multiplici fibularum serie con- nexis, quod mihi nunquam persuaserit. Consutum ergo pallium illud fuit, & tantum in anteriori parte apertum, ut vel in humeris fibula neceretur, vel a dextro brachio in sinistrum humerum reijceretur.

Quid-

Quidquid sit ratio illa nihili est, tunicam confutam non fuisse diuisam, quod cum esset acu confuta nulli vsui futura erat si resueretur. Id enim falsum. Nam quemadmodum diuiso pallio in quatuor partes, certè partes illę pallij vicem prestare nō potuerunt, alterius minoris tamen vestimenti, nam aut palliolum ex ijs confici potuit, aut tunicula, aut manicæ, thoraxue. Eodem modo si tunica illa cōfuta fuisset diuisa, ac resuta tunicæ quidem vsum, prestare non potuit, ex partibus tamen sic diuisis quid vetuit thoracem confici, manicas, orarium? Quod manifestum est in Camisijs nostris, & interulis lineis, nam si quis resuat, & scindat, non tamen penitus peribunt, sed & lintheola, & sudaria, & pedules, & alia minora nihilominus conficientur. Secus in tunica inconsutili, siue inconsuta, quę si diuisa ideo tota peritura erat, quod nullas futuras haberet, sed per totum contexta esset.

Nam de duabus Christi Domini tunicis iisdem assentiri non possum, qui suspicantur diuisum pallium induas plagulas, tunicam superariam in alias duas, sic factas quatuor partes vestimentorum. Qui enim credam, Christum duas tunicas gestasse, qui earum vsum Apostolis interdixit? Pręterea aliquod discrimen inter vtramque tunicam Euangelistę posuissent, qui vnus tantum mētionem fecerunt. Merito ergo postea hæc opinio auctori suo displicuit.

Hæc omnia cogunt nos cum vulgo credere, tunicam illam inconsutilem, vere fuisse inconsutam, idest sarcinatoris acu minimè, nulla que in parte cōfutam, sed ad instar subucularum, & tibialium quę apud nos serica, vel lanea tota simul texuntur non

quidem pectine, & in tela, sed per acus longiores reticulatim conficiuntur; Quod artificium si tunc incognitum, saltem sine acu solis manibus sursum versus contextam, qualia nunc reticula, & muliebres calanticae fiunt, & ideo dici *ἄνωθεν* *desuper*, idest sursum versus contextam, & per totum idest in orbem, & totam simul, sine vlla scissura, quæ acu committenda esset. Ita non fuisse a militibus diuisam, quia huius generis vestimenta si diuidantur, vt sunt tibialia, subuculae, ac reticula, nulli alij omnino vsui esse possunt, tota enim peretunt; Cum subuculae lineæ, vt dicebamus, confutæ, qualem volunt fuisse tunicam illam, si scindantur, aut resuantur, nihilominus alium vsum prestare possint. Obtrubant tamen D. Chrysostomi verba Homil. LXXXIV. in Ioannem. *Τίνες αὐτὸ τὸ εἶδος τῆς χιτοníσκου φασὶ τὴν Ευαγγελιστῶν ἱστορίαν. Ἐπειδὴ γὰρ ἐν Παλαιστίνῃ δύο ῥάκη συμβάλλοντες ἔχουσιν ὑφαίνειν τὰ ἱμάτια δηλῶν ὁ Ἰωάννης ὅτι τοῖς τῆς ὁ χιτοníσκου φασὶν ἐκτῶν ἄνωθεν ὑφαίνεσθαι. Quæ sic verti debebant. Alij genus quoddam tunicæ ab Evangelista notari dicunt. Si quidem in Palestina duos pannos committentes ita vestes contextunt: quod significans Ioannes ait desuper contexta. Quæ verba ait Magnus Casaubonus in Exercitationibus nescire se, an alij intelligant, se quidem vix satis assequi. Neque ipse quid sibi ea velint capere possum. Quis enim illa duorum pannorum commissura per texturam confici potuit? Theophylactus, vt notat idem ibi, more suo Chrysostomi verba describens quædam de suo adiecit. *Ἐν Παλαιστίνῃ δύο ῥάκη συμβάλλοντες, ἢ τοὶ δύο παννία, ὑφαίνεσθαι ἱμάτια, ἀντὶ τῆς ῥαφῆς χρώμενοι τῷ συνφασμῷ. In Palesti-**



*Et in duos pannos committentes texunt vestimenta pro futura videntes contextura. Quam texendi rationem ideo fortasse non assequimur, quia intercidit; vel eam nobis explicent, qui nihil ignorant.*

Illud sequitur, cur Ioannes dixerit ἐκ τῶν ἀνωθεν ὑφάρτῃσι δὲ ὅλου. *desuper contexta per totum.* Ideo factum dicunt, quod in superioribus tunicæ partibus ἐξ ἁπαλῶν, vel fibulæ locum magis haberent; Quæram ego de reliquis partibus, quas non confutas sed apertas a lateribus, vel in pectore fuisse volunt num fibulis strictæ fuerint, quod si verum est, cur tantum in superiori parte hoc factum indicavit Ioannes? cum in reliquis ita etiam se haberēt, ut tam in humeris, quam hinc inde a lateribus fibulate essent? Desuper ergo contextam rectius explicarunt, quod sursum versum texerentur, quales fuerit vestes rectæ, quas patres, ut ait Festus, liberis suis conficiendas curabant omnis causa, sic dictas, quod in altitudinem sursum versus, & a stantibus texerentur: quem morem apud Palestinos viguisse ex Theophylacto docti viri ostenderunt. Euthymius tradit, hanc tunicam fuisse a superioribus partibus contextam *veluti sunt, inquit, apud nos capitis aut pedum hiemalia integumenta*: nempe reticulatim facta. Perperam enim Casaubonus de vestimentis e lana coacta cōfectis, ea enim proprie nō texebātur.

Miror autem ab iisdem viris doctissimis proditum putasse omnes veteres ac recentiores, peculiare artificium, & texture speciem non vulgarem in Domini tunica notari a D. Ioanne. Nam non modo id non existimavit Baronius, sed etiam eos erroris accusavit, qui id putarunt; Non enim credibile esse, eius  
gene.

generis vestibus Dominum usum esse, qui Ioannis sanctitatem commendans dixerat, *Qui mollibus vestiuntur, in domibus Regum sunt.* Sed præstat Isidorum Pelusiotam audire lib. 1. ep. LXXIV. Τίς δ' ἐ ἀγνοεῖ τὴν ἐν τέλειαν τῇ ἐκ τῆς ἐκέρης, ἢ πρὸς οἱ ποχοὶ κέχλωται τῇ γαλιλαίων, καθ' οὓς ἡ μάλισα τὸ τοιοῦτο φιλεῖ γίνεσθαι ἱμάτιον, ὥς αἰ σὴ τοδεσπίδες ἀνάνρουςαν ἰσθινόρμον. *Quis autem vestis illius vilitatem ignorat, ut qua Galileorum pauperes utantur? Apud eos enim maxime huiusmodi vestis genus fieri solet ut pectoralia, sursum versus contextum. Quod persuadet facilem factu fuisse, & sine vlllo pectine, aut textoris opera manibus ad instar reticulorum cōfectam. Ut mirum etiam sit Bulengerum existimasse pretiosam fuisse, & quidem ex eo, quod illam dinidere milites noluerint. D. Chrysost. loco adducto. Quod mihi dicere videtur, inquit, ut vestimentorum vilitatem ostenderet, nam quemadmodum in alijs omnibus, ita in habitu vilem speciem præferebat.*

*De Tunica Muliebri. Stola. Instit. Segmenta.  
Plinius explicatus. Cap. XVII.*

**T**Ogam antiquissimis temporibus commune virorum, & feminarum gestamen fuisse, supra ostendimus. Mox toga penes viros remansit solasque feminas, quæ se viris vulgarent de quibus multa docti, præcipuè Manutius. Ita penes matronas feminasque honestas, atque ingenuas tunica, quam & *Stolam* dixerunt, & *pallium* siue *palla* remansit. Utramque vno versu complexus est Horatius.

*Ad tales stola demissa & circumdata pallâ.*

*Stola*

Stola igitur matronarum tunica proprie dicta, licet apud Græcos, & barbaros pro communi veste, & maxime virili accipiatur. Cicero Philippica II. *Sumpſisti virilem togam, quam statim stolam reddidisti.* Eodem planè sensu ille apud Petronium. *Quid ille alter, qui die togæ virilis stolam tanquam togam sumpſit?* Ita enim locus ille legendus est. Sic Caligula Liuiam *Vlyſsem stolatum* appellabat. Hanc autem ad talos vt loquitur Flaccus demissam, & institâ ad oram ornatam docuit Turnebus lib. xxix. & ex eo plures. Vbi duo insignia in cultu matronarum notat, vittas quæis crines ligabantur, & talarem tunicam adsutâ institâ cultam. Secus in Libertinis quæque viris morigerabantur. Tibul. eleg. vi.

— *quamuis non vitta ligatos*

*Impediat crines, nec stola longa pedes.*

De institâ Horatius.

*Quarum subsutâ talos tegat institata veste.*

Vbi Acron. *Quia matronæ stola vtuntur demissa usque ad imos pedes, cuius imam partem ambit institata subsuta.* Quod institata subsueretur, fallitur Acron vestis enim institæ subsuebatur, quæ imam stolæ oram prætexebat. Rectius Porphyrio. *Matronas significat. Hæ enim stola vtuntur ad imos pedes demissa, cuius imam partem ambit institata assuta.*

Ouidius in III. de arte.

*Quid de veste loquar? non tam segmenta requi-*  
*ro,*

*Nec quæ bis Tyrio murice lana rubet.*

Quibus addendus Iuuenalis de Graccho nuptu-  
tiente.

*Segmenta, & longos habitus, & flamea sumit*

Vbi Vetus Interpres. *Segmenta; Profusas vestes. Et longos. Fimbriarum.* (Lege fimbriatas) *sive vittatas vestes, quibus matronæ nouæ nuptæ cooperiuntur.* Et ad Satyr. v 1. *Segmenta dicit vittam pendentem de vestibus intextam auro.*

Recte autem Ouidius segmenta cum veste purpurea coniunxit, fuisse enim fascias, siue virgas purpureas, & aureas, quæ vesti ad ornamentum insuerentur, notum est, idque solis matronis concessum. Valerius Maximus. lib. 11. *Ceterum vt non tristis earum & horrida pudicitia, sed honesto comitatus genere temperata esset, indulgentibus maritis, & auro abundanti, & multa purpura vsæ sunt.* Idem. *Permisset utique eis purpurea veste, & aureis uti segmentis.* Hinc vestis segmentata Isidoro libro. 2 1 x. *Zonis quibusdam, & quasi præcisamentis ornata.*

Quare eximius matronarum Romanarum cultus fuit: quibus purpurea vestis aureis segmentis ornata. Et vsque ad Imperatores eo habitu insignes fuisse constat. Cæsarem modum purpuræ vsurpandæ statuisse, nonnisi certis personis, & per certos dies eius vsu permissio: eum deinde a Nerone omnino sublatum post ab Aureliano concessum, ad Vopiscum Cl. Salmasius adnotauit.

Ingenuorum ergo, & honestarum matronarum propria stola fuit, tunica scilicet ad plantas fluens, purpurea segmentis, siue Limbis aureis ornata, eademque multis rugis, ac plicis constricta. Martialis.



*Cum tibi trecenti Consules Vetustina  
Et tres capilli, quatuorue sint dentes,  
Rugosiores cum geras stola frontem.*

Tunica inquam fuit, ut Isidorum falli necesse sit, qui stolam esse scribit matronale operimentum, quod cooperto capite, & scapula, a dextro latere in laevum humerum mittitur. Nam id proprium fuit pallæ, siue pallij muliebris; Quare subiicit. Eadem, & Recinium latino nomine appellatum, eo quod dimidia eius pars retro reijciatur. Recinium autem de pallio dictum, siue pallium fuisse notum est.

Frustra autem Philippicarum nuperus Interpretes Stolum Senatorij tantum ordinis putavit adductus verbis Plinij, quæ nec ipse, nec alius quod sciam, affecutus est. lib. xxxiii. cap. iiii. de auro. *Haveant fœmina in armis, digitisque totis, collo, auribus spiris, discurrant catena per latera, et inserta margaritarum pondera e collo dominarum pendeant: Etiam ne pedibus induitur, atque inter stolam, plebemque hunc medium fœminarum equestrem ordinem facit.* Conqueritur Plinius ibi, aurum pedibus etiam, & cruribus addi. Petronius. *Iam pedum candor intra auri gracile vinculum positus Parium marmor exstinxerat.* Seneca. *Crura distincto reliquit aure.*

Eas aureas compedes non a matronis, sed a libertinis gestatas, illud argumento est, quod matronæ fluente stolâ velatæ, non crura modo sed & pedes veste contextos habebant, & omnia, ut ait Horatius præter faciem veste tegebant: ita nullus auri ad ostentationem parati usus in parte quæ latebat. At Libertinæ, quibusque Venus non impermissa, cum alius tunicas succingerent, ut ex Ovidio &

alijs

alijs scriptoribus liquet, crura, pedesque aureis circulis cultos ostentabant, quæ periscelides a plebe mulierum ob earum pretium non gestabantur: atque ita quemadmodum in viris aurum in annulis distinguebat a Curia, & a plebeio ordine equites, atque medium ordinem faciebat, ita in mulieribus aurum periscelio, compedeque gestatum distinguebat libertinas a stola, idest matronis honestis, & a plebe inope, sicque veluti medium quendam equestrem fœminarum ordinem faciebat; Non alius eius loci Pliniani sensus esse videtur; quem aliū enim potiorē Plinio interpretem dabimus ipso Plinio? Is cap. v. ait. *Argentum succedit ex re aliquando & auro, luxu fœminarum plebis compedes sibi ex eo facientium quas induere aureas mos tritior vetat.* Vbi innuit argenteas compedes a plebe gestatas, cum iam aureæ fastidiri cepissent. Frustra docti calceorum ornatum explicant, quem aureum in fœminis equestri ordinis fuisse falso ex Plinio colligunt. Quasi equestri ordinis matronę non & ipsę stolatę. Vel si alius sensus est, haud illum nobis inuideant, quos nihil effugit.

*Pallium muliebre. Palla. Citharædicus ornatus. Palla Gallica. Cap. XV III.*

**T**unicæ, siue stolæ mulieres honestæ iniiciebant pallium, quod palla dicebatur. Virg.

*Pallam signis auroque rigentem.*

Seruius. Significat autem tunica pallium, quod secundum Varronem palla dicta est ab irrugatione, & mobilitate, quæ circa finem huiusmodi vestium

πάλλειν. Illæ autem rugæ efficiebantur, quod cum pars eius in humerum sinistrum reijceretur, & sinistro brachio pars altera subduceretur, in rugas contrahebatur. *Rigentem autem duram propter aurum, sicut, & novas vestes videmus.* Idem ad illud.

*Pro longa tegmine palla;*

*Palla, inquit, proprie est vestis muliebris deducta usque ad vestigia, Isidorus: quadrup pallium interpretatur, quod de suo adiecit, quemadmodum quod affixis in ordinem gemmis distincta esset. Id enim Servius non habet, a quo ille ad verbum accepit. Recte autem illud, dictam pallam τὸ τὴν πάλλειν, quod rugis vibrantibus sinuata crispetur. Ita Nonius Palla est honesta mulieris vestimentum hoc est tunica pallium.*

Tam palla igitur, quàm stola, ita mulierum peculiare fuere, matrisque familiæ causa comparatæ, ut ijs viri non facile vri possent sine vituperatione, ut loquitur Ulpianus libro. XXI. D. de auro arg. leg. Vbi palla, non pallia legendum esse etsi ita extet in Pandectis Florentinis, idque tueatur Faber Semest. lib. I. cap. xv. ex eo apparet, quod pallia inter cõmunia viris & feminis vestimẽta a Iuriconsulto infra recensentur, cum pallæ muliebria tantũ fuerint. *Communia sunt quibus promiscuè utitur mulier cum viro, velut si eiusmodi pænula palliumue est.* Linius lib. xxvi. I. narrat, Ptolomæo Aegypti Regi dono a Senatu missam tunicam & togam purpuream, Cleopatræ Reginae pallam pictam cum amiculo.

Porro pallam eandem cum peplo Servius facit ad illud.

— peplumque ferebant.

Pe-

*Peplum proprie est palla picta fæminea Minerva consecrata. Et paulo ante. Cum Diomedes auxilio Minervæ plurimos Troianorum fudisset, Helenus vates monuit, ut Minervæ numen exoraretur, & cum precibus Dea ponerent vestem, quam Regina speciosissimam habebat, idest peplum: unde post Minervæ palla peplum appellata est. Juvenalis etiam Troadibus pallam tribuit.*

— *scissâque Polyxena pallâ.*

Palla inde ad citharædos, & saltatores translata est. De Citharædo Cornificius lib. i v. *Vti citharædus cum procedit optimè vestitus, palla inaurata indutus cum chlamyde purpurea coloribus varijs intexta. Et Lucianus aduersus indoctum tradit citharædum imperitum venisse Delphos veste auro insigni, & descendisse in certamen purpura auro contexta. De saltatorum palla animaduertit Turnebus libro. xx. ex Plauto Menechmis.*

*Sed obsecro hercle saltis sic cum palla postea.*

Horat.

*Post hæc persona, pallaque repertor honeste  
Æschylus.*

Hanc autem pallam longo syrmate humum ver-  
risset, illa indicant,

*Traxitque vagus per pulpita vestem;*

Et Neronis numini, in quibus ille hoc habitu. Suetonius etiam de Caligula. *Tres Consulares secunda vigilia in Palatium accitos, multaque & extrema metuentes super pulpitem collocavit, deinde repente magno tibiæ; & scabellorum crepitu cum palla tunicaque talarum profiliuit, ac de saltato cantico abiit.*

*Quod sane mirum videri potest saltatores longis*



ac fluentibus tunicâ, pallâque velatos, cum habiliores succincti, & tunicati tantum, futuri fuissent: nisi id pudoris causa ab impudicis factum, ne in saltando membra latentia renudarentur. Etiam inter virilia vestimenta, sed barbarica, Pallam Martialis posuit lib. i.

*Dimidiasque nates Gallica palla tegit*

Quo fortasse respexit Strabo lib. v. de habitu Gal-  
lorum οἱ γὰρ Κίλται ἀντὶ χιτῶνιων χιῖες χειριδωτοὺς  
φέρει μετὰ αἰδοίων, καὶ γλέτων. Interpres magis sen-  
sum secutus quam verba *pallas* vertit, cum *tunicas*  
*apertas manuleatas* debuisset, quæ tamen Gallis pal-  
læ fuere ad pudenda pertinentes.

### *De Veste Ancillari. Cap. XIIIX.*

**V**Lpianus D. de iniurijs. Si quis Virgines appellas-  
set, si tamen ancillari veste vestitas, minus pec-  
care videtur: multominus si meretricia veste fœmine,  
non matris familias vestitæ essent. Ad quem locum  
Iuriscōsultorū summi obseruatūt quod pridē Man-  
tius docuerat, matronas a meretricibus habitu di-  
cretas, quod illæ stola, idest, tunica talari assutâ  
institâ, & pallâ vterentur; At prostibulæ breuibus  
tunicis ad instar virilium, & toga vti cogerentur.  
Sed quæ vestis ancillaris esset, non est prodium.  
Verum cum matronæ stola, & palla vterentur, fa-  
cile est credere vtramque ancillis interdictam, atq;  
ita tunica breuiori ad medium crus pertinēte nul-  
la instita adsuta vfas esse ancillas, qualem tunicam  
meretriciam fuisse diximus, hoc tamen a Lupis di-

stinctas ancillas, quod hæ rogatæ, illæ tunicatæ tantum. An vero aliud fuerit discrimen, doctis quærendum relinquimus. Faber vestem ancillarem atram, & sordidam interpretatur: sed talis etiã villorum scæminarum ingenuarum esse potuit. Interim eorum error castigandus, qui lacernam vestimentum muliebri putant inducti verbis Iuuenalis.

*Ipse lacernata cum se iactaret amica.*

Quis enim paulo in literis versatus ignorat Satyricum ibi de Sporo loqui, quem vxoris loco habuit Nero, quemque ob hoc poeta lacernatam amicam vocat, quod lacerna virorum tantum esset; quod idem est, ac si quis nunc amicam braccatam vocaret. Recte Vetus Interpres. *Lacernata. Satyricè*, inquit, *habitu virili scæminam describit*. Non quidem scæminam, sed qui loco mulieris esset. Fortasse quis id ex Horatio firmari posse putet Serm. libr. II. Sat. VII. *Sub clara nuda lacerna*, vt quidem nuperi ediderunt, & inepte interpretati sunt *sub linea veste tam tenui*, vt meretrix quasi nuda videretur. Sed omnino cõtra veteres libros scriptos & impresos qui habent *sub clara nuda lucerna*. Nec attinet hunc morem prostandi sub lucerna satis alijs notatum retexere; Iuuenal. de Messalina a lupanari ad puluinat transeunte.

—— *urpis fumoque lucerna.*

Et Martialis.

*Ludere teste lucerna.*

*Vestis seruilis. Lipsij sententia reiecta. Interpres Iu-  
uenalis correctus. Fabri opinio expensa.*

*Cap. XX.*

**S**ERUOS, & ingenuos non eodem habitu cultuque  
vſos cum togati Quirites fuerūt palam est quòd  
nonnisi Romano ciui togæ ius eſſet. At poſt quam  
illæ depositæ ſunt, tunc nullum in habitu diſcrimē  
inter ſeruos & ingenuos fuiſſe quod ſola toga facie-  
bat, notauit Lipſius ex Appiano I. bellorum ciui-  
lium. Falsò tamen illud adiicit, tunicam commu-  
nem veſtem ſeruorum Romæ fuiſſe, nam tam libe-  
ri, quam ſerui, Romæ tunicati. Nec Soſias apud  
Plautum id confirmat.

*Imo equidem tunicis conſutis huc aduenio, nò dolis.*  
Nam & Soſias, & Amphitruo & Græci omnes  
quemadmodum Romani tunicati. Atqui Lipſius  
de ſola tunica intellexit; ſed & ſola tunica homi-  
nes ingenui Romæ inceſſerunt, viliores nempe, &  
quibus togæ emendæ facultas non erat.

*Hinc tunicatus populus, & tunicata plebs.* At in  
municipijs, & in agro omnes etiam diuiores tuni-  
cati tantum. Præterea ſerui Romæ non tantum tuni-  
cati, ſed & lacernati, birroſque, ac cucullos indu-  
ti; & apud Græcos non ſolum tunicati, ſed & pal-  
liolati; Hinc apud Plautum ſerui cum ſe ad curſu-  
ram inſtituunt, *palliolum in collum iaciunt*.

Verus Interpres Iuuenalis nondum editus in Bi-  
bliotheca Ambroſiana ad illud.

— *recitauerit ille togatas.*

*Hoc autem aſtabat, inquit, inter ſeruos, & do-  
minos*

*minos, quia serui non utebantur colobijs nigris, sed albis.* Quæ si vera essent, quæcunque a nobis & ab alijs de tunica disputata sunt, destruerent. Nam ingenuos toga, & tunica alba vsos diximus: hic nigra ingenuorum colobia ponit, alba seruorum. Cum hæsitatem, & reliquos versarem scholiastes, qui non pauci ibi extant, quosque publicari rei literariæ interfit, incidi in antiquissimum codicem, ex quo ille alter ab oscitante librario descriptus videbatur, qui omnem plane dubitationem sustulit, ita enim ibi scriptum repperi. *Quia serui non utebantur colobijs, & nigris calceis, sed albis.* Omissa vox, *calceis*, tantas turbas dedit. Indicare videtur ventus ille Interpres, præter togam etiam hoc discrimen fuisse inter seruos & liberos, quod serui non utebantur colobijs, sed tunicis manicatis, calceisque albis. Quod ad calceos attinet etiam albos a liberis gestatos constat, saltem inferiori ævo, sed forte ibi Scholiastes de gypsatis seruorum pedibus intellexit, quos *albos* Iuuenalis appellat, siue gypsati erant, siue albis pedulibus vestiti. Calceos quidem nigros ingenuorum & nobilium fuisse quid attinet ostendere, & crambem apponere?

Quid quid sit de colobijs ingenuorum proprijs, quæ etiam a seruis post gestata indicat querela Appiani, depositis togis nullum fuisse inter ingenuos, & seruos discrimen sublato togarum vsu sublata, etiam omnino videtur differentia in vestitu libero, ac seruili. Tunica vtrisque communis. Vtrique penulati, lacernati, cucullos induti vt infra dicemus. Penulatos, & cucullatos incessisse seruos demonstrat Lipsius, qui que eum describunt.

Fuif-



Fuisse tamen aliquod discrimen etiam sub Imperatoribus, indicat Tacitus, qui non semel meminit vestis seruilis. *Q. Volusio P. Cepione Coss. otium foris feda domi lasciuia, qua Nero itinera Urbis & lupanaria & diuerticula veste seruili indissimulationem sui compositus pererrabat*; Et Lampridius narrat, *Alexandrum Seuerum seruos suos semper cum seruili veste habuisse*; & *Aurelium Vopiscus seruis suis vestes easdem Imperatorem, & priuatum dedisse*. Faber Alexandri & Aureliani seruos minime albatos fuisse intelligit, de quo supra a nobis dictum est. Neque tamen in hoc illi assentiri possum, omneis seruos attratos fuisse, etsi Marcellinus *attratum culina ministerium*, appellet, nec est mirum inter fumum & caliginem versantibus.

Et quandiu in usu togæ fuerunt, ingenui non nisi albari; Hinc Olympio villicus apud Plautum liberate donatus *candidatus* incedit. Sed postquam desistere vestiri togæ, nullum prorsus in colore discrimen. Penulati omnes, ac lacernati, at hæ vestes ferme pulli coloris fuere. Suetonius de Augusto. *Visa quondam pro concione pullatorum turba*; Qui nã hi pullati? Cives lacernas induti; *Negotium dedit* *Ac dilibus ne quem post hæ paterentur in foro, circue, nisi positis lacernis togatum consistere*. Hinc pulata multitudo, & pullatus circulus. Quod si serui tantum tunicati dicantur fuisse, etiam liberi, ut populi sex in sola tunica, quod paulo ante diximus. Quare neque in eo audiendus Faber est, quod *seruum pro libero se gerentem* apud Vlpianum interpretatur candidatum, & togatum, nam Vlpiani ætate togæ ex usu communi abierant; Multo minus

seruos libertate donatos lacernam cādidam indūisse: nam eas fusci coloris fuisse præcipue Romæ; cum in Gallia rufæ essent, in confesso est. Quare atra lacerna non tantum seruorum fuit, quod ille credit, sed & ingenuorum, vt Suetonij verba ante laudata conuincunt: nec contrarium innuit Flaccus Sat. vii. lib. ii.

*Tu cum proiectis insignibus annulo equestri  
Romanoque habitu prodixisti ex Iudice Dama  
Turpis odoratum caput obscurante lacerna  
Non es quod simulas?*

Vt lateret ille insignia dignitatis, nempe annulum deposuerat, & libertatis, nempe togam, quæ Romanus habitus poetæ dicitur, & tunc in usu erat saltem apud digniores, & sic in seruili habitu, nempe sine toga, quæ ingenuorū, præterea, caput lacerna inuolutus vt lateret, hoc .n. indicat, caput obscurante lacerna, nō quod seruorum lacerna atra esset.

Quod vero subiicit, cucullum peculiarem seruorum fuisse, neque hoc præter culpam est, nam & ingenuorum fuit, vt Martialis verba ab eo mutilè adducta indicant:

*Pullo Manius alget in cucullo:*

Qui tamen ingenuus erat. Idem poeta lib. xi.

*Non te cucullis asseret caput tectum*

Loquitur cum homine libero, qui nulla ratione poterat basiatores effugere. Iuuenalis.

*Contentus illic Veneto, duroque cucullo.*

Quæ cum ita sint, illud potius statuendum, quod neque ipsi Fabro displicet, nulla lege, aut constitutione post togas seruilem habitum a liberali distinctum, sed ita more receptum, vt materia & colore ferme

ferme viliores seruorum vestes essent, quod tamen neque ab omnibus seruatum nec satis vnquam ingenuos a seruis distinxit; Idque indicant Seneca, & Lampridius ab eodem laudati. Ille de Clementia. *Indicta est aliquando a senatu sententia, ut seruos a liberis cultus distingueret; Deinde apparuit, quantum periculum immineret, si serui nostri numerare nos cepissent.* Et Lampridius tradit, *Alexandrum in animo habuisse omnibus officijs genus vestium proprium dare, & omnibus dignitatibus, ut a vestitu dignoscerentur, & omnibus seruis, ut in populo possent agnosci, ne quis seditiosus esset, simul ne serui ingenuis miscerentur: sed hoc Vlpiano, Pauloque displicuisse dicentibus, plurimum rixarum fore si faciles essent homines ad iniurias.* Nihilominus paulo ante Lampridius retulerat, seruos suos Alexandrum semper cum seruili veste habuisse, id quod hoc loco quemadmodum apud Tacitum de vili, & obsoleta intelligendum, cum nullum post togas in libero, ac seruili vestitu discrimen fuisse appareat.

Quidam etiam birrum seruilem vestem fuisse putarunt, quod lex 1. Cod. Theod. de habitu quo uti oportet intra Urbem. *Servos sane, quorum tamen dominos sollicitudine militie constat non teneri, aut birris uti permittimus, aut cucullis, quos merito reprehendit Salmasius ad Tertullianum de Pallio, birrosque & lacernas idem fere vestimenti genus fuisse ostendit; Nam Chlamydem & birrum non eandem vestem fuisse, eadem lex innuit, quæ seruis militaribus birros non permittit, quibus Chlamys concessa erat.* Sed de his in secundo volumine de re Vestitaria, quod propediem, si Deus annuerit, lucem videbit.

*Deo gloria & Deipatra Virgini.*

# INDEX AVCTORVM

qui in hoc Opere laudantur, illustrantur, aut emendantur.

<b>A</b>	<i>Cron.</i> 78.187.205.	<b>C</b>	
<i>Afranius explicatus.</i>	44.	<i>Caesar explicatus.</i>	27.
<i>Albinus.</i>	110.	<i>Casaubonus.</i>	6.133.
<i>Alcuinus.</i>	164.		135.160.162.163.156
<i>Amalarius.</i>	112.	<i>notatus.</i>	49.135.159.166.
<i>Ammianus Marcellinus.</i>	181.	<i>Cicero.</i>	3.
		<i>explicatus.</i>	19.20.23.
<i>Anastasius.</i>	166.		120.122.
<i>Apuleius.</i>	167.	<i>Eius enarrator notatus.</i>	
<i>Artemidorus.</i>	1.21.		20.21.23.32.33.66.
<i>Asconius Padianus.</i>	47. no-		73.184.189.207.
<i>tatus.</i>	77.	<i>Chrysostomus.</i>	202.
<i>Athenaeus.</i>	2.	<i>Claudius Salmasius.</i>	14.
<i>explicatus.</i>	6.		40.114.128.129.136.
<i>Athenai Interpres notatus.</i>	6.		160.179.206.217.
		<i>Concilium Ratisbonense.</i>	
<i>Auctor dialogi de Causis</i>			112.
<i>corruptae eloquentiae.</i>	99.	<i>Cornelius Nepos.</i>	126.
<b>B</b>		<i>Crusierius notatus.</i>	51.
<b>B</b>		<b>D</b>	
<i>Aronius notatus.</i>	112.	<i>Alechampius.</i>	128.
	114.180.	<i>Dion Cassius.</i>	38.
<i>Bayssus notatus.</i>	147.		63.73.81.133.
<i>Bonifacius Papa.</i>	111.	<i>notatus.</i>	39.
<i>Bulegerus notatus.</i>	182.204.	<i>Eius Interpres notatus.</i>	
			38.39.80.151.192.
			<i>Dio-</i>



# INDEX AVCTORVM

<i>Dionysius Halicarnassensis</i>	<i>Isidorus Pelusiota.</i>	204.
13. 51.	<i>Iuo Carnotensis.</i>	110. 112.
<i>explicatus.</i>		164.
<i>correctus.</i>	52. 122.	164.
	122.	<i>Iuuenalis.</i>
		10.
		<i>explicatus.</i>
		63. 144. 169.
		212.
<b>E</b> <i>Piphanius.</i>		12.
<i>Etymologus notatus.</i>	2	<i>Eius Interpres ineditus.</i>
<i>Euthymius.</i>	203.	117. 170. 171. 214.
		<i>correctus.</i>
		47. 149. 197.
		K
<b>F</b> <i>Estus emendatus.</i>	76.	<b>K</b> <i>Ercoetius.</i>
<i>Franciscus Bernar-</i>		7. 12. 95
<i>dinus Ferrarius.</i>	101.	<i>notatus.</i>
<i>Frontinus.</i>	41.	12. 179.
		L
		<b>L</b> <i>Ambinus notatus.</i>
		188.
		<i>Lipsius.</i>
		28. 32. 66.
<b>G</b> <i>Aspar Scioppius.</i>	46.	<i>notatus.</i>
<i>Gellius.</i>	4. 175.	27. 29. 32. 68. 72.
<i>Gemma Anima.</i>	107.	87. 89. 96. 118. 213.
		<i>Liuius.</i>
		43.
		<i>Lucanus.</i>
		25. 26.
		<i>Lucianus.</i>
		6.
		<i>Ludouicus Cerda.</i>
		111.
		<i>notatus.</i>
		179.
		M
		<b>M</b> <i>Acrobius.</i>
		36.
		<i>notatus.</i>
		38.
		<i>Manutius.</i>
		2. 4. 65. 131. 175
		<i>notatus.</i>
		3. 17. 20. 22.
		91. 119. 120. 152. 181.
		<i>Marcellus Donatus nota-</i>
		<i>tus.</i>
		5.
		<i>Martialis explicatus.</i>
		101.
		119. 133.
		Eius
<b>H</b> <i>Erodianus.</i>	180. 195.	
<i>Hesychius.</i>	2. 151.	
	157. 165.	
<i>Horatius explicatus.</i>	22.	
	25. 26. 187. 188. 216.	
<i>Eius Interpretes notati.</i>		
	22. 23.	
		I
<b>I</b> <i>Ioannes Diaconus.</i>	111.	
<i>Ioannes Rhodius.</i>	50.	
<i>Iosephus Scaliger.</i>	186.	
<i>Isidorus Hispalensis.</i>	8.	
<i>correctus.</i>	43. 107.	
<i>notatus.</i>	207.	

# INDEX AVCTORVM

<i>Eius Interpres notatus.</i> 88.	<i>Porphyrus explicatus.</i> 25.
N	<i>Propertius explicatus.</i> 166.
<i>Nicolaus Abrahamus</i>	168.
<i>notatus.</i> 123. 124.	Q
125.	<i>Quintilianus.</i> 14. 121.
<i>Nonius explicatus.</i> 76.	<i>Quintilianus explicatus.</i> 5. 15. 16.
<i>notatus.</i> 77.	18. 21. 74. 189.
<i>correctus.</i> 141.	R
P	<i>Abanus Maurus.</i> 165.
<i>Pancirolo notatus.</i>	S
50. 51.	<i>Eneca.</i> 22. 110.
<i>Persii Interpres notatus.</i>	<i>S. explicatus.</i> 96.
43. 69.	<i>Serrarius.</i> 11.
<i>correctus.</i> 44.	<i>Seruius.</i> 42. 209.
<i>Petronius.</i> 7.	<i>notatus.</i> 145.
<i>explicatus.</i> 35.	<i>Sigonius.</i> 3.
<i>correctus.</i> 205.	<i>notatus.</i> 5. 13.
<i>Eius Interpres notatus.</i> 35.	<i>Socrates.</i> 6.
<i>Petrus Faber notatus.</i> 82.	<i>Spartianus explicatus.</i> 85.
215. 216.	86.
<i>Philargyrius.</i> 58.	<i>Strabo.</i> 211.
<i>Pintianus.</i> 128.	<i>Suetonius.</i> 36.
<i>Plinius.</i> 53. 61. 62. 125.	<i>explicatus.</i> 4. 16.
<i>correctus.</i> 54. 55. 56.	<i>Synodus Gangrensis.</i> 135.
<i>explicatus.</i> 54. 55. 56. 57.	T
127. 207.	<i>Tacitus correctus.</i> 96.
<i>Plutarchus.</i> 4. 14. 28. 33.	<i>Tertullianus.</i> 1. 12. 16.
42. 48. 27.	<i>explicatus.</i> 45. 46.
<i>explicatus.</i> 19. 119. 177.	<i>Eius Interpres notatus.</i> 45.
<i>Eius Interpres notatus.</i>	46.
155. 177.	<i>Theophylactus.</i> 202.
<i>Pollux.</i> 147. 177.	<i>Torrentius notatus.</i> 194.
	Tur-

# INDEX AVCTORVM

*Turnebus.* 119. 122. 135. *Valafridus Strabo.* 112.  
191. *notatus.* 168. 113.

V

X

**V** *Alerius Maximus*  
31. 41. *explicatus.* 14

**X** *Iphilinus.* 90.  
*notatus.* 39.

*Veileius.* 14.

*Eius Interpres notatus.* 39.

*Verus Flaccus.* 130.

RE.

# RERVM ET VERBORVM

## Memorabilium Index.

<i>A</i>		<i>Caput inuoluere veste, &amp;</i>
<b>A</b> <i>Boila.</i> 141. 142. 143.		<i>aperire.</i> 28. 32.
144.		<i>Caput velatum in sacris.</i>
<i>Alba.</i> 165.		30. <i>In re calamitosa.</i> 30.
<i>Albati.</i> 66. 69. 163.		<i>Cardinalium vestitus.</i> 114.
<i>Albus color in latitia.</i> 69.		<i>Casula.</i> 105, 6, 7, 8, 9. 111.
<i>Amethestinum.</i> 128. 129.		112.
<i>Αμφιβλλον.</i> 148.		<i>Cato humerū exertus.</i> 45,
<i>Amphimallum.</i> 148.		6, 7, 8, 9.
<i>Angustus clauus.</i> 193.		<i>Cento.</i> 34.
<i>Angusticlauij.</i> 193.		<i>Cerhegi.</i> 25. 26.
<i>Αρρεαφως.</i> 198.		<i>Cinctura laxa.</i> 37.
<i>Atrati.</i> 71.		<i>Cinctura Casaris.</i> 38. 39.
<i>B</i>		<i>Cinctus Gabinus.</i> 42. 43. 44.
<b>B</b> <i>Irrhus.</i> 149.		<i>Cinctus Romanus</i> 138. 173.
<i>Bombyx Coa, &amp; Af-</i>		174.
<i>syria.</i> 59. 60. 61. 62.		<i>Cinctuti.</i> 25. 26.
<i>Bombycina Vestes.</i> 62.		<i>Citharædicus ornatus.</i> 210.
<i>Brachium exerere.</i> 25.		<i>Clauī.</i> 196.
<i>C</i>		<i>Coa bombyx.</i> 60. 61.
<b>C</b> <i>Aesaris cinctura.</i> 40.		<i>Cœnatoria.</i> 87. 88.
<i>Calcei cum togâ.</i> 33.		<i>Color a matronis in luctu</i>
<i>Camæ.</i> 165.		<i>usurpatus.</i> 71.
<i>Camisia. Camisum.</i> 164.		<i>Colobia.</i> 176.
165. 166.		<i>Cotta.</i> 167.
<i>Campestris.</i> 4.		<i>Creta vestimentis addita.</i>
<i>Candidati.</i> 65. 66.		67.
<i>Cappa.</i> 114.		<i>Crocota.</i> 167.
		<i>Cy-</i>



# INDEX.

*Cynici sine tunica.* 156.  
*Interula.* 156. 157.

## D

**D** *Almatica.* 112. 113.  
 178. 179.

*Dextram mittere trās pō-*  
*dera.* 22. 23.

*Dibapha.* 126.

*Duplex amictus.* 142.

*Duplex pannus,* 142.

## E

**E** *Phod.* 113.

*Exerti.* 25. 26.

*Exomis.* 154. 177.

## F

**F** *Anon:* 110.

*Fibula.* 50.

*Forensia.* 84.

## G

**G** *Ladiatores in toga*  
*producti.* 79.

## H

**H** *Oloporphyra.* 137.

*Holouera vestes.*  
 135, 6, 7.

*Hysginum.* 129.

## I

**I** *Imperatores togati.* 79.  
 80.

*Indusium.* 154.

*Instita.* 201.

## K

*Karūs.* 151.

## L

**L** *Acerna.* 212.

*Lacerna pulle.* 103.

*Laciniam trahere.* 37.

*Lena.* 145, 6, 7.

*Lanarum genera.* 52. 53.

*Lana coacta.* 55.

*Laticlaui tunicam nō cir-*  
*gebant.* 40. 191. 195.

*Latus clauus.* 186, 7, 8, 9.

*Lineus amictus.* 109. 113

163.

## M

**M** *Appula.* 110.

*Meretrices toga-*  
*ta.* 78.

*Ministri conuiuiorum in*  
*tunica linea.* 160. 161. 162.

*Multitia.* 64.

## O

**O** *Óovn.* 155. 157.

*Orarium.* 110.

## P

**P** *Aenula.* 105, 6, 7, 8.  
 111. 114.

*Palla.* 208. 209. 210. 211.

*Palliolum.* 32.

*Pallio caput involuere.* 32.

*Pallium Carthaginien-*  
*sium.* 12.

*Pallium Iudaicum.* 11.

*Pallium vulgare, ac Phi-*  
 10-

# INDEX.

<i>Iosophicum.</i>	10.11.	<b>Q</b>	<i>Q</i>
<i>Pallium muliebre.</i>	209.	<b>Q</b>	<i>Vadrata vestimenta</i>
<i>Palmata tunica.</i>	130.		6. 7. & sequentibus.
<i>Paragaudes.</i>	160.		<i>Quadrātaria.</i> 172
<i>Peplum.</i>	209.		<b>R</b>
<i>Περίβολαιον.</i>	2.	<i>Ράκ.</i>	159.
<i>Περίπόρφυρ.</i>	116. 119.	<i>Recinium.</i>	75. 76. 77.
122.		<b>S</b>	<i>S</i>
<i>Phrygiones.</i>	130.	<b>S</b>	<i>Agum.</i> 8. loco toga in.
<i>Planeta.</i> 105, 6, 7, 8. 111.			<i>luctu.</i> 82. 83.
<i>In communi vestitu.</i> 109		<i>Salij an togati.</i>	51.
<i>Plebs togata.</i>	78.	<i>Scutula.</i>	54.
<i>Pluviale.</i>	115.	<i>Segmenta.</i>	205, 6, 7.
<i>Ποδήρης.</i>	165.	<i>Senatores an prætectati.</i>	
<i>Prætecta.</i> 116. 117. <i>Sacer.</i>			119. 120. 121.
<i>dotum.</i> 117. 118. <i>Magi-</i>		<i>Serica vestis.</i> 59. 60. 61. 62	
<i>stratum.</i> 118. 119.		<i>Sinus toga.</i> 15. 16. 17. 18.	
<i>Tribunorum.</i> 121. <i>Pro Cō-</i>		<i>Stola.</i> 111. 204. 205.	
<i>sulum.</i> 143.		<i>Subucula.</i> 154.	
<i>Prætectata verba.</i> 117.		<i>Subserica.</i> 62. 63.	
<i>Pullus color in luctu.</i> 71.		<i>Synthesis.</i> 87, 8, 9. 90.	
<i>Pullatus circulus.</i> 103.		<b>T</b>	<i>T</i>
<i>Purpura.</i> 125. <i>Eius gene-</i>		<b>T</b>	<i>Emenus.</i> 1.
<i>ra.</i> 127. 128 <i>Violacea.</i>			<i>Τὴ Γενν.</i> 1. 2.
126. 129. <i>Dibapha.</i> 127.		<i>Τετραγωνα ἱμάτια.</i>	6.
161. <i>Stalaria.</i> 190.		<i>Toga vestimentum rotun-</i>	
<i>Tyria.</i> 161. <i>Tarentina.</i>		<i>dum, &amp; clausum.</i> 1. 3.	
161. <i>fusca.</i> 127. 129. <i>ple-</i>		4. 13. <i>Toga brachium</i>	
<i>beia.</i> 127. 129.		<i>continere.</i> 20. 21.	
<i>Megalensis.</i> 132. <i>Laconi-</i>		<i>Toga an cingeretur.</i> 35.	
<i>ca.</i> 127. <i>summa.</i> 135.		36. 41. <i>Rasa</i> 55.	
		<i>Pexa.</i> 52. <i>Detritia.</i> 53.	
		<i>Ta-</i>	

# INDEX.

*Talaris.* 73. *Triumphalis.*  
*Picta.* 130. 132. *Purpu-*  
*rea.* 130. *Græcanica.* 140  
*Submissa.* 85. 86. *Præsi-*  
*diaria.* 87. *Palmata.* 131,  
 233. *Capitolina.* 131.  
*Toga in luctu deposita.* 81.  
*Imperatorum auro vsur-*  
*pata.* 100. 101. *In con-*  
*uiujs.* 85. *extra Urbem.*  
 91. *In militia.* 93. *In of-*  
*ficio salutationis.* 94.  
*Toga an fibulata.* 50. 51.  
*Toga gestanda modus.* 15.  
 49. *Toga sinus.* & *Vm-*  
*bo.* 15. *Lacinia.* 31. *color*  
 65. *mensura.* 72. 73  
*Togati clientes.* 94.  
*Togatorum imagines.* 5. 49  
*Tomentum.* 56. 57. *Lingo-*  
*nicum.* 58. *Circense.* 58.  
*Trabea.* 122. 3, 4. 131.  
*Tribuni prætextati.* 121.  
*Tunica.* 150. 151. 166. *cā-*  
*didatis deposita.* 155.  
*Linea.* 188. 160

*Talaris.* 166. 172. *Manu-*  
*leata.* 175. 180.  
*Palmata.* 130. 185.  
*Tunica Iouis.* 132.  
*Russa.* 185. *Assema.* 196.  
*Muliebris.* 204.  
*Tunica In cōsutilis Christi*  
*Domini.* 197 usq. ad 204  
*Tunicatus populus.* 103.  
*Tunica color.* 185.  
*Ornamenta.* 196. 197.

## V

*V* *Estis domestica.* 82.  
 85. *Conuiuialis.* 87.  
*Sacrificantium.* 105. *Vu-*  
*dulaia.* 138. *foriculata.*  
 139. *Phryxiana.* 139.  
*Paueraia.* 140. *Senato-*  
*ria.* 190. *Recta.* 203. *An-*  
*cillaris.* 211. *seruilis.* 213  
*Vmbo.* 15. 17.

## Υ

*Υπόδεσις.* 39.  
*Ψοινικοπάρυφ.* 123.  
*Χιτῶν.* 150. 151.

# Errata operarum grauiora sic corrigenda?

Pag. 10. v. 16. Tertulliani

11. 14. Pænula.

12. 4. heresi.

15. 18. manu. & v. 26. continetur.

19. 26. ὡς ἐπ' αὐτῷ

30. 3. ἐρελκύσατο.

44. 35. ostendisse.

58. 35. laticlauiam.

61. 16. petitur.

68. 20. abluta. v. 22.

*Quem ducit hiantem* post  
pone illis, *ad illud Persij*

69. 3. fibulæ.

74. 55. *Mox subiicit*; Post.

pone illis. *Horat. 1. serm. sat. 3.*

179. clienti.

177. 3. αὐτοῦ.

128. Baysius.

129. 17. conuerro.

137. 27. Grammaticus.

151. 7. militarem

147. 33. ἰατρῆς

158. 22. altera

164. & 78. Alcuinus


173. 14. tunica.

195. plagulæ.

202. ἐναγγελιστῶν.













SPECIAL

93-B

3624

